



BIBLIOTECA NAZ.

Vittorio Emanuele III

XIII

A

29

NAPOLI









D.E
CONTEMPTU
MUNDI.



2


D E
CONTEMPTU
M U N D I,
S I V E
DE IMITATIONE
C H R I S T I,
LIBRI QUATUOR.

AUCTORE
JOANNE GERSEN

Abbate Vercellenſi, Ordinis
S. BENEDICTI:

*Ex decem Mss. Auctori eidem, atque
integritati reſtituti:*


Nunc tandem primùm Romæ recuſi,
juxta editiones Pariſienſes.



ROMÆ, MDCXCVII.

Ex Typographia Antonii de Rubeis,
propè S. Sylveſtrum de Capito
in Via Vitis.

Superiorum permiſſo.





JOSEPHI S.R.E.

CARDINALIS

DE AGUIRRE

PROLEGOMENON I.

*De vero Auctore hujus
Operis.*



NITIO præmitten-
dum, certo omnium
hujus sæculi scripto-
rum judicio, quot-
quot egerunt de Au-
ctoribus Ecclesiasti-

cis, Joannem Gerson Cancellarium
Parisiensem, nullatenus fuisse Au-
ctorem hujus Opusculi, quamvis nõ-
nulli oppositum judicaverint, fortas-
se abducti similitudine nominis cum
Joanne Gersen. Neque in eo stabi-
liendo oportebit modò tempus insu-
mere: cum jam id ab aliis fusè de-
monstratum sit; neque ullus inve-
niatur, aut sit intrà hoc sæculum qui
id affirmet. Quare tota controversia
vertitur hoc sæculo inter Thomam

Kempis, **Canonicum Regularem S. Augustini**, & **Joannem Gersen** **Abbatem Ordinis Sancti Benedicti**, qualem ipso initio hujus libelli, utcunque descripsimus. Sanè inter plures Societatis Auctores, qui in hanc sententiam inclinant; apertè suffragatur Eminentissimus Card. Bellarminus lib. De Script. Eccles. editionis Romanae, & Parisien. An. 1617. apud Cramoisi, ubi in Ioanne Gersone sæculo 15. ita loquitur: Valde probabile est Auctorem illius Opusculi (*De Imitatione Christi*) esse Ioannem quendam Abbatem de Gersen, sive de Gessen, ut habet inscriptio vetustissima hujus libri in Codice Ms. qui asservatur in Monasterio Arounensi, quod olim fuit Monachorum S. Benedicti, & nunc est domus Novitiorum Societatis Iesu. Et hinc apparet hoc opus tributum fuisse Ioanni Gerson propter similitudinem nominis: quia verus Auctor erat Ioannes de Gersen, & tamen quia non inveniebatur hoc opus inter opera Ioannis Gersonis Cancellarii Parisiensis, tributum fuisse Thomæ de Kempis ob similitudinem aliquam styli. His accedit, quod S. Bonaventura, qui fuit ducentis circiter annis

an-

antiquior Ioanne Gersono, & Thoma de Kempis, citat ex hoc Auctore partem cap. ult. lib. 1. ad verbum, & dicit, illa esse verba devoti cujusdam libelli *De Imitatione Christi*. Vide in to. 2. Opusculor. S. Bonaventuræ collat. 7. ex lib. Collationum habitantium in Conventu Tolosano. Hucusque Bellarminus, qui sanè sententiam suam validissimè munit. Quare nulla fides adhibenda est posterioribus editionibus, in quibus ea verba non leguntur, sed potius alia omnia. Nam cum eæ editiones sint posthumæ, nec in iis legatur, quam ob causam tantus vir sententiam mutaverit, nec fiat satis rationibus, quæ ipsum meritò impulerunt ad id iudicium ferendum; suspicari licet, verba posterius addita esse centonem quendam assutum operi alienâ manu, & injussu Auctoris.

2. Quare eidem opinioni subscripsit ex nostris Constantinus Cajetanus Abbas, Paulo V. à sacris literarum monumentis, eamque latè, & ex instituto confirmavit: tum ex variis Mss. antiquissimis, & nominatim ex Cavenfi, in quo effigies Ioannis Gersen Abbatis exstat (qualem initio Operis præmisimus) cum inscri-

5

scriptione ex lib. 3. cap. 36. desumpta: tum ex aliis pluribus conjecturis, & argumentis. Certum enim apud omnes est, Thomam à Kempis anno 1471. diem extremum egisse. Cum igitur multa exemplaria exstent longè antiquiora referentia nomen Ioannis Gersen Auctoris; & aliunde S. Bonaventura duobus sæculis antiquior Thoma à Kempis, verba huius Opusculi nominatim alleget, exscribatq; certum omnino videtur, potius Ioannem Gersen sæculo circiter ipso S. Bonaventuræ florentem, quàm Thomam longissimè posteriorem, edidisse sætum hunc.

3. Sed enim, uti varia sunt hominum iudicia, & affectiones, Heribertus Rosveidus, & Henricus Sommalius (fortassis, ut Patriæ, aut Nationi suæ id decus tribuerent) rejectâ eâ sententiâ decertarunt pro Thoma de Kempis, ducti potissimum uno, aut altero exemplari manuscripto, in cuius fine habebatur: *Finitus & completus ann. Dom. 1441. per manus Fr. Thomæ Kempis.* Hoc Achille fretus, prior ex iis *Vindicias Kempenses* edidit, sententiamque Cajetani, imò potius Bellarmini, & aliorum à Societate refutavit; vario tamen

men eventu . Nani licèt quosdam in
suam opinionem traxerit ; ab aliis
fidem impetrare non potuit , etiam
domesticis ; quales imprimis fuerunt
Viri clarissimi Iacobus Sirmondus , &
Iulius Nigronius , qui palam contra-
dixêre . Quare Cajetanus novo in-
structus præsidio anno 1644. Vindi-
ciis Kempensibus à Rosveido editis
reposuit Apologiam instructiorem
pro Joanne Gersen : cui postea sub-
scripsit , cogente veritate , & postha-
bito Nationis suæ amore , Christo-
phorus Befoldus celebris Jurisconsul-
tus Teuto , ac prætereà Anonymus Si-
culus ; & ex nostris Gabriel Buzeli-
nus , qui testatur , in Monasteriis va-
riis Germaniæ , Melicensi Oschenhu-
sano , Wibligensi , & Weingartenfi
existare adhuc quatuor , aut quinque
exemplaria hujus Operis antiqua , &
calamo exarata , annis 1418. 1430.
1433. & 1434. Si autem anno 1418.
scriptum jam integrè erat hoc Opu-
sculum , quomodo finitum & com-
pletum fuit anno 1441. à Thoma de
Kempis , tanquam à vero Auctore ,
uti colligit Rosveidus ex illa Syngra-
pha paullo antè prolata ? Neque enim
liber aliquis integer potuit existare
plurimis annis antè suam genesim ,

sive antequam à suo Germano Au-
ctore prodiret. Putandum itaque est,
immo & colligendum ex syngrapha
illa, Thomam à Kempis non Aucto-
rem, sed Scriptorem hujus Opusculi
fuisse. Quod sanè compertum habuit,
& jam diu testatus fuit clarissimus
vir D. Petrus de Marillac cap. 5. Præ-
fationis ad suam versionem Galli-
cam, inquiens. Inter rationes à
Rosveido allatas, ego nullam inve-
nio cur hic libellus Thomæ à Kempis,
qui anno 1471. obiit, ab ullo tribuen-
dus sit. Quinimò mihi videtur, Tho-
mam ubique excludi, & vel ipsius te-
stimonio proprio expelli; nam sub-
scriptione illa *rubris literis notata*.
(Finitus, & completus anno Domi-
ni 1441. per manus Fr. Thomæ Kem-
pen) disertè fatetur ejus libri non
Auctorem se, sed scriptorem tantum,
& obmanuensem existisse.

4. Consultius certè, & modera-
tius quàm alii, se gessit summo Vir
ingenio Joannes Barclajus lib. 1. suæ
Parænesis, ubi litem hanc indefinitam
reliquit: similiterque Philippus Lab-
bè in dissertatione historica *De Scri-
ptoribus Ecclesiast.* verbo Joannes
Gerson pag. 582. ubi censet satiùs pro-
fiteri, verum, & germanum hujus
ope-

operis Scriptorem adhuc re ipsa ignorari, quàm ad rixas, & toties decantata in utramque partem jurgia descendere.

5. Alii verò pro Joanne Gersen novas Apologias scripsêre, non solum ex hominibus nostræ Religionis, ut Robertus Quatremaires, & Franciscus Valgravius; sed etiam ex aliis, ut Joannes Launoyus Doct̃or Parisiensis, satis notus multiplici librorum sætu: Illustriss. Episc. Franciscus Augustinus ab Ecclesia, & Joannes Baptista Moneta, ut alios omittam. Quare non est, quod post tot aliorum lucubrationes, quibus Joanni Gersen asseritur hoc Opusculum, tanquam germano Auctori, & Monachatus S. Benedicti, & dignitas Abbatialis in Urbe Vercellensi, & tempus, in quo floruit, ab anno circiter 1220. usque ad 1250. nos tundamus incudem eandem, aut promissam brevitate prætergrediamur.

6. Mitto denique controversiam hanc magna partium contentione denuò excitatam fuisse inter Canonicos Regulares, & Monachos florentissimæ Congregationis S. Mauri, prout refert celeberrimus Joannes Mabillonius, qui & Apologiam edidit

dit pro Joanne Gersen ; & refert quæ
utrinque circa eam controversiam
gesta sunt, præcipuè coram Parisiensi
Archiepiscopo , & judicio sex perito-
rum hominum , ex multis , quibus
abundat Lutetia , quorum multi po-
tiùs videntur detulisse exemplaribus
productis nomine Thomæ à Kempis,
tanquam puro Scriptori hujus eximii
Operis;alii autem plures Joanni Ger-
sen tanquam Auctori , non absque
utrorumque diffidio .

7. Habeant itaque , si placet ,
Canonici Regulares Thomam suum
pro germano Auctore hujus Operis .
Habeant & alii , qui ipsorum causam
quamvis nihil sua referentem , ali-
quantò acriùs amplexi sunt . Nobis
certè quotquot S. BENEDICTI Re-
gulam profitemur , & plurimis aliis
Viris doctissimis , qui in re non suâ
nobiscum sentiunt, altè infixum erit,
libros hos à Joanne Gersen longè an-
tiquiore conceptos, & natos fuisse in-
tra Monastica Clausura . Reliquum
est , ut semotis contentionibus , &
amaritudinibus, unaquæque partium
studeat illorum doctrinam intentè
legere , frequenter ruminare , & di-
ligenter exequi . Hunc fructum ex-
optamus amplissimum in omnibus

iiis,

ijs , qui utriusque editionis , & sub-
inde aliarum participes fuerint ; præ-
sertim verò in sectatoribus Benedi-
ctinæ Regulæ, quorum spiritualis uti-
litas proximè nobis curæ est .

PRO.

PROLEGOMENON II.

*Elogia quædam Operis hujus , selecta
ex innumeris apud Scriptores
sparsis .*

11. **S**.IGNATIUS Societatis JESU Fundator apud Orlandinum lib. 5. Histor. cap. 5. & Ribadeneiram lib. 1. Vitæ ipsius cap. 13. miris laudibus commendabat librum hunc , & ad quotidianam lectionem ejus hortabatur, narrans ingentes fructus ex ea percipi solitos .

12. LUDOVICUS Granatensis eximius vitæ spiritualis Magister, & Ordinis Prædicatorum immortale decus , in Versione Hispanica hujus libri à se facta , censet illum esse *omni laude ac fama majorem* , ut post audita quantalibet ejus encomia , si ipse experiri velis , cogaris dicere cum Regina Saba : **MAJOR EST SAPIENTIA ET OPERA TUA , QUAM RUMOR QUEM AUDIVI.** Et prosequitur : Tu ipse , Lector , fac periculum . Proba , tange , gusta : videbisque vim verborum , & manna comedes , in quo omne genus saporis , ut olim Israe-

lita,

Elogia hujus Operis.

litæ, reperies. Deinde ostendit librum hunc esse quasi Alexipharmacum contra omnes morbos animæ. Nec dubitat dicere immensam Dei providentiam agnoscere in hoc libello, ut qui tam paucis, sed spiritu plenis verbis, tam multa suggerit, adeò efficacia ad movendum cor hominis. Denique concludit: Ut ergo eum circumferas, sinuque gestes assidue, excudendum parvâ, & commodâ formâ curavi, ne esset oneri, qui lectus ipse molestus non est; habeasque fidum viæ hujus vitæ comitem, solamen in adversis, doctorem, ducemq; in dubiis, artem praxinque rectè orandi hinc hauries, ac piè vivendi normam, necnon benè beatèque moriendi scientiam. Quamobrem amicum hunc recipe, nec à latere tuo dimitte: semel lectum, iterum, iterumque lege: non enim tedium afferet ejus lectio, mihi crede; quin decies repetita placebit: & in verbis licet eisdem, nova semper occurrent: videbisque divini spiritus indolem, qui nunquam exhauritur. Accipe munus hoc grato animo, quod Deus immensa bonitate nobis contulit, eoque in commodum tuum utere.

13. S. FRANCISCUS SALESIUS, teste Illustriss. D. Petro Camus Epi-

Prolegomenon II.

Episcopo Belleyensi parte 9. sect. 21. tum de hoc Opusculo , tum de quodam alio, cui epigraphe, *Oppugnatio Spiritualis*, (Hispanicè , *Combate Espiritual* , Auctore D. Laurentio Scupoli) respondit : *Ea duo opera prodiisse à duobus Auctoribus verè afflatis Spiritu Dei : & quamvis diversam faciem præferant, de unoquoque eorum dicti posse quod Ecclesia accinit de SS. NON EST INVENTUS SIMILIS ILLI.* Hæc & plura alia S. Pontifex eo loco in laudem utriusque libri.

14. Cæsar Baronius Cardinalis , Historiæ Ecclesiasticæ amplissimus scriptor, nulli doctrinâ, aut pietate secundus, teste Fabio Justiniano Episcopo Adignacensi lib. 2. p. 1. de sacro Concion. dicere solebat, *Opusculum hoc à nemine erga divina benè affecto , sine spirituali profectu legi posse.*

15. Constantinus Abbas Caetanus Summo Pontifice Paulo V à sacris Litterarum monimentis, in editione hujus Operis à se adornatâ, hoc testimonium profert de SS. Thoma, Bonaventura , Ignatio, Carolo Borromæo , & Philippo Nerio , aliisque. *Quanta , Deus bone , in JOANNE GER.*

Elogia hujus Operis.

GERSEN Abbate nostro Vercellenſi, auctore librorum de Imitatione Chriſti, ſanctitas elucet, quis humanarum rerum contemptus, quæ ſapientie cœleſtis ſublimitas, quæ beata vitæ forma, & diſciplina! Jam ſi auctoritas queratur, teſtes habet locupletiffimos, Eccleſiæ Doctores, **THOMAS** Angelicus, & **BONAVENTURA** Seraphicus, duo Chriſtiani Orbis lumina, quanti hunc librum faſcerent, euidenter oſtenderunt. Ille enim in componendo S. S. Corporis Chriſti Officio ab Eccleſia approbato, eo uſus eſt: hic autem integros ex eodem locos in ſua ſcripta tranſtulit. Quid de S. **CAROLO** Borromeo, de **PAULO** IV. & **PIO** V. PP. Maximis dicam, qui illum quodcumque irent ſecum circumferebat? Hic eſt Liber ille, ex quo S. S. Patres **IGNATIUS** **DE LOYOLA**, & **PHILIPPUS** **NERIUS**, ille Clericorum Societatis **JFSU**, hic Congregationis Oratorii Fundator, religioſæ vitæ præcepta haurientes magno Chriſtianæ Reipublicæ bono poſteris promulgârunt. Thomas verò à Kempis vir admodum pius, & inſignis, amanuenſis bis, vel ter eundem ſua manu deſcriptum reliquit. **Alexandrum** **Saulini** magno ſab-

Prolegomenon II.

sanctitatis Episcopum, & alios ferè innumeros prætereo, qui eundem librum è manibus nunquam dimiserunt, &c.

16. ROB. Bellarmius Cardinal. pietate, & doctrinâ, quàm purpurâ spectabilior, lib. de Scriptoribus Ecclesiast. editionis Parisiensis anni 1617. p. 397. loquens de Joanne Gersono, cui liber hic malè à quibusdam supponebatur, inquit: *Opusculum est utilissimum, & jure in tota Ecclesia summo omnium consensu receptum, & frequentatum, & in omnes linguas conversum, Ego certè ab adolescentia, & usque in senectam hoc opusculum sepiissimè volvi, & revolvi: & semper mihi novum apparuit, & nunc etiam mirificè cordi meo sapit.*

17. SUNT & innumera alia hujus libri elogia apud Scriptores sparsa, quæ consultò prætermittimus, ne volumen excedat solitam parvitatem. Subjungenda tamen fuit pia quædam Epistola Francisci Valgravi ex editione Parisiensi.

EPISTOLA Fr. FRANCISCI
Valgravii, ad fratres suos Bene-
dictinæ Familie Ascetas.

LIBELLUM de Imitatione
Christi Joannis Gersen Ab-
batis nostri Benedictini Au-
ctori, atque Ordini suo asserturus, cu-
jus auspiciis, vel potius patrocinio,
mihi militandum esset, quàm vestris
(PP. admodum RR. mihiq̃ue sum-
moperè colendi) quorum interest
potissimùm, Virum hunc, vestri Or-
dinis, ac dignitatis decus, vestræ vi-
tæ, ac disciplinæ ducem præstantis-
simum tueri. Quæ namque est alia,
vita vestra, verbis Apostoli, quàm
Vita abscondita cum Christo in Deo,
Seu, ut loquitur Auctor hic noster,
Via Regia Sanctæ Crucis: vel ut
alibi, *Christum per Crucem imitari?*

18. QUID autem lest Christum
per Crucem imitari, nisi mundo, &
se ipso spretis, Christum sequi, Cru-
cem ferendo, in Cruce moriendo.
Ecce, inquit, *in Cruce totum constat,*
& in moriendo totum jacet! Scilicet,
Crucem suam portare, cum Christo
Cruci configi, & in eâ usque ad mor-
tem perseverare, hæc est vera Christi

Prolegomenon II.

Imitatio, Auctoris Vita, Vita vestra.
Suscepi, inquit, de manu tua Crucem: portabo eam usque ad mortem, sicut imposuisti mihi. Verè vita boni Monachi Crux est, sed dux Paradisi, Inceptum est: retro abire non licet, nea relinquare oportet. Eja, fratres, pergamus simul: JESUS erit nobiscum. Propter JESUM suscepimus hanc Crucem: propter JESUM perseveremus in Cruce. Ita ille lib. 3. cap. 56.

19. CUM igitur Monasticæ vitæ summa in Cruce consistat, & in unâ imitatione Christi absolvatur; quis eam alibi, si rem spectamus, melius; si nomen, aptius descriptum inveniat, quàm in his quatuor libris de Imitatione Christi? Quis illius Vitæ, vel perfectionem docuerit luculentius, vel profectum, ac perseverantiam persuaserit efficacius, quàm hic Joannes Gersen Abbas noster Vercellensis? Hos enim quatuor de imitando Christo libellos, ut olim Patriarcha Jacob tot virgas in canalibus aquarum, ipse Pastor insignis, & Theodidactus, in Claustris Monachorum ante conspectum arietum, & ovium, Superiorum scilicet, & subditorum posuit, ut in eorum contemplatione conciperent. Conciperent,

Elogia hujus Operis.

rent, inquam, & conceptos parerent
Monasticæ Vitæ fœtus, æternâ vitâ
dignos, in imitando videlicet Chri-
sto, profectum, ac perseverantiam.
Quandoquidem ergo Auctor vester
est, quia vestri Ordinis Abbas; ve-
strum & Opus, quia vobis elucubra-
tum; quidni etiam utriusque pro-
pugnator vester sit, & nuncupetur.

PROLEGOMENON III.

*Regule aliquot & sententie Docto-
rum Vitę Spiritualis, ut lectio li-
brorum hujus generis sit fru-
ctuosa & salutaris .*

QUAMVIS circa hoc nonnulla
præmiserimus in aliis Opu-
sculis nuper editis ; quia
tamen res summi mo-
menti est, in gratiam eorum, ad quos
fortè illa non pervenient, visum fuit
modò regulas aliquot & sententias
præscribere à piis Scriptoribus obser-
vatas , ut lectio librorum hujus ge-
neris non sit arida aut sterilis , sed
jucunda & fructuosa ad salutem
animæ .

21. Occurrit primo loco Prolo-
gus S. Anselmi in suas Meditationes
nuper à nobis recusas , ubi sic loqui-
tur: *Meditationes seu Orationes, quę
subscriptę sunt, quoniam ad excitanda
legētis mentem ad Dei amorem,
vel timorem, seu ad suimet discus-
sionem edite sunt: NON SUNT LE-
GENDÆ, IN TUMULTU, SED
IN QUIETE ; NEC VELOCI-
TER, SED PAULLATIM CUM
IN.*

Prolegomenon III.

**TENTA, ET MOROSA MEDI-
TATIONE** Nec debet intendere
Lector, ut quamlibet illarum totam
perlegat; sed quantum sentit, Deo
adjuvante, sibi valere ad accenden-
dum affectum orandi, vel quantum
illum delectat. Nec necesse habet
aliquam semper à principio incipere;
sed ubi magis placuerit, Ad hoc enim
ipsum paragraphis sunt distinctæ, ut
ubi elegerit, incipiat, vel desinat: ne
prolixitas, aut frequens ejusdem lo-
ci repetitio generet fastidium; sed
potius aliquem inde colligat Lector,
propter quem factæ sunt, pietatis af-
fectum. Hucusque S. Anselmus. Id
autem ipsum dictum accipe de Me-
ditationibus, & Orationibus con-
tentis in hoc Opusculo.

22. S. Bernardus in Speculo Mo-
nachorum: Post lectionem, ait, est
orandum: & si ad legendum acce-
das, non tam quæras scientiam, quàm
saporem. Est autem Scriptura sacra
puteus Jacob, ex quo hauriuntur.
æque, quæ, in oratione funduntur.
Nec semper ad Oratorium est eun-
dum: **SED IN IPSA LECTIO-
NE POTERIS CONTEMPLARI ET
ORARE.** Idem alio loco: Dei servum
sine intermissione legere & orare oportet.

Regule aliquot utiles.

zet. Rationemque reddit S. Bonaventura: quoniam lectio dat materiam, & quasi semen bone cogitationis: oratio rigat, & ad perfectum roborat, & cor illuminat ad intelligentiam.

23. S. Vincentius Ferrer, *Nullus*, inquit, quantumcunque pol-
lens ingenio, debet omittere ea, que
possunt eum ad devotionem excitare:
immo qui legit, & studet, debet ad
Christum instectere, cum ipso loquen-
do, & ab ipso intelligentiam postulan-
do. Sape dum actu legit aut studet,
à libro debet ad horam oculos averte-
re, & oculis clausis se in Christi pla-
gis abscondere, & iterato se ad Chri-
stum convertere. Etiam quandoque
debet ab studio vel lectione surgere,
& in cælum flexis genibus aliquam
ignitam orationem cum brevitatem ad
Deum fundere, vel cellam egredi,
Ecclesiam, claustrum, vel capitulum
circumire, secundum quod Christus
confert; & aliquando oratione for-
mata, vel informi per gemitus, &
suspiria de ebullitione cordis divinum
auxilium implorare, vota sua, & de-
sideria Altissimo presentando, &
Sanctorum ad hec auxilium implo-
rando. Et illud negotium quandoque
agitur, sine psalmis, & sine quibus-
cum-

Regula aliquot utiles

Cumque orationibus externis formatis verbo ; quamvis hoc aliquando initium sumpserit vel ex aliquo versu psalmi , vel loco aliterius scripture , siue alicujus Sãcti , nobis interdũ Deo inspirãte interiũs. Dum autẽ ille fervor spiritus transferit , qui communiter parum durat potes ad memoriam revocare ea , quæ paulo antè studueras , & tunc dabitur tibi clavior intellectus . Quo factò , iteratò ad studium redeas , vel ad lectiõnem , & iteratò ad orationem ; & sic alternando commutes : Nam per hujusmodi commutationem in oratione , majorem repies devotionem , & in lectiõne aut studio intelligentiam clariorem .

24. Auctoꝝ hujus Operis lib. 1. c. 5. *Veritas est in scripturis sanẽtis quẽrenda , non in eloquentia . Omnis Scriptura sacra co spiritu debet legi , quo facta est . Querere debemus potiũs utilitatem in scripturis , quàm subtilitatem sermonis . Ita libenter devotos & simplices libros legere debemus , sicut altos & profundos . Et quibusdam interieẽtis : Si vis profectum haurire , lege humiliter , simpliciter , & fideliter : nec unquam velis habere nomen scientiæ . Interroga libenter , & audi tacens verba Sãctoꝝũ .*

Prolegomenon III.

25. Thomas à Kempis lib. 5. de disciplina Claustral. Tria sunt omni Religioso necessaria, sine quibus non potest diu stare in bona vita: Hæc sunt, Oratio, Lectio, & Operatio. In istis omni die se exercere debet, & semper in aliquo horum occupari. Atque infra: **LECTIO DEBET ESSE QUASI ORATIO:** & antequam legas, precedat oratio. Lectio sacra ignorantiam nostram erudit, dubia solvit, errores corrigit, bonos mores instruit, facit cognoscere vitia, hortatur ad virtutes, excitat ad fervorem, incutit timorem, recolligit mentem, recreat fastidiosum animum.

26. Trithemius Abbas Hom. 4. Vos itaque, fratres mei, si Dominum **JESUM** in toto corde vestro veraciter diligitis, si complacere illi super omnia ut veri milites desideratis, si denique ad perfectionem vite monasticæ cupitis proficere, in lectione divinarum scripturarum debetis vos semper **CUN FERVIDA AFFECTIONE** occupare. Quod ibidem latius prosequitur.

27. Dacryanus Abbas (id est, Ludov. Blosius) in Speculo Monach. Si interioribus tuis neglectis, exterio-

Regule aliquot utiles.

ra tantum curas ; & si sacris lectionibus , aliisque spiritualibus exercitiis non das diligentem operam , ut raro ad eterna assurgas ; Monachus non es .

28. EX his aliisque documentis Patrum , Scriptores pii varias regulas colligunt . *Prima* est , ut unusquisque ante lectionem , sicuti & ante orationem , præparet animam suam ; imprimis purâ intentione gloriæ divinæ , & profectûs spiritualis . Quod faciet humiliando se coram Deo , & indignitatem suam ex animo agnoscendo , ac subinde petendo lumen & gratiam , quibus illustretur mens , & accendatur voluntas . *Secunda* , ut nō legat cursim , aut festinanter , sed morosè , ruminando sacra verba cum magna animi attentione , ut divinis illustrationibus sit locus . *Tertia* , ut studeat elicere affectus voluntatis congruentes lectioni in materia diversarum virtutum : subindeque aspirationes varias ad Deum ingeminet . Alioqui periculum erit , ut sola mens illustretur , & voluntas arida maneat . *Quarta* , ut claudat lectionem cum gratiarum actione , & de cætero curet conservare in animo , atque exercere similes affectiones ; ne

Prolegomenon III.

fructus ex lectione perceptus brevi evanescat. *Quinta*, ut lectio non sit desultoria aut vaga, prout fors occurrerit, sed certa & ex ordine, *Ultima*, ut sit certum quotidie tempus lectioni piæ, sicuti & orationi deputatum: occurrente autem gravi impedimento commutetur in aliam horam. Si enim hoc facimus circa alimentum corporis; quantum magis præstari debet circa refectionem animi?

PROLEGOMENON IV.

*Indicantur varię & piissimę quędam
Orationes, hisce libris contentę.*

QUAMVIS opusculum hoc
passim ministret materiam
aptissimam orandi, seu
fundendi preces ad Deū;
occurrunt speciatim in illo quędam
ignitę ac devotissimę Orationes,
quas hoc loco indicare oportuit.

Prolegomenon IV.

EX LIBRO III.

- C**AP. 2. n. 1. *Loquere Domine*,
pro divinis inspirationibus
obtinendis. 97
- Cap. 3. *Domine Deus*, &c. Ad im-
petrandam devotionis gratiā. 101
- Cap. 5. n. 1. *Benedico te*, pro divina
visitatione & amore. 105
- Ibidem n. 5. *Deus meus, amor meus*,
pro divini amoris incremēto. 107
- Cap. 8. n. 1. *Loquar ad Dominum*,
&c. Confessio propriæ vilitatis
& ingratitude. 115
- Cap. 10. per totum, *Nunc iterum*,
&c. Laus & gratiarum actio pro
specialis vocatione ad vitam spi-
ritualem & religiosam. 118
- Cap. 14. per totum, *Intonas super
me*. Consideratio judiciorum Dei
& humiliatio propria sub poten-
ti manu ejus. 127
- Cap. 15. n. 1. *Domine si tibi*, &c.
Formula precandi in omni re de-
siderabili. 129
- Ibidem n. 2. *Domine, tu scis*, &c.
Alia similis. 130
- Ibidem n. 3. *Concede*, &c. Pro bene-
placito Dei perficiendo: 161
- Cap. 16. n. 2. *Adesto mihi*, &c. Pro
solatio

Indiculus Orationum.

solatio in solo Deo quærendo. 132

Cap. 17. n. 1. *Domine dummodo*,
&c. Pro solitudine in solo Deo
ponendâ. 133

Ibidem n. 3. *Domine*, &c. Pro quavis
re tolerandâ. ibid.

Cap. 18. n. 2. *Domine*, &c. Comme-
moratio Vitæ Christi cum gra-
tiarum actione. 135

Cap. 19. n. 4. *Fac mihi Domine*, &c.
Ad impetrandam patientiam in
adversis. 138

Cap. 20. n. 1. *Confitebor*, &c. Confes-
sio infirmitatis humanæ, & queri-
monia de miseriis hujus vitæ. ibid.

Cap. 21. n. 1. *Omnia*, &c. Desiderium
animæ in solo Deo requiem quæ-
rentis. 141

Cap. 22. n. 1. *Aperi Domine*, &c.
Commemoratio multiplicum be-
neficiorum Dei, cum gratiarum
actione. 145

Cap. 23. n. 3. *Domine Deus*, &c. Ora-
tio contra malas cogitationes. 149

Ibidem n. 4. *Clarifica*, &c. Alia pro
illuminatione mentis. ibid.

Cap. 26. n. 2. *Obsecro te*, &c. Pro li-
bertate mentis contra necessitates
corporis, & hujus mundi vanita-
tes. 154

Cap. 27. n. 4. *Confirma me*, &c. Pro
pur-

Prolegomenon IV.

purgatione cordis, & cœlesti sapientiâ. 157

Cap. 29. n. 1. *Sit nomen*, &c. Invocatio Dei, ubi instat tribulatio. 159

Cap. 34. n. 1. *Ecce Deus meus*, &c. Oratio ad impetrandū Dei amorem. 169

Cap. 39. n. 1. *Domine labia*, &c. Oblatio sui, & suorum in Dei beneplacitum. 178

Cap. 40. n. 1. *Domine quid est*, &c. Confessio suæ nihilitatis, & in solo Deo gloriatio. 180

Cap. 46. n. 5. *Domine Deus*, &c. Imploratio gratiæ pro verborum jaculis patienter sustinendis. 193

Cap. 48. n. 1. *O superne civitatis*, &c. Suspirium animæ in diem Æternitatis tum querimonia de hujus vitæ angustiis. 196

EX LIB. IV.

OMnia ferè capita libri quarti sunt totidem Orationes devotissimæ, & affectionibus opportunis plenæ: cum ad dignè recipiendum Corpus Christi D. tum ad agendum gratias : tum ad postulandum dona ipsius, & quicquid ad salutem, profectumque spiritualem animæ oportet. Ideoque non fuit opus peculiari Indiculo. Vale, **LECTOR**, & ora pro me.

*Ex S. ANSELMI Carmine de Con-
temptu Mundi, ad Monachos,
FRAGMENTUM.*

Non tonsura facit Monachum, non
horrida vestis;

Sed virtus animi, perpetuusque
rigor

Mens humilis, **MUNDI CON-
TEMPTUS**, vita devota,
Sancta que sobrietas; hæc faciunt
Monachum.

Hæc vos in cælum, Monachi, qua-
driga levabit:

Hæc post hanc vitam præmia sum-
ma dabit.

Nil tonsura juvat, juvat aut vilissi-
ma vestis,

Si lupus es, quamvis esse vidêris
ovis:

Nam falli possunt homines, & falle-
re. Christum,

Qui nullum fallit, fallere nemo
potest.

Ille quidem fucum simulatæ religio-
nis.

Damnat, & in reprobis moribus
esse nequit.

Vovistis, fratres, vovistis: vestra ro-
gamus

Vivite solliciti reddere vota Deo.
In

In Majestatem divinā peccat abundē
Quisquis quæ non vult reddere,
vota vover.

Vovistis Domino vestros converte-
re mores:

Jam nunc peccatis sit modus, &
vitiis.

Nunc humilis vivat qui vixerat antè
superbus:

Sit castus quisquis luxuriosus erat.

Quærebat census aliquis? captabat
honores?

At modò vilescant census honor-
que sibi.

Gaudebat dapibus, gaudebat divite
mensa?

Nunc tenuē victum sobria mensa
dabit.

Ille suis lætus successibus esse sole-
bat?

Nunc lacrymis culpas diluat ipse
suas, &c.

INDEX

LIBRORUM ET CAPITUM.

LIBER PRIMUS.

De Imitatione CHRISTI.

CAP. I. De Contemptu omnium vanitatum mundi.	1
2. De humili sentire sui ipsius.	3
3. De doctrina veritatis.	5
4. De prudentia in agendis.	8
5. De lectione sanctarum Scriptura- rum.	9
6. De inordinatis affectionibus	10
7. De vana spe, & elatione fugien- da.	11
8. De cavenda nimia familiaritate.	13
9. De obedientia & subiectione.	14
10. De cavenda superfluitate verbo- rum.	15
11. De pace acquirenda & zelo pro- ficiendi.	16
12. De utilitate adversitatis.	19
13. De tentationibus resistendis.	20
14. De temerario judicio vitan- do.	24
15. De	

Et Captum.

15. De operibus ex charitate factis.	25
16. De sufferentia defectuum aliorum.	26
17. De Monastica vita.	28
18. De exemplis SS. Patrum.	29
19. De exercitiis boni Religiosi.	32
20. De amore solitudinis & silentii.	36
21. De compunctione cordis.	40
22. De consideratione humanæ miseriæ.	43
23. De meditatione mortis.	46
24. De iudicio, & pœnis peccatorum.	51
25. De ferventi emendatione totius vitæ nostræ.	55

LIBER II.

CAP. I. De interna conversatione.	61
2. De humili summissione sub Prælati regimine.	65
3. De bono pacifico homine.	67
4. De pura mente, & simplici intentione.	68
5. De propria consideratione.	70
6. De lætitia bonæ conscientie.	71
7. De amore JESU super omnia.	73
8. De familiari amicitia JESU.	75
9. De	

Index Librorum,

9. De carentia omnis solatii. 78
10. De gratitudine pro gratia Dei. 82
11. De paucitate amatorum Crucis JESU. 85
12. De regia via sanctæ Crucis. 87

LIBER III.

- Cap. I. De interna Christi locutione ad animam fidelem. 96
2. Quòd veritas intùs loquitur sine strepitu verborum. 97
3. Quòd verba Dei humiliter sunt audienda, & quòd multi ea non ponderant. 99
4. Quòd in veritate & humilitate corâ Deo conversandum est. 103
5. De mirabili effectû divini amoris. 105
6. De probatione veri amoris. 109
7. De occultanda gratia sub humilitatis custodia. 112
8. De vili æstimatione sui ipsius in oculis Dei. 115
9. Quòd omnia ad Deum, sicut ad finem ultimû, sunt referenda. 117
10. Quòd spreto mundo, dulce est servire Deo. 118
11. Quòd desideria carnis examinanda sunt, & moderanda. 121
12. De

Et Caput.

12. De informatione patientiæ, & luctamine adversus concupiscentias. 123
13. De obedientia humilis subditi ad exemplum Jesu. Christi. 123
14. De occultis Dei judiciis considerandis, ne extollamur in bonis. 127
15. Qualiter standum sit, ac dicendum in omni re desiderabili. 129
16. Quodd. verum solatium in solo Deo est quærendum. 131
17. Quodd. omnis sollicitudo in Deo statuenda sit. 133
18. Quodd. temporales miseriæ exemplo Christi æquanimiter sint ferendæ. 134
19. De tolerantiâ injuriarum: & quis verus patiens probetur. 136
20. De confessione propriæ infirmitatis, & hujus vitæ miseriis. 138
21. Quodd. in Deo super omnia bona & dona requiescendum est. 141
22. De recordatione multiplicium beneficiorum Dei. 145
23. De quatuor magnam importantibus pacem. 148
24. De evitatione curiosæ inquisitionis super alterius vita. 151
25. In quibus firma pax cordis, & verus profectus consistit. 152

Index Librum,

26. De eminentia liberę mentis, qua
suplex oratio magis meretur quàm
lectio. 154
27. Quòd privatus amor à summo
Bono maximè retardat. 156
28. Contra linguas obtrektorũ. 158
29. Qualiter instante tribulatione
Deus invocãdus est & benedicen-
dus. 159
30. De divino petendo auxilio, &
confidentia recuperandę gra-
tię. 160
31. De neglectu omnis creaturę, ut
Creator possit inveniri. 164
32. De abnegatione sui, & abdica-
tione omnis cupiditatis. 166
33. De instabilitate cordis, & inten-
tione finali ad Deum haben-
da. 168
34. Quòd amanti sapit Deus super
omnia, & in omnibus. 169
35. Quòd non est securitas à tenta-
tione in hac vita. 172
36. Contra vana hominum judi-
cia. 174
37. De pura & integra resignatione
sui, ad obtinendam cordis liber-
tatem. 175
38. De bono regimine in externis,
& recursus ad Deum in periculo-
sis. 177
39. Quòd

Et Captum.

39. Quòd homo non sit importunus
in negotiis. 178
40. Quòd homo nihil boni ex se ha-
bet , & de nullo gloriari po-
test. 186
41. De Contemptu omnis tempora-
lis honoris. 182
42. Quòd pax non est ponenda , sive
petenda in hominibus. 183
43. Contra vanam & sæcularem
scientiam. 185
44. De non attrahendo sibi res ex-
teriores. 187
45. Quòd omnibus non est creden-
dum : & de facili lapsu verbo-
rum. 188
46. De confidentia in Deo haben-
da , quando inſurgunt verborum
jacula. 191
47. Quòd omnia gravia pro æterna
vita sunt toleranda. 194
48. De die Æternatis , & hujus vi-
tæ angustis. 196
49. De desiderio æternæ vitæ , &
quanta sint certantibus promif-
ſa. 199
50. Qualiter homo desolatus ſe de-
bet in manus Dei offerre. 204
51. Quòd humilibus ſit inſiſtendum
operibus , cùm deficitur à ſum-
mis. 208
52. Quòd

Index Librorum,

52. Quòd homo non reputet se consolatione dignum, sed magis dignum verberibus. 209
53. Quòd gratiam Dei non miscetur sapientibus terrena. 211
54. De diversis motibus naturæ & gratiæ. 214
55. De corruptione naturæ, & effectui gratiæ divinæ. 218
56. Quòd nos ipsos abnegare, & **CHRISTUM IMITARI** debemus per Crucem. 222
57. Quòd homo non sit nimis dejectus, quando in aliquos labitur defectus. 224
58. De altioribus rebus, & occultis judiciis Dei non scrutandis. 226
59. Quòd omnis spes, & fiducia in solo Deo figenda est. 232

LIBER IV.

De Sacramento Altaris.

- CAP. I.** Cum quanta reverentia Christus sit suscipiendus. 236
2. Quòd magna bonitas & Charitas Dei in hoc Sacramento exhibetur homini. 243
3. Quòd utile sit sæpe communicare. 246
4. Quòd

Et Captum.

4. Quòd multa bona. præstantur de
votè communicantibus. 249
5. De dignitate Sacramenti, & statu
sacerdotali. 253
6. Interrogatio de exercitio ante
Communionem. 255
7. De discussione propriæ conscien-
tiæ ? & emendationis propo-
sito. 256
8. De oblatione Christi in Cruce, &
propria resignatione. 259
9. Quòd nos & omnia nostra Deo
debemus offerre, & pro omnibus
orare. 261
10. Quòd sacra Communio de facili
non est relinquenda. 264
11. Quòd corpus Christi, & sacra
Scriptura, maximè sunt animæ fi-
deli necessaria. 268
12. Quòd magna diligentia se debet
communicaturus Christo præpa-
rare. 273
13. Quòd toto corde anima devota
Christi unionem in Sacramento
affectare debet. 275
14. De quorundam devotorum ar-
denti desiderio ad corpus Chri-
sti. 277
15. Quòd gratia devotionis humili-
tate, & sui ipsius abnegatione ad-
quiritur. 279
16. Quòd

Index Librorum,

16. Quòd necessitates nostras Christo aperire, & gratiam ei postulare debemus. 281
17. De ardenti amore & vehementi affectu suscipiendi Christum. 283
18. Quòd homo non sit curiosus scrutator Sacramenti, sed humilis IMITATOR CHRISTI, subdendo se ipsum sacræ fidei. 286

Ad Majorem Dei Gloriam,

Reimprimatur

**Si videbitur Reverendis. P.Sac. Pal.
Apost. Mag.**

Sperellus Episc. Interamn. Vicefg.

Imprimatur.

**Fr. Joseph Maria Berti Sac. Th. Mag.
ac Reverendis. P. Sac. Apost. Pal.
Mag. Socius Ord. Præd.**



JOANNIS GERSEN

Abbatis Ordinis
S. Benedicti,

DE IMITATIONE

CHRISTI,

LIBER PRIMUS.

*De imitatione Christi, & contemptu
omnium vanitatum mundi.*

CAPUT PRIMUM.



QUI sequitur me ,
non ambulat in te-
nebris : dicit Domi-
nus . Hæc sunt ver-
ba Christi , quibus
admonemur , quate-

nus vitam ejus , & mores imitemur ,
si volumus veraciter illuminari , &
ab omni cæcitæte cordis liberari .
Summum igitur studium nostrum
sit , in vita Jesu meditari .

A

Do-

2 *De Imitatione Christi*

2. Doctrina Christi omnes doctrinas Sanctorum præcellit : & qui spiritum ejus haberet , absconditum ibi manna inveniret . Sed contingit, quod multi ex frequenti auditione Evangelii parvum desiderium sentiunt , quia spiritum Christi non habent . Qui autem vult plenè , & sapidè Christi verba intelligere , oportet ut totam vitam suam illi studeat conformare .

3. Quid prodest tibi alta de Trinitate disputare : si careas humilitate , unde displiceas Trinitati ? Verè alta verba non faciunt sanctum , & justum : sed virtuosa vita efficit Deo carum . Opto magis sentire compunctionem , quàm scire ejus definitionem . Si scires totam Bibliam ; & omnium Philosophorum dicta : quid totum prodesset sine charitate , & gratia ? Vanitas vanitatum , & omnia vanitas , præter amare Deum , & illi soli servire . Ista est summa sapientia , per contemptum mundi tendere ad cœlestia regna .

4. Vanitas igitur est divitias perituras quærere , & in illis sperare . Vanitas quoque est honores ambire , & in altum statum se extollere . Vanitas est carnis desideria sequi : & il-
lud

Iud desiderare, unde postmodum graviter punitur. Vanitas est longam vitam sperare, vel optare, & de bona vita modicum curare. Vanitas est præsentem vitam solum attendere; & quæ futura sunt, non prævidere. Vanitas est diligere quod cum omni celeritate transit: & illuc non festinare, ubi sempiternum gaudium est:

5. Memento illius frequenter Proverbii: quia non satiatur oculus visu, nec auris impletur auditu. Stude ergo cor tuum ab amore visibilium abstrahere & ad invisibilia te transferre. Nam sequentes suam sensualitatem, maculant conscientiam, & perdunt Dei gratiam.

CAP. II. De humili sentire sutiipstus.

I. OMNIS homo naturaliter scire desiderat, sed scientia sine timore quid importat? Melior est profecto humilis rusticus, qui Deo servit, quam superbus philosophus, qui se neglecto, cursum cœli considerat. Qui bene se ipsum cognoscit, sibi ipsi vilescit, nec laudibus delectatur humanis. Si scirem omnia, quæ in mundo sunt, & non essem in charitate, quid

me juvaret coram Deo, qui me iudicaturus est ex facto?

2. Quiesce à nimio sciendi desiderio: quia magna ibi invenitur distractio, & deceptio. Scientes libenter volunt videri, & sapientes dici. Multa sunt, quæ scire, parùm vel nihil animæ profunt. Et valdè insipiens est, qui aliquibus intendit, quàm iis, quæ salutis suæ deserviunt. Multa verba non satiant animam, sed bona vita refrigerat mentem: & pura conscientia magnam præstat ad Deum confidentiam.

3. Quantò plus & me'ius scis, tantò gravius indè judicaberis, nisi sanctius vixeris. Noli ergo extolli de ulla arte, vel scientia, sed potius time de data tibi notitia. Si tibi videtur, quòd multa scis & satis benè intelligis: scito tamen quia sunt multo plura quæ nescis. Noli altum sapere, sed ignorantiam tuam magis fatere. Quid te vis alicui præferre, cum plures doctiores te inveniantur, & magis in lege periti? Si vis utiliter aliquid scire, & discere, ama nesciri, & pro nihilo reputari.

4. Hæc est altissima, & verissima lectio, sui ipsius vera cognitio, & despectio. De se ipso nihil tenere, &
de

de aliis semper benè, & alta sentire, magna sapientia est, & perfectio. Si videres aliquem apertè peccare, vel aliqua gravia perpetrare, non debes te tamen meliorem æstimare, quia nescis quamdiu in bono possis stare. Omnes fragiles sumus, sed tu neminem fragiliorem te ipso tenebis.

CAP. III. De doctrina veritatis.

1. **F**ELIX, quem veritas per se docet, non per figuras, & voces transeuntes, sed sicuti se habet. Nostra opinio, & noster sensus sæpe nos fallunt, & modicum vident. Quid prodest modica cavillatio de occultis, & obscuris rebus, de quibus non arguemur in iudicio, quia ignoravimus? Grandis insipientia, quòd neglectis utilibus, & necessariis, ultrò intendimus curiosis & damnosis: Oculos habentes, non videmus.

2. Et quid nobis de generibus, & speciebus? Cui æternum Verbum loquitur, à multis opinionibus expeditur. Ex uno Verbo omnia, & unum loquuntur omnia: & hoc est principium, quod & loquitur nobis. Nemo sine illo intelligit, aut rectè iudicat.

Cui omnia unum sunt , & omnia ad unum trahit , & omnia in uno videt ; potest stabilis corde esse , & in Deo pacificus permanere . O *veritas* Deus , fac me unum tecum , in charitate perpetua ! Tædet me sæpè multa legere , & audire : in te est totum , quod volo , & desidero . Taceant omnes doctores : fileant universæ creaturæ in conspectu tuo ; tu mihi loquere solus .

3. Quando quis magis unitus , & interiùs simplicatus fuerit , tantò plura , & altiora sine labore intelligit , quia desuper lumen intelligentiæ accipit . Purus , simplex , & stabilis spiritus , in multis operibus non dissipatur : quia omnia ad Dei honorem operatur , & in se otiosus , ab omni propria exquisitione esse nititur . Quis te magis impedit , & molestat , quàm tua immortificata affectio cordis ? Bonus , & devotus homo , opera sua priùs intus disponit , quæ foris agere debet . Nec illa trahunt eum ad desideria vitiosæ inclinationis , sed ipse inflectit ea ad arbitrium rectæ rationis . Quis habet fortius certamen , quàm qui nititur vincere se ipsum ? Et hoc deberet esse negotium nostrum ; vincere videlicet

delicet se ipsum , & quotidie se ipso
fortiorem fieri , atque in melius pro-
ficere .

4. Omnis perfectio in hac vita ,
quandam imperfectionem habet sibi
annexam; & omnis speculatio nostra
quandam caligine non caret. Humilis
tui cognitio, certior via est ad Deum,
quàm profunda scientiæ inquisitio .
Non est culpanda scientia , aut quæ-
libet rei notitia , quæ bona in se con-
siderata est , & à Deo ordinata : sed
præferenda est semper bona con-
scientia , & virtuosa vita. Quia verò
plures magis scire desiderant , quàm
benè vivere: idèd sæpe errant, & pe-
nè nullum, vel modicum fructum fe-
runt .

5. O si tantam adhiberent dili-
gentiam ad extirpanda vitia , & vir-
tutes inferendas, sicuti ad movendas
questiones: non fierèt tanta mala, &
scandala in populo , nec tanta disso-
lutio in Cænobiis . Certè, advenien-
te die iudicii , non quæretur à nobis,
quid legimus, sed quid fecimus : nec
quàm benè didicimus , sed quàm re-
ligiosè viximus . Dic mihi , ubi sunt
modò omnes illi Magistri , quos no-
visti benè , dum adhuc viverent , &
studiis florent ? Jam eorum Præ-
bendas

bendas alii possident ; & nescio ,
utrùm de eis recogitent . In vita sua
aliquid videbantur , & modò de illis
tacetur .

6 O quàm cito transit gloria munda-
di ! Utinam vita eorum , scientiæ
eorum concordâisset , tunc benè stu-
diissent , & legissent . Quàm multi
pereunt per vanam scientiam in hoc
sæculo , qui parùm curant de Dei
servitio ! Et quia eligunt magis esse
magni , quàm humiles , idèd eva-
nescunt in cogitationibus suis . Verè
magnus est , qui in se parvus est , &
pro nihilo omne culmen honoris du-
cit . Verè prudens est , qui omnia
terrena arbitratur ut stercore , ut
Christum lucrifaciat . Et verè benè
doctus est , qui Dei voluntatem facit ,
& suam relinquit .

CAP. IV. *De prudentia in agendis.*

I. **N**ON est credendum omni
verbo , nec multitudi-
nis instinctui ; sed cau-
tè & longanimiter res est secundùm
Deum ponderanda . Proh dolor , sæ-
pè malum faciliùs , quàm bonum de
alio creditur , & dicitur : ita infirmi
sumus . Sed perfecti viri non facile
cre-

credunt omni enarranti , quia sciunt humanam infirmitatem ad malum proclivem , & in verbis satis labilem , sive debilem .

2. Magna sapientia est , non esse præcipitem in agendis , nec pertinaciter in propriis sensibus stare. Ad hanc etiam pertinet , non quibuslibet hominum verbis credere : nec audita , vel credita mox ad aliorum aures effundere . Cum sapiente & conscientioso viro consilium habe : & quære potiùs à meliori instrui , quàm tuas adinventiones sequi . Bona vita facit hominè sapientem secundùm Deum , & expertum in multis . Quantò quis in se humilior fuerit , & Deo subjectior ; tantò in omnibus erit sapientior , ac pacatior .

*CAP. V. De lectione sanctarum
Scripturarum .*

1. **V**ERITAS est in Scripturis sanctis quærèda , non eloquentia . Omnis Scriptura sacra eo spiritu debet legi , quo facta est . Quærere potiùs debemus utilitatem in Scripturis , quàm subtilitatem sermonis . Ita libenter devotos , & simplices libros legere debemus ,

bemus, sicut altos, & profundos. Non te offendat auctoritas scribentis, utrum parvæ, vel magnæ literaturæ fuerit: sed amor puræ veritatis te trahat ad legendum. Non quæras, quis hæc dixerit, sed quid dicatur, attende.

2. Homines transeunt, sed veritas Domini manet in æternum. Si ne personarum acceptione variis modis loquitur nobis Deus. Curiositas nostra sæpè nos impedit in lectione Scripturarum: cùm volumus intelligere, & excutere, ubi simpliciter esset transeundum. Si vis profectum, sive perfectum haurire, lege humiliter, simpliciter, & fideliter: nec unquàm velis habere nomen scientiæ. Interroga libenter, & audi tacens verba Sanctorum: nec displiceant tibi parabolæ Seniorum, sine causa enim non proferuntur.

CAP. VI. De inordinatis affectionibus

1. **Q**uandocunque homo inordinatè appetit aliquid, statim in se inquietus fit. Superbus, & avarus nunquam quiescunt: pauper, & humilis spiritu, in multitudine pacis con-

conversantur. Homo, qui necdum in se perfectè mortuus est, citò tentatur, & vincitur in rebus parvis, & vilibus. Infirmus spiritu, & quodammodo carnali, & ad sensibilia inclinatus, difficiliter potest se à terrenis desideriis ex toto abstrahere. Et ideò sæpè habet tristitiam, cùm se subtrahit: leviter etiam indignatur, si quis ei resistit.

2. Si autem persecutus fuerit quod concupiscit, statim ex reatu conscientiae gravatur: quia secutus est passionem suam, quæ nihil juvat ad pacem, quam quæsit. Resistendo igitur passionibus, invenitur vera pax cordis, non autem serviendo eis. Non est ergo pax in corde hominis carnalis: non in homine exterioribus dedito, sed in fervido spirituali.

CAP. VII. De vana spe, & elatione fugienda.

1. **V**A N U S est, qui spem suam ponit in hominibus, aut in creaturis. Non pudeat te aliis servire, amore Jesu Christi: & pauperem in hoc sæculo videri. Non stes super te ipsum, sed in Deo spem tuam constitue. Fac

quod in te est, & Deus aderit bonæ voluntati tuæ. Non confidas in tua scientia, vel cujusquam astutia viventis: sed magis in Dei gratia, qui humiles adjuvat, & de se præsumentes humiliat.

2. Non glorieris in divitiis, si adsunt; nec in amicis, quia potentes sunt; sed in Deo, qui omnia præstat, & seipsum super omnia dare desiderat. Non te extollas de magnitudine, vel pulchritudine corporis: quæ modica infirmitate corrumpitur & defædatur. Non placeas tibi ipsi de habilitate, aut ingenio tuo, ne displiceas Deo, cujus est totum, quicquid boni naturaliter habueris.

3. Non te reputes aliis meliorem; nè fortè coram Deo deterior habearis, qui scit, quid est in homine. Non superbias de operibus tuis: quia aliter sunt judicia Dei, quàm hominum: cui sæpè displicet, quod hominibus placet. Si aliquid boni habueris, crede de aliis meliora, ut humilitatent conserves. Non nocet, ut hominibus te supponas: nocet autem plurimum, si vel uni te præponas. Jugis pax cum humili, in corde autem superbi zelus, & indignatio frequens.

CAP. VIII. *De nimia familiaritate cavenda.*

1. **N**ON omni hominì reveles cor tuum; sed cum sapiente, & timente Deū age causam tuam. Cum juvenibus, & extraneis rarus esto. Cum divitibus noli blandiri, & coram magnatibus non libenter appareas. Cum humilibus, & simplicibus, cum devotis, & morigeratis sociare, & quæ ædificationis sunt pertracta. Non sis familiaris alicui mulieri, sed in communi omnes bonas mulieres Deo commenda. Soli Deo, & Angelis ejus, opta familiaris esse, & hominum notitiam evita.

2. Charitas habenda est ad omnes, sed familiaritas non expedit. Quandoque accidit, ut persona ignota ex bona fama luceat: cujus tamen præsentia oculos intuentium offuscat. Putamus aliquando aliis placere ex conjunctione nostra: & incipimus magis displicere ex morum improbitate, in nobis considerata.

CAP. IX. *De obedientia, & subjectione.*

1. **V**ALDE magnum est, in obediētia stare, sub Præ-
lato vivere, & sui juris non esse. Multò tutius est stare in sub-
jectione, quàm in Prælatura. Multi sunt sub obedientia magis ex neces-
sitate, quàm ex charitate: & illi pœ-
nam habent, & leviter murmurant. Nec libertatem mentis acquirunt; nisi ex toto corde, propter Deum, se sub-
jiciant. Curre hîc, vel ibi: non invenies quietem, nisi in humili sub-
jectione, sub Prælati regimine. Imaginatio locorum, & mutatio, multos fefellit.

2. Verum est, quòd unusquisque libenter agit pro sensu suo, & incli-
natur ad eos magis, qui secum sen-
tiunt. Sed si Deus est inter nos, ne-
cesse est, ut relinquamus etiam quan-
doque nostrum sentire, propter bo-
num pacis. Quis est ita sapiens, qui omnia scire plenè potest? Ergo, noli nimis in sensu tuo confidere; sed ve-
lis etiam libenter sensum aliorum audire. Si bonum est tuum sentire, & hoc ipsum propter Deum dimittis,
&

& alium sequeris, magis exinde proficies.

3. Audivi etiam sæpè, securius esse audire, & accipere consilium, quàm dare. Potest etiam contingere, ut bonum sit uniuscujusque sentire: sed nolle aliis acquiescere, cùm id ratio, aut causa postulat, signum est superbiæ, aut pertinaciæ.

CAP. X. De cavenda superfluitate verborum.

1. **C**AVEAS tumultum hominum, quantum potes: multum enim impedit tractatus sæcularium gestorum, etiam si simplici intentione proferantur. Citò enim inquinamur vanitate, & captivamur. Vellem me pluries tacuisse, & inter homines non fuisse. Sed quare tam libenter loquimur, & invicem fabulamur, cùm tamen rarò sine læsione conscientiæ ad silentium redimus? Idèd tam libenter loquimur: quia per mutuas locutiones invicem consolari quærimus: & cor diversis cogitationibus fatigatum, optamus relevare. Et multum libenter de his, quæ multum diligimus, vel cupimus, vel quæ nobis contraria sentimus, libet loqui, & cogitare.

Sed,

2. Sed , proh dolor , sæpe inani-
ter, & frustra. Nam hæc exterior con-
solatio , interioris , & divinæ conso-
lationis non modicum detrimentum
est. Ided vigilandum est, & orandum,
ne tempus otiosè transeat . Si loqui
licet , & expedit ; quæ ædificabilia
sunt, loquere . Malus usus , & negli-
gentia profectûs nostri multum facit
ad incustodiam oris nostri . Juvat ta-
men non parùm ad profectum spiri-
tuale , devota spiritualium rerum
collatio: maximè ubi pares animo &
spiritu in Deo sibi sociantur .

*CAP. XI. De pace acquirenda
& zelo proficiendi .*

1. **M**ULTAM possemus pa-
cem habere, si non vel-
lemus nos cum alio-
rum dictis , & factis , & quæ ad no-
stram curam non spectant, occupare.
Quomodo potest ille diu in pace ma-
nere, qui alienis curis se intermiscet?
qui occasiones forinsecûs quærit? qui
parùm, vel rarè se intrinsecûs collig-
git? Beati simplices , quoniam mul-
tam pacem habebunt .

2. Quare quidam sanctorum tam
perfecti , & contemplativi fuerunt?

Quia

Quia omnino seipſos mortificare ab omnibus terrenis deſideriis ſtuderunt : & idè tutis medullis cordis Deo inhærere , atque liberè ſibi vacare potuerunt . Nos nimium occupamur propriis paſſionibus , & de tranſitoriis nimis ſollicitamur . Rarò etiam unum vitium perfectè vincimus , & ad quotidianum proſectum non accendimur : idè frigidi , & tepidi remanemus .

3. Si eſſemus nobiſmet ipſis perfectè mortui , & interiùs minimè implicati ; tunc poſſemus etiam divina ſapere , & de cœleſti contemplatione aliquid experiri . Totum , & maximum impedimentum eſt , quia non ſumus à paſſionibus , & concupiſcentiis liberi : nec perfectam Sanctorum viam conamur ingredi . Quando etiam modicum adverſitatis occurrat , nimis citò deſicimur , & ad humanas conſolationes convertimur .

4. Si niteremur , ſicut viri fortes , ſtare in prælio ; proſectò auxilium Domini ſuper nos videremus de cœlo . Ipſe enim certantes , & de ſua gratia ſperantes , paratus eſt adjuvare : qui nobis certandi occaſiones procurat , ut vincamus . Si tantum in iſtis exterioribus obſervantiis , proſectum

fectum Religionis ponimus, citò habebit finem devotio nostra . Sed ad radicem securim ponamus : ut purgati à passionibus , pacificam mentem possideamus .

5. Si omni anno unum vitium extirparemus , citò viri perfecti efficeremur . Sed modò è contrario sæpè sentimus: ut meliores , & puriores in initio conversionis nos fuisse inveniamus , quàm post multos annos professionis. Fervor, & profectus noster quotidie deberet crescere : sed nunc pro magno videtur , si quis primi fervoris partem possit retinere . Si modicam violentiam faceremus in principio, tunc cuncta postea possemus facere cum levitate & gaudio.

6. Grave est assueta dimittere , sed gravius est contra propriam voluntatem ire . Sed si non vincis parva, & lævia , quando superabis difficiliora ? Resiste in principio inclinationi tuæ , & malam dedisce consuetudinem : ne fortè paulatim ad majorem te ducat difficultatem. O si adverteres, quantam tibi pacem , & aliis lætitiā faceres, te ipsum benè habendo ! puto , quòd sollicitior esses ad spiritualem profectum .

CAP. XII. De utilitate adversitatis.

1. **B**ONUM nobis est, quod habeamus aliquando aliquas gravitates, & contrarietates; quia sæpè hominem ad cor revocant, quatenus se in exilio esse cognoscat: nec spem suam in aliqua re mundi ponat. Bonum nobis est, quòd patiamur quandoque contradictores: & quòd malè, & imperfectè de nobis sentiat, etiam si bene agimus, & intendimus. Ista sæpè juvant ad humilitatem, & à vana gloria nos defendunt. Tunc enim melius interiorem testem Deum quærimus, quando foris vilipendimur ab hominibus, & non bene nobis creditur.

2. Ideo deberet se homo, in Deo totaliter firmare: ut non esset ei necesse multas humanas consolationes quærere. Quando homo bonæ voluntatis tribulatur, vel tentatur, aut malis cogitationibus affligitur, tunc Deum sibi magis necessarium intelligit, sine quo nihil boni se posseprehendit. Tunc etiam tristatur, gemit, & orat pro miseriis, quas patitur. Tunc tædet eum diutius vivere, & mortem optat venire: ut possit dissol-

vi, & cum Christo esse. Tunc enim benè advertit, perfectam securitatem, & plenam pacem in mundo non posse constare.

CAP. XIII. De tentationibus resistendis.

1. **Q**UANDIU in mundo vivimus, sine tribulatione, & tentatione esse non possumus. Unde in Job scriptum est: Tentatio est vita humana super terram. Idè unusquisque sollicitus esse deberet circa tentationes suas, & vigilare in orationibus: ne diabolus locum inveniret decipiendi, qui nunquam dormitat, sed circuit quærens quem devoret. Nemo tam perfectus est, & sanctus, qui non habeat aliquando tentationes, & plenè eis carere non possumus.

2. Sunt tamen tentationes homini sæpe valdè utiles, licèt molestæ sint, & graves; quia in iis homo humiliatur, purgatur & eruditur. Omnes Sancti per multas tribulationes, & tentationes transierunt, & profecerunt. Et qui benè tentationes sustinere nequiverunt, reprobi facti sunt,

sunt , & defecerunt . Non est aliquis ordo tam sanctus , nec locus tam secretus , ubi non sint tentationes , vel adversitates .

3. Non est homo securus à tentationibus totaliter , quamdiu vixerit : quia in nobis est , unde tentamur , ex quo in concupiscentia nati sumus . Unâ tentatione , seu tribulatione recedente , alia supervenit , & semper ad patiendum aliquid habemus : nam bonum felicitatis nostræ perdidimus . Multi quærunt tentationes fugere , & gravius incidunt in eas . Per solam fugam non possumus vincere , sed per patientiam , & veram humilitatem omnibus hostibus efficimur fortiores .

4. Qui tantummodò exterius declinat , nec radicem evellit , parùm proficiet ; immo citius tentationes ad eum accedent , & pejus sentiet . Paullatim , & per patientiam cum longanimitate (Deo juvante) melius superabis , quàm cum duritia , & importunitate propria . Sæpius accipe consilium in tentationibus , & cum tentato noli duriter agere : sed consolationemingere , sicut tibi optares fieri .

5. Initium omnium malarum tentatio-

tationum, inconstantia animi, & parva ad Deum confidentia. Quia sicut navis sine gubernaculo hinc, & inde à fluctibus impellitur, ita homo remissus, & suum propositum deferens, variè tentatur. Ignis probat ferrum, & tentatio hominem justum. Nescimus sæpè quid possumus, sed tentatio aperit, quid sumus. Vigilandum tamen præcipuè est circa initium tentationis; quia tunc faciliùs hostis vincitur, si ostium mentis nullatenus intrare sinitur: sed extra limen, statim, ut pulsaverit, illi obviatur. Unde quidam dixit: Principiis obsta, serò medicina paratur. Nam primò occurrit menti simplex cogitatio, deinde fortis imaginatio; postea delectatio, & motus pravus, & assensio. Sicque paulatim ingreditur hostis malignus ex toto, dum illi non resistitur in principio. Et quantò diutius ad resistendum quis torpuerit, tantò in se quotidie debilior fit, & hostis contra eum potentior.

6. Quidam in principio conversionis suæ graviores tentationes patiuntur: quidam autem in fine. Quidam verò quasi per totam vitam suam habent malè. Nonnulli satis leniter tentantur, secundùm divinæ ordina-

ordinationis sapientiam, & equitatem; quæ statum, & merita hominum pensat, & cuncta ad Electorum suorum salutem præordinat.

7. Idèd non debemus desperare, cum tentamur : sed eo ferventiùs Deum exorare, quatenus dignetur in omni tribulatione nos adjuvare : qui utique secundùm dictum Sancti Pauli, talem faciet cum tentatione proventum, ut possimus sustinere. Humiliemus ergo animas nostras sub manu Dei in omni tentatione, & tribulatione, quia humiles spiritu salvabit, & exaltabit.

8. In tentationibus, & tribulationibus probatur homo, quantùm profecit : & majus meritum ibi existit, & virtus meliùs patescit. Nec magnum est, si homo devotus sit, & fervidus, cum gravitatem non sentit : sed si tempore adversitatis patienter se sustinet, spes magni profectûs erit. Quidam à magnis tentationibus custodiuntur, & à parvis quotidianis sæpe vincuntur : ut humiliati nunquam de se ipsis in magnis confidant, qui in tam modicis infirmantur.

CAP. XIV. *De temerario iudicio vitando.*

1. **A**D te ipsum oculos reflecte, & aliorum facta caveas judicare. In iudicando alios, homo frustra laborat, sæpius errat, & leviter peccat: seipsum verò iudicando, & discutiendo, semper fructuosè laborat. Sicut nobis res cordi est, sic de ea frequenter iudicamus: nam verum iudicandum, propter privatum amorem faciliter perdimus. Si Deus semper esset pura intentio nostri desiderii, non tam faciliter turbaremur pro resistantia sensûs nostri.

2. Sed sæpè aliquid ab intra latet, vel etiam ab extra concurrit, quod nos etiam pariter trahit. Multi occultè seipsos quærunt in rebus, quas agunt, & nesciunt. Videntur etiam in bona pace stare, quando res pro eorum velle fiunt, & sentire. Si autem aliter fit, quàm cupiunt, citò moventur, & tristes fiunt. Propter diversitatem sensuum, & opinionum satis frequenter oriuntur dissensiones inter amicos, & cives; inter Religiosos, & devotos.

3. An-

3. Antiqua consuetudo difficulter relinquitur : & ultra proprium videre, nemo libenter ducitur . Si rationi tuæ magis inniteris , vel industriæ , quàm virtuti subiectivæ Jesu Christi , rarè , & tardè eris homo illuminatus ; quia Deus vult nos sibi perfectè subjici , & omnem rationem per inflammatum amorem transcendere .

CAP. XV. De operibus ex charitate factis .

1. **P**RO nulla re mundi , & pro nullius hominis dilectione, aliquod malum est faciendum ; sed pro utilitate tamen indigentis, bonum opus aliquando intermittendum est, aut etiam pro meliori mutandum . Hoc enim facto bonum opus non destruitur , sed in melius commutatur. Sine charitate opus externum nihil prodest : quicquid autem ex charitate agitur, quantumcumque parvum sit , & despectum, totum efficitur fructuosum. Magis siquidem Deus pensat, ex quanto quis agit, quàm quantum quis facit .

2. Multum facit, qui multum diligit . Multum facit , qui rem benè

B

fa-

facit. Multum facit, siue benè facit, qui magis communitati, quàm suæ voluntati servit. Sæpe videtur esse charitas, & est magis carnalitas: quia carnalis inclinatio, propria voluntas, spes retributionis, affectus commoditatis, raro abesse volunt.

3. Qui veram, & perfectam charitatem habet, in nulla re seipsam quærit, sed Dei gloriam solummodò in omnibus fieri desiderat. Nulli etiam invidet, quia nullum privatum gaudium amat; nec in seipso vult gaudere, sed in Deo, super omnia bona, optat beatificari. Nemini aliquid boni attribuit, sed totaliter ad Deum refert, à quo fontaliter omnia procedunt, in quo finaliter omnes Sancti fruibilibus quiescunt. O qui scintillam haberet veræ charitatis! profectò omnia terrena sentiret plena fore vanitatis.

CAP. XVI. *De sufferentia defectuum aliorum.*

1. **Q**UÆ homo in se, vel in aliis emendare non valet, debet patienter sustinere, donec Deus aliter ordinet. Cogita, quia sic melius

mellius est fortè pro tua probatione , & patientia , sine qua non sunt multùm ponderanda merita nostra . Debes tamen , pro talibus impedimentis supplicare , ut Deus dignetur tibi subvenire , & possis benignè portare .

2. Si quis semel , aut bis admonitus , non acquiescit , noli cum eo contendere ; sed totum Deo committe , ut fiat voluntas ejus , & honor in omnibus servis suis , qui benè scit malum in bonum convertere . Stude patiens esse in tolerando aliorum defectus , & qualescumque infirmitates ; quia & tu multa habes , quæ ab aliis oportet tolerari . Si non potes te talem facere , qualem vis ; quomodo poteris alium ad tuum habere beneplacitum ? Libenter volumus alios esse perfectos , sed tamen proprios non emendamus defectus .

3. Volumus , quòd alii districtè corrigantur , & ipsi corrigi nolumus . Displicet larga aliorum licentia , & tamen nobis nolumus negari , quod petimus . Alios restringi per statuta volumus , & ipsi nullatenus patimur amplius cohiberi . Sic ergo patet , quàm rarò proximum , sicut nos ipsos amamus . Si essent omnes perfe-

Et, quid tunc haberemus ab aliis pro Deo pati?

4. Nunc autem Deus sic ordinavit, ut discamus alter alterius onera portare; quia nemo sine defectu, nemo sine onere, nemo sibi sufficiens, nemo sibi satis sapiens; sed oportet nos invicem portare, invicem consolari, pariter adjuvare, instituere, & admonere. Quantæ autem virtutis quisque fuerit, meliùs patet occasione adversitatis. Occasiones namque hominem fragilem non faciunt, sed qualis sit ostendunt.

CAP. XVII. *De Monastica vita.*

I. **O**PORTET: ut discas te ipsum in multis frangere, si vis pacem, & concordiam cum aliis tenere. Non est parvum in Monasteriis, vel in Congregatione habitare, & ibi sine querela conversari, & usque ad mortem fidelis perseverare. Beatus, qui ibidem benè vixit, & feliciter consummavit. Si vis debitè stare, & proficere, teneas te tanquam exulem, & peregrinum super terram. Oportet te stultum fieri propter Christum, si vis religiosam ducere vitam.

2. Ha-

2. Habitus, & tonsura modicum faciunt, siue conferunt; sed mutatio morum, & integra mortificatio passionum verum faciunt religiosum. Qui aliud quærit, quàm purè Deum, & animæ suæ salutem, non inveniet, nisi tribulationem, & dolorem. Non potest etiam diu stare pacificus, qui non nititur esse minimus, & omnibus subiectus.

3. Ad serviendum venisti, aut ad regendum? ad patiendum scias te vocatum, & ad laborandum, non ad otia, vel fabulandum. Hic ergo probantur homines, sicut aurum in fornace. Hic nemo potest stare, nisi ex toto corde se voluerit propter Deum humiliare.

CAP. XVIII. *De exemplis sanctorum Patrum.*

1. **I**NTUERE Sanctorum Patrum vivida exēpla, in quibus vera perfectio refulsit & religio, & videbis quàm modicum sit, & penè nihil, quod nos agimus. Heu, quid est vita nostra, si illis fuerit comparata? Sancti, & amici Christi Domino servierunt in fame, & siti, in frigore & nuditate, in labore & fa-

B 3 tiga-

tigatione , in vigiliis & orationibus , in jejuniis & sanctis meditationibus , in persecutionibus , & opprobriis multis .

2. O quàm multas , & graves tribulationes passi sunt Apostoli , & Martyres, Confessores, Virgines , & reliqui omnes , qui Christi vestigia voluerunt sequi ! Nam animas suas in hoc mundo oderunt , ut in vitam æternam possiderent eas . O quàm strictam , & abdicatam vitam sancti Patres in eremo duxerunt ! quàm longas , & graves tentationes pertulerunt ! quàm frequenter ab inimico vexati sunt ! quàm crebras, & fervidas orationes Deo obtulerunt ! quàm rigidas abstinentias peregerunt ! quàm magnum zelum , & fervorem ad spirituales profectum habuerunt ! quàm forte bellum adversus edomationem vitiorum gesserunt ? quàm puram, & rectam intentionem ad Deum tenuerunt ! Per diem laborabant , & noctibus orationi diutinæ vacabant : quamquam laborando ab oratione mentali minimè cessarent .

3. Omne tempus utiliter expendebant ; omnis hora ad vacandum Deo brevis videbatur : & præ magna dulcedine contemplationis , etiam obli-

oblivioni tradebatur necessitas corporalis refectiois. Omnibus divitiis, dignitatibus, honoribus, amicis, & cognatis renunciabant; nil de mundo habere cupiebant; vix necessaria vite sumebant, corpori etiam servire in necessitate dolebant. Pauperes igitur erant rebus terrenis, sed divites valde in gratia, & virtutibus. Foris egebant, sed intus gratia, & consolatione divina reficiebantur.

4. Mundo erant alieni, sed Deo proximi, & familiares amici. Sibi ipsis videbantur tanquam nihili, & huic mundo despecti: sed erant in oculis Dei pretiosi, & electi. In vera humilitate stabant, in simplici obedientia vivebant, in charitate, & patientia ambulabant: & ideo in spiritu quotidie proficiebant, & magnam apud Deum gratiam obtinebant. Dati sunt in exemplum omnibus religiosis: & plus provocare nos debent ad bene proficiendum, quam tepidorum numerus ad relaxandum.

5. O quantus fervor omnium religiosorum, in principio suæ sanctæ institutionis fuit! O quanta devotio orationis! quanta æmulatio virtutis! quàm magna disciplina viguit!

guit ! quanta reverentia, & obedientia sub regula magistri, in omnibus effloruit ! Testantur adhuc vestigia derelicta, quòd verè viri sancti, & perfecti fuerunt, qui tam strenuè militantes, mundum suppedita verunt. Jam magnus putatur, si quis transgressor non fuerit : si quis, quod accepit, cum patientia tolerare potuerit.

6. O tepor, & negligentia statûs nostri, quòd tam citò declinamus à pristino fervore, & jam tædet vivere præ lassitudine, & tepore ! Utinàm in te penitus non dormiret profectus virtutum, qui multa sæpius exempla vidisti devotorum.

CAP. XIX. *De exercitiis boni Religiosi.*

1. **V**ITA boni Religiosi omnibus virtutibus pollere debet : ut sit talis interius, qualis videtur exterius hominibus. Et meritò multò plus debet esse intus, quàm quod cernitur foris, quia inspector noster est Deus, quem summo opere revereri debemus, ubicumque fuerimus, & tanquàm Angeli in conspectu ejus, mundi incedere. Om-
ni

ni die renovare debemus propositum nostrum , & ad fervorem nos excitare:quasi hodiè primùm ad conversionem venissemus, atque dicere : *Adjuva* me Domine Deus , in bono proposito , & sancto servitio tuo : & da mihi nunc hodie perfectè incipere, quia nihil est, quod hætenus feci.

2. Secundum propositum nostrum cursus profectus nostri : & multâ diligentia opus est , benè proficere volenti . Quod si fortiter proponens sæpè deficit , quid ille , qui raro , aut minùs fixè aliquid proponit ? Variis tamen modis contingit desertio propositi nostri : & levis omissio exercitiorum , vix sine aliquo dispendio transit . Justorum propositum in gratia Dei potiùs , quàm in propria sapientia pendet : in quo & semper confidunt , quicquid arripiunt . Nam homo proponit , sed Deus disponit, nec est in homine via ejus .

3. Si pietatis causa, aut fraternæ utilitatis proposito , quandoque consuetum omittitur exercitium, facilè postea poterit recuperari . Si autem tædio animi , aut negligentia facili-ter relinquitur, satis culpabile est, & nocivum sentietur . Conemur quan-

tum possumus, adhuc leviter deficimus in multis. Semper tamen aliquid certi proponendum est, & illa præcipue, quæ ampliùs nos impediunt. Exteriora nostra, & interiora pariter nobis scrutanda sunt, & ordinanda; quia utraque expediunt ad profectum.

4. Si non continuè te vales colligere, saltem interdum: & ad minus semel in die, manè, videlicet, & vespere. Manè propone, vespere discute mores tuos; qualis hodie fuisti in verbo, opere, & cogitatione: quia in his sæpiùs forsitan Deum offendisti, & proximum. Accinge te sicut vir contra diabolicas nequitias: fræna gulam, & omnem carnis inclinationem faciliùs frænabis. Nunquàm sis ex toto otiosus; sed aut legens, aut scribens, aut orans, aut meditans, aut aliquid utilitatis pro communi laborans. Corporalla exercitia discretè sunt agenda, nec omnibus æqualiter assumenda.

5. Quæ communia non sunt, non sunt foris ostendenda: nam in secreto tutiùs exercentur privata. Cavendum tamen ne piger sis ad communia, & ad singularia promptior: sed expletis integrè, & fideliter debitis,

&

& injunctis , si jam ultra vacat red-
de te tibi , prout devotio tua deside-
rat. Non possunt omnes habere unum
exercitium , sed aliud isti , aliud illi
magis deservit . Etiam pro temporis
congruentia , diversa placent exer-
citia: quia alia festis , alia in feriatis
magis sapiunt diebus . Aliis indige-
mus tempore tentationis, & aliis tem-
pore pacis , & quietis . Alia cum tri-
stamur libet cogitare : & alia cum
læti in Domino fuerimus .

6. Circa principalia festa , reno-
vanda sunt bona exercitia , & San-
ctorum suffragia ferventiùs implo-
randa . De festo in festum propone-
re debemus , quasi tunc de hoc sæcu-
lo migraturi simus , & ad æternum
festum perventuri . Ideoque sollicitè
nos præparare debemus in devotis
temporibus , & devotiùs conversari ,
atque omnem observantiam strictiùs
custodire, tanquam in brevi præmium
laboris nostri à Deo percepturi .

7. Et si dilatum fuerit, credamus
nos minùs benè præparatos , atque
indignos tantæ adhuc gloriæ , quæ
revelabitur in nobis tempore prefi-
nito : & studeamus nos meliùs ad
exitum præparare. Beatus servus (ait
Evangelista Lucas) quem cum vene-

36 *De Imitatione Christi*
rit Dominus, invenerit vigilantem.
Amen dico vobis, super omnia bona
sua constituet eum.

CAP. XX. *De amore solitudinis,
& silentii.*

1. **Q**UÆRE aptum tempus
vacandi tibi, & de bene-
ficiis Dei frequenter co-
gita. Relinque curiosa. Tales perle-
ge materias, quæ compunctionem
magis præstant, quàm occupatio-
nem. Si te subtraxeris à superfluis
locutionibus, & otiosis circuitioni-
bus, necnon à novitatibus, & rumo-
ribus audiendis; invenies tempus
sufficiens, & aptum pro bonis medi-
tationibus insistendis. Maximi San-
ctorum humana consortia, ubi pote-
rant, vitabant; & Deo in secreto vi-
vere eligebant.

2. Dixit quidam: Quoties inter
homines fui, minor homo redii. Hoc
sæpiùs experimur, quando diu con-
fabulamur. Faciliùs est omnino ta-
cere, quàm verbo non excedere. Fa-
ciliùs est domi latere, quàm foris se
posse sufficienter custodire. Qui igi-
tur intendit ad interiora, & spiri-
tualia pervenire, oportet eum cum

Jesu

Jesu à turba declinare . Nemo securè apparet , nisi qui libenter latet . Nemo securè loquitur , nisi qui libenter tacet . Nemo securè præest , nisi qui libenter subest . Nemo securè præcipit , nisi qui benè obedire didicit .

3. Nemo securè gaudet , nisi bonæ conscientiae in se testimonium habeat . Semper tamen Sanctorum securitas , plena timoris Dei extitit . Nec ed minus solliciti , & humiles in se fuerunt , quia magnis virtutibus , & gratiâ emicuerunt . Pravorum autem securitas ex superbia , & præsumptione oritur , & in fine indeceptionem sui vertitur . Nunquam promittas tibi securitatem in hac vita , quamvis bonus videaris Cœnobita , aut devotus Eremita .

4. Sæpè meliores in æstimatione hominum , gravius periclitati sunt , propter suam nimiam confidentiam . Unde multis utilius est , ut non penitus tentationibus careant , sed sæpius impugnentur , ne nimium securi sint , ne fortè in superbiam eleventur ; ne etiam ad exteriores consolationes licentiùs declinent . O qui nunquam transitoriam lætitiā quæreretur , qui nunquam cum mundo se occuparet , quàm bonam conscientiam

tiam servaret! O qui omnem vanam sollicitudinem amputaret, & duntaxat salutaria, ac divina cogitaret, & totam spem suam in Deo constitueret, quàm magnam pacem, & quietem possideret!

5. Nemo dignus est cœlesti consolatione, nisi diligenter se exercuerit, in sancta compunctione. Si vis corde tenus compungi, intra cubile tuum, & exclude tumultus mundi, sicut scriptum est: In cubilibus vestris compungimini. In cella invenies, quod de foris sæpiùs amittes. Cella continuata dulcescit, & malè custodita tædium generat. Si in principio conversionis tuæ, benè eam incolueris, & custodieris, erit tibi postea dilecta amica, & gratissimum solatium.

6. In silentio, & quiete proficit anima devota, & discit abscondita Scripturarum. Ibi invenit fluentia lachrymarum, quibus singulis noctibus se lavet, & mundet: ut Conditori suo tantò familiarior fiat, quantò longiùs ab omni sæculari tumultu degit. Qui ergo se abstrahit à notis, & amicis, appropinquabit illi Deus cum Angelis sanctis. Melius est latere, & sui curam agere, quàm se neglecto,

glecto, signa facere. Laudabile est homini religioso raro foras ire, fugere videri, nolle etiam homines videre.

7. Quid vis videre, quod non licet habere? Transit mundus, & concupiscentia ejus, trahunt desideria sensualitatis ad spatiandum: sed cum hora transierit, quid nisi gravitatem conscientiae, & cordis dispersionem reportas? Lætus exitus tristem sæpè reditum parit: & læta vigilia ferotina, triste mane facit. Sic omne carnale gaudium blandè intrat, sed in fine mordet, & perimit. Quid potes alibi videre, quod hîc non vides? Ecce cælum, & terra, & omnia elementa: nam ex istis omnia sunt facta.

8. Quid potes alicubi videre, quod diu potest sub sole permanere? Credis te forsitan satiari, sed non poteris pertingere. Si cuncta videres præsentia, quid esset, nisi visio vana? Leva oculos tuos ad Deum in excelsis, & ora pro peccatis tuis, & negligentis. Dimitte vana vanis: tu autem intende illis, quæ tibi præcepit Deus. Claude super te ostium tuum, & voca ad te Jesum, dilectum tuum. Mane cum eo in cella, quia non invenies alibi tantam pacem. Si
non

non exisses , nec quicquam de rumoribus audisses , melius in bona pace permanisses . Ex quo nova delectat aliquando audire , oportet te exinde turbationem cordis tolerare .

CAP. XXI. *De compunctione cordis .*

1. **S**I vis aliquid proficere , conserva te in timore Dei , & noli esse nimis liber , sed sub disciplina cohibe omnes sensus tuos , nec ineptæ te tradas lætitiæ . Da te ad cordis compunctionem , & invenies devotionem . Compunctio multa bona aperit , quæ dissolutio citò perdere consuevit . Mirum est , quòd homo potest nunquam perfectè in hac vita lætari : qui suum exilium , & tam multa pericula animæ suæ considerat , & pensat .

2. Propter levitatem cordis , & negligentiam defectuum nostrorum non sentimus animæ nostræ dolores : sed sæpè vanè ridemus , quando meritò flere deberemus . Non est vera libertas , nec bona lætitia nisi in timore Dei cum bona conscientia . Felix qui abjicere potest omne impedimentum distractionis , & ad unionem,

neni se recolligere sanctæ compunctionis. Felix, qui à se abdicat, quicquid conscientiam suam maculare potest, vel gravare. Certa viriliter, consuetudo consuetudine vincitur. Si tu scis homines dimittere, ipsi benè te dimittent tua facta facere.

3. Non attrahas tibi res aliorum, nec te implices causis majorum. Habe semper oculum super te primum, & admoneas te ipsum specialiter præ omnibus tibi dilectis. Si non habes favorem hominum, noli ex hoc tristari: sed hoc sit tibi grave, quia non habes te satis benè, & circumspicere, sicut decet Dei servum, & devotum religiosum conversari. Utilius est sæpè, & securius, quod homo non habeat multas consolationes in hac vita, secundum carnem præcipuè. Tamen quod divinas non habemus, aut rariùs sentimus, nos in culpa sumus, quia compunctionem cordis non quærimus, nec vanas, & externas abjicimus.

4. Cognosce te indignum divina consolatione, sed magis dignum multa tribulatione. Quando homo est perfectè compunctus, tunc gravis, & amarus est ei totus mundus. Bonus homo sufficientem invenit
ma-

materialiam dolendi & flendi . Sive enim se considerat , sive de proximo pensat , scit, quia nemo sine tribulatione hîc vivit . Et quantò strictiùs sese considerat , tantò amplius dolet. Materiæ iusti doloris , & internæ compunctionis sunt peccata, & vitia nostra : quibus ita involuti jacemus, ut rarò cœlestia contemplari valeamus .

5. Si frequentiùs de morte tuâ, quàm de longitudine vitæ tuæ cogitares , non dubium quin ferventiùs te emendares . Si etiam futuras inferni , sive purgatorii pœnas cordialiter perpenderes, credo, quòd libenter laborem , & dolorem sustineres , & nihil rigoris formidares . Sed quia ad cor ista non transeunt , & blandimenta adhuc amamus : ideò frigidi, & valdè pigri remanemus .

6. Sæpe est inopia spiritûs , unde tam leviter conqueritur miserum corpus . Ora igitur humiliter ad Dominum , ut det tibi compunctionis spiritum : & dic cum Propheta : Ciba me Domine, pane lachrymarum, & potum da mihi in lachrymis , in mensura .

CAP. XXII. *De consideratione
humane miserie.*

1. **M**ISER es , ubicumque fueris, & quodcumque te verteris, nisi ad Deū te convertes. Quid turbaris , quia non succedit tibi , sicut vis, & desideras ? Quis est, qui habet omnia secundum suam voluntatem ? Nec ego , nec tu, nec aliquis hominum super terram. Nemo est in mundo sine aliqua tribulatione, vel angustia: quamvis Rex sit & Papa . Quis est qui melius habet ? utique qui pro Deo aliquid pati valet .

2. Dicunt multi imbecilles , & infirmi : Ecce quā bonam vitam ille homo habet , quā dives , quā magnus, quā potens , & excelsus ! Sed attende ad cœlestia bona , & videbis , quod omnia ista temporalia nulla sunt : sed valdè incerta, & magis gravantia , quia nunquam sine sollicitudine , & timore possidentur . Non est hominis felicitas habere temporalia ad abundantiam, sed sufficit ei mediocritas. Verè miseria est vivere super terram. Quāto homo voluerit esse spiritualior , tantò præsens

sens vita fit ei amarior : quia sentit meliùs, & videt clariùs humanæ corruptionis defectus. Nam comedere, bibere, vigilare, dormire, quiescere, laborare, & cæteris necessitatibus naturæ subjacere: verè magna miseria est, & afflictio homini devoto: qui libenter esset absolutus, & liber ab omni peccato.

3. Valdè enim gravatur interior homo necessitatibus corporalibus in hoc mundo. Unde Propheta devotè rogat, quatenus liber ab istis esse valeat, dicens: De necessitatibus meis erue me Domine. Sed væ non cognoscentibus suam miseriam: & ampliùs væ illis, qui diligunt hanc miseram, & corruptibilem vitam. Nam in tātum quidam hanc amplectuntur (licèt etiam vix necessaria laborando, aut mendicando habeant) ut si possent hîc semper vivere, de Regno Dei nihil curarent.

4. O infani, & infideles corde, qui tam profundè in terris jacent, ut nil nisi carnalia sapiant! Sed miseri, adhuc in fine graviter sentiēt, quàm vile & nihilum erat, quod amaverunt. Sancti autem Dei, & omnes devoti amici Christi, non attenderunt, quæ carni placuerunt, nec quæ
in

in hoc tempore floruerunt : sed tota spes eorum , & intentio ad æterna bona anhelabat . Ferebatur totum desiderium eorum sursum ad mansura , & invisibilia , ne amore visibilibus traherentur ad infima . Noli frater amittere confidentiam proficendi ad spiritualia : adhuc habes tempus , & horam .

5. Quare vis procrastinare propositum tuum ? Surge & in instanti incipe , & dic : Nunc tempus est faciendi , nunc tempus est pugnandi , nunc aptum tempus emendandi . Quando malè habes , & tribularis , nunc tempus est promerendi . Oportet te transire per ignem , & aquam , antequam venias in refrigerium . Nisi tibi vim feceris , vitium non superabis . Quàm diu istud fragile corpus gerimus , sine peccato esse non possumus , nec sine tædio , & dolore vivere . Libenter haberemus ab omni miseria quietem ; sed quia per peccatum perdidimus innocentiam , amisimus etiam veram beatitudinem : ideò oportet nos tenere patientiam , & Dei expectare misericordiam , donec transeat iniquitas hæc , & mortalitas absorbeatur à vita .

6. O quanta fragilitas humana ,
quæ

quæ semper prona est ad vitia ! Hodie confiteris peccata tua & cras iterum perpetras confessa . Nunc proponis cavere , & post horam agis , quasi nihil proposuisses . Meritò ergo nos ipsos humiliare possumus , nec unquam aliquid magni de nobis sentire ; quia tam fragiles , & instabiles sumus . Citò potest etiam perdi per negligentiam , quod multo labore vix tandem acquisitum est per gratiam .

7. Quid fiet de nobis adhuc in fine , qui tepescimus tam manè ? Væ nobis , si sic volumus declinare ad quietem , quasi jam pax sit , & securitas : cum necdum appareat vestigium veræ sanctitatis in nostra conversatione . Benè opus esset , quòd adhuc iterum institueremur , tanquam boni novitii ad mores optimos : si fortè spes esset de aliqua futura emendatione , & majori spiritali profectu .

CAP. XXIII. *De meditatione mortis.*

1. **V**ALDE citò erit tecum hoc factum , vide alter quo modo te habeas . Hodie homo est , & cras non comparet .
Cum

Cum autem sublatus fuerit ab oculis, etiam citò transit à mente. O hebetudo, & duritia cordis humani, quod solum præsentia meditatur, & futura non magis prævidet. Sic te in omni facto, & cogitatu deberes tenere, quasi hodie, vel statim esses moriturus. Si bonam conscientiam haberes, non multum mortem timeres. Melius esset peccata cavere, quam mortem fugere. Si hodie non es paratus, quomodo cras eris? Cras est dies incerta: & quid scis, si crastinum habebis?

2. Quid prodest diu vivere, quando tam parum emendamur? Nobis longa vita non semper emendat, sed sæpè culpam magis auget. Utinam per unam diem benè essemus conversati in hoc mundo. Multi annos conversionis computant, sed sæpè parvus est fructus emendationis. Si formidolosum est mori, forsitan periculosius erit diutiùs vivere. Beatus qui horam mortis suæ semper ante oculos habet, & ad moriendum quotidie se disponit. Si vidisti aliquando hominem mori, cogita, quia & tu per eandem vitam transibis.

3. Cum manè fuerit, puta te ad vespèrum non perventurum. Vespere

re autem factò, manè non audeas tibi polliceri . Semper ergo paratus esto , & taliter vive , ut nunquam te imparatum mors inveniat. Multi subito , & improvisè moriuntur . Nam horâ, quâ non putatur, Filius hominis venturus est . Quando illa extrema hora venerit, multùm aliter sentire incipies de tota vita tua præterita , & valde dolebis , quia tam negligens, & remissus fuisti .

4. Quàm felix , & prudens , qui talis nunc nititur esse in vita, qualis optat inveniri in morte! Dabit namque magnam fiduciam feliciter moriendi, perfectus contemptus mundi, fervens desiderium in virtutibus proficendi , amor disciplinæ , labor pœnitentiæ , promptitudo obedientiæ , abnegatio sui , & supportatio cujuscunque adversitatis pro amore Christi . Multa bonâ potes operari , dum sanus es . sed infirmatus , nescio quid poteris . Pauci ex infirmitate emendantur : sic & qui multùm peregrinantur, rarò sanctificantur .

5. Noli considerare super amicos, & proximos , nec in futuris tuam salutem differas : quia citiùs obliviscuntur tuî homines , quàm æstimas . Melius est nunc tempestivè providere,

re,

re, & aliquid boni præmittere, quàm super aliorum auxilio sperare. Si non es pro te ipso sollicitus modò, quis erit sollicitus pro te in futuro? Nunc tempus est valdè pretiosum. Sed proh dolor, quòd hoc utilius non expendis, in quo promereri vales, unde æternaliter vivas. Veniet quando unum diem, seu horam pro emendatione desiderabis: & nescio, an impetrabis.

6. Eja charissime, de quanto periculo te poteris liberare: de quàm magno timore eripere, si modò semper timoratus fueris, & de morte suspectus. Stude nunc taliter vivere, ut in hora mortis valeas potiùs gaudere, quàm timere. Disce nunc mori mundo, ut tunc incipias vivere cum Christo. Disce nunc omnia contemnere, ut tunc possis liberè ad Christum pergere. Castiga nunc corpus tuum per pœnitentiam, ut tunc valeas certam habere confidentiam.

7. Ah stulte, quid cogitas te diu victurum, cum nullum diem habeas hic securum? Quàm multi decepti sunt, & insperatè de corpore extracti? Quotiens audisti à dicentibus: quia ille gladio cecidit, ille submersus est, ille ab alto ruens cervicem
C fregit,

fregit, ille manducando obriguit, ille ludendo finem fecit? Alius igne, alius ferro, alius peste, alius latrocinio interiit: & sic omnium finis mors est, & vita hominum tanquam umbra pertransit.

8. Quis memorabitur tuū post mortem? Aut quis orabit pro tè? Age, age, nunc charissime, quicquid agere potes: quia nescis quando morieris, nescis etiam quid te post mortem sequetur. Dum tempus habes, congrega tibi divitias immortales. Præter salutem tuam nihil cogites: solum quæ Dei sunt, cures. Fac nunc tibi amicos, venerando Dei sanctos, & eorum actus imitando: ut cum defeceris in hac vita, illi te recipiant in æterna tabernacula.

9. Serva te tanquam peregrinum, & hospitem super terram, ad quem nihil spectat de mundi negotiis. Serva cor liberum, & ad Deum sursum erectum, quia non habes hîc manentem civitatem. Illuc preces, & gemitus quotidianos cum lachrymis dirige, ut spiritus tuus mereatur ad Dominum post mortem feliciter transire. Amen.

CAP. XXIV. *De judicio , & penis peccatorum .*

1. **I**N omnibus rebus respice finem, & qualiter ante districtum stabis judicem, cui nihil est occultum, qui muneribus non placatur, nec excusationes recipit: sed quod justum est, judicabit. O miserrime, & insipiens peccator, quid respondebis Deo, omnia mala tua scienti; qui interdum formidas vultum hominis irati? Ut quid non prævides tibi in die judicii, quando nemo poterit per alium excusari, vel defendi: sed unusquisque, sufficiens onus erit sibi ipsi? Nunc labor tuus est fructuosus, fletus acceptabilis, gemitus exaudibilis, dolor satisfactorius & purgativus.

2. Habet magnum, & salubre purgatorium patiens homo, qui suscipiens injurias, plus dolet de alterius malitia, quàm de sua injuriâ, qui pro contrariantibus sibi libenter orat, & ex corde culpas indulget: qui veniam ab aliis petere non retardat: qui faciliùs miseretur, quàm irascitur: qui sibi ipsi violentiam frequenter facit, & carnem omninò

spiritui subjugare conatur . Melius est modò purgare peccata , & vitia refecare , quàm in futuro purganda reservare . Verè nos ipsos decipimus per inordinatum amorem , quem ad carnem habemus .

3. Quid aliud ille ignis devorabit, nisi peccata tua? Quantò tibi ipsi ampliùs nunc parcis , & carnem sequeris , tantò duriùs postea lues , & majorem materiam comburendi reservas . In quibus homo peccavit, in illis graviùs , punietur . Ibi acediosi ardentibus stimulis perurgentur , & gulosi ingenti siti , ac fame cruciabuntur . Ibi luxuriosi , & voluptatum amatores ardenti pice , & fœtido sulphure perfundentur . Et sicut furiosi canes præ dolore invidiosi ululabunt .

4. Nullum vitium erit, quod suum proprium cruciatum non habebit . Ibi superbi omni confusione replebuntur : & avari miserrimâ egestate ardeantur . Ibi erit una hora gravior in pœna , quàm hîc centum anni in amarissimâ pœnitentia . Ibi nulla requies est, nulla consolatio damnatis: hic tamen interdum cessatur à laboribus , atque amicorum fruitur solatiis . Esto modò sollicitus , & dolens pro peccatis tuis , ut in die judicii sis

sis securus cum Beatis . Tunc enim Iusti stabunt in magna constantia adversus eos, qui se angustia verunt , & depresserunt . Tunc stabit ad iudicandum , qui modò se subicit humiliter iudiciis hominum . Tunc magnam fiduciã habebit pauper & humilis , & pavebit undique superbus .

5. Tunc videbitur sapiens in hoc mundo fuisse , qui pro Christo didicit stultus & despectus esse . Tunc placebit omnis tribulatio patienter perpeffa , & omnis iniquitas oppilabis os suum . Tunc gaudebit omnis devotus , & mœrebit omnis irreligiosus . Tunc plus exultabit caro afflicta , quàm si in deliciis fuisset semper nutrita . Tunc splendeat habitus vilis , & obtenebrescat vestis subtilis . Tunc plus laudabitur pauper-culum domicilium , quàm deauratum palatium . Tunc plus jvuabit constans patientia , quàm omnis mundi potentia . Tunc ampliùs exaltabitur simplex obedientia , quàm omnis sæcularis astutia .

6. Tunc plus lætificabit pura , & bona conscientia , quàm docta Philosophia . Tunc plus ponderabit contemptus divitiarum , quàm totus thesaurus terrigenarum . Tunc magis

consolaberis super devota oratione, quàm super delicata comestione, Tunc potiùs gaudebis de servato silentio, quàm de longa fabulatione. Tunc plus valebunt sancta opera, quàm multa pulchra verba. Tunc plus placebit stricta vita, & ardua pœnitentia, quàm omnis delectatio terrena. Disce te nunc in modico pari, ut tunc valeas, à gravioribus liberari. Hic primò proba, quid possis postea. Si nunc tam parùm non vales sustinere, quomodo æterna tormenta poteris sufferre? Si modò modica passio tam impatientem efficit, quid gehenna tunc faciet? Ecce verè non potes duo gaudia habere: delectari hìc in mundo, & postea regnare cum Christo.

7. Si usque in hodiernum diem semper in honoribus, & voluptatibus vixisses, quid totum tibi profuisset, si jam mori in instanti contingeret? Omnia ergo vanitas, præter amare Deum, & illi soli servire. Qui enim Deum ex toto corde amat; nec mortem, nec supplicium, nec iudicium, nec infernum metuit; quia perfectus amor securum ad Deum accessum facit. Quem autem adhuc peccata delectant, non mirum si mortem,

tē, & iudicium timeat. Bonum tamen est, ut si necdum amor à malo te revocat, saltem timor gehennalis cœrceat. Qui verò timorem Dei postponit, diu stare in bono non valebit, sed diaboli laqueos citiùs incurret.

CAP. XXV. De ferventi emendatione totius vitæ nostræ.

1. **E**STO vigilans, & diligens in Dei servitio, & cogita frequenter, ad quid venisti, & cur sæculum reliquisti. Nonne ut Deo viveres, & spiritualis homo fieres? Igitur ad profectum serveas, quia mercedem laborū tuorū in brevi recipies: nec erit tunc ampliùs timor, aut dolor in finibus tuis. Modicum nunc laborabis, & magnam requiem, immo perpetuam lætitiā invenies. Si tu permanseris fidelis, & fervidus in agendo: Deus proculdubio erit fidelis, & locuples in retribuendo. Spem bonam retinere debes, quod ad palmam pervenies: sed securitatem capere non oportet, ne torpeas, aut elatus fias.

2. Cum quidam anxius inter metum, & spem frequenter fluctuaret, &

quadam vice mœrore confectus , in Ecclesia ante quoddam altare se in oratione prostravisset , hæc intra se revolvit dicens: O si scirem, quòd adhuc perseveraturus essem! statimque audivit divinum intus responsum: Quid, si hoc scires, quid facere velles? Fac nunc, quod tunc facere velles, & benè securus eris. Moxque consolatus, & confortatus, divinæ se commisit voluntati , & cessavit anxia fluctuatio. Noluitque curiosè investigare, ut sciret, quæ sibi essent futura, sed magis studuit inquirere , quæ esset voluntas Dei beneplacens, & perlecta ad omne opus bonum inchoandum, & perficiendum.

Spera in Domino, & fac bonitatem (ait Propheta) & inhabita terram, & pascèris in divitiis ejus. Unum est, quod multos à profectu, & ferventi emendatione retrahit, horror difficultatis, seu labor certaminis. Enimverò illi maximè præ aliis in virtutibus proficiunt, qui ea, quæ sibi magis gravia, & contraria sunt, viriliùs vincere nituntur. Nam ibi homo plus proficit, & gratiam meretur ampliorem, ubi magis seipsum vincit, & in spiritu mortificat.

4. Sed non omnes habent æquè mul-

multum ad vincendum, & moriendū. Diligens tamen æmulator valentior erit ad proficiendum, etiam si plures habeat passionēs, quā alius benè morigeratus, minùs tamen fervens ad virtutes. Duo specialiter ad magnam emendationem juvant; videlicet, subtrahere se violenter, ad quod natura vitiosè inclinatur: & ferventer instare pro bono, quo ampliùs quis indiget. Illa etiam studeas magis cavere, & vincere, quæ tibi frequentius in aliis displicent.

5. Ubique profectum tuum capias: ut si bona exempla videas, vel audias, ad imitandum accendaris. Si quid autem reprehensibile consideraveris, cave ne idem facias, aut si aliquando fecisti, citius te emendare studeas. Sicut oculus tuus alios considerat, sic iterùm ab aliis notaris. Quàm jucundum, & dulce est, videre fervidos, & devotos fratres, benè morigeratos, & disciplinatos! Quàm triste est, & grave, videre inordinatè ambulantes: qui ea, ad quæ vocati sunt, non exercent! Quàm nocivum est negligere vocationis suæ propositum: & ad non commissum sensum inclinare!

6. Memor esto arrepti propositi,

ti , & imaginem tibi propone Crucifixi . Bene verecundari potes , inspectâ vitâ Jesu Christi : quia necdum magis illi te conformare studuisti , licet diu in via Dei fuisti . Religiosus , qui se intentè , & devotè in sanctissima vita , & passione Domini exercet , omnia utilia , & necessaria sibi abundanter ibi inveniet : nec opus est , ut extra Jesum aliquid melius quærat . O si Jesus crucifixus in cor nostrum veniret , quàm citò , & sufficienter docti essemus !

7. Religiosus fervidus , omnia benè portat , & capit , quæ illi jubentur . Religiosus negligens , & tepidus habet tribulationem super tribulationem , & ex omni parte patitur angustiam ; quia interiori consolatione caret , & exteriorem quærere prohibetur . Religiosus extra disciplinam vivens , gravi patet ruinæ . Qui laxiora quærit , & remissiora , semper in angustiis erit , quia aut unum , aut reliquum sibi displicebit .

8. Quomodo faciunt tam multi alii religiosi : qui satis arctati sunt sub disciplina claustrali ? Rarò exeunt , abstractè vivunt , pauperrimè comedunt , grossè vestiuntur , multum laborant , parum loquuntur , diu vigi-

lant,

lant, maturè surgunt, orationes prolongant, frequenter legunt, & se in omni disciplina custodiunt. Attende Carthusienses, Cistercienses, & diversæ Religionis Monachos, ac Moniales, qualiter omni nocte ad psallendum Domino assurgunt. Et idèd turpe esset, ut tu deberes in tam sancto opere pigritare, ubi tanta multitudo Religiosorum incipit Deo jubilare.

9. O si nihil aliud faciendum incumberet, nisi Dominum Deum nostrum toto corde, & ore laudare! O si nunquam indigeres comedere, nec bibere, nec dormire; sed semper posses Deum laudare, & solummodo spiritualibus studiis vacare! tunc multò felicior esses, quàm modò, cum carni ex qualicumque necessitate servis. Utinam non essent istæ necessitates, sed solummodo spirituales animæ refectioes, quas (heu) satis rarò degustamus.

10. Quando homo ad hoc pervenit, quod de nulla creatura consolationem suam quærit, tunc ei Deus primò perfectè sapere incipit, tunc etiam benè contentus de omni eventû rerum erit. Tunc nec pro magno lætabitur, nec pro modico con-

tristabitur: sed ponit se integrè, & fì-
ducialiter in Deo, qui est ei omnia
in omnibus: cui nihil utique perit,
nec moritur; sed omnia ei vivunt, &
ad nutum incunctanter deserviunt.

11. Memento semper finis, &
quia perditum non redit tempus. Si-
ne sollicitudine, & diligentia nun-
quam acquies virtutes. Si incipis
tepescere, incipies malè habere. Si
autem dederis te ad fervorem, inve-
nies magnam pacem, & senties le-
viorem laborem, propter Dei gra-
tiam, & virtutis amorem. Homo fer-
vidus, & diligens ad omnia est para-
tus. Major labor est resistere vitiis, &
passionibus, quàm corporalibus insu-
dare laboribus. Qui parvos non vitat
defectus, paullatim labitur ad majò-
res. Gaudebis semper vesperè, si diem
expendas fructuosè. Vigila super te
ipsum, excita te ipsum; admone te ip-
sum: & quicquid de aliis sit, non ne-
gligas te ipsum. Tantum proficies,
quantum tibi ipsi vim intuleris.
Amen.

JOANNIS GERSEN

Abbatis Ordinis
S. Benedicti,

DE IMITATIONE
CHRISTI,
LIBER SECUNDUS.

De interna conversione.

CAPUT PRIMUM.



REGNUM Dei intra
vos est, dicit Domi-
nus. Converte te ex
toto corde tuo ad
Dominum: & relin-
que hunc miserum
mundum, & inveniet anima tua re-
quiem. Disce exteriora contemnere,
& ad interiora te dare, & videbis
Regnum Dei in te venire. Est enim
Regnum Dei pax, & gaudium in
Spiritu sancto, quod non datur im-
piis

piis . Veniet ad te Christus , ostendens tibi consolationem suam , si dignam illi ab intus paraveris mansionem . Omnis gloria ejus , & decor ab intra est , & ibi complacet sibi . Frequens illi visitatio cum homine interno , dulcis sermocinatio , grata consolatio , multa pax , familiaritas stupenda nimis .

2. Eja anima fidelis , præpara huic Sponso cor tuum : quatenus ad te venire , & in te habitare dignetur . Sic enim dicit . Si quis diligit me , sermonem meum servabit , & ad eum veniemus , & mansionem apud eum faciemus . Da ergo Christo locum , & cæteris omnibus nega introitum . Cum Christum habueris , dives es , & sufficit tibi . Ipse erit provisor tuus , & fidelis procurator in omnibus , ut non sit opus in hominibus sperare . Homines enim citò mutantur , & deficiunt velociter : Christus autem manet in æternum , & astat usque in finem firmiter .

3. Non est magna fiducia ponenda in homine fragili , & mortali , etiam si utilis sit , & dilectus : neque tristitia multa capienda ex hoc , si interdum adversetur , & contradicat . Qui hodie tecum sunt , cras contra-

trariari possunt : & è converso, sapè-
ut aura vertuntur. Pone totam fidu-
ciam tuam in Deo , & sit ipse timor
tuus , & amor tuus . Ipse pro te res-
pondebit , & faciet benè sicut melius
fuerit . Non habes hîc manentem ci-
vitatem : & ubicumque fueris , extra-
neus es , & peregrinus : nec requiem
aliquando habebis , nisi Christo inti-
mè fueris unitus .

4. Quid hîc circumspicis , cùm
iste non sit locus tuæ requietionis ?
In cœlestibus debet esse habitatio
tua , & sicut in transitu cuncta terre-
na sunt aspicienda . Transeunt om-
nia , & tu cum eis pariter . Vide , ut
non inhæreas , ne capiaris , & pe-
reas . Apud Altissimum sit cogitatio
tua , & deprecatio tua ad Christum
sine intermissione dirigatur . Si ne-
scis alta speculari , & cœlestia , re-
quiesce in passione Christi , & in sa-
cris vulneribus ejus libenter habita .
Si enim ad vulnera , & pretiosa stig-
mata Jesu devotè confugis , magnam
in tribulatione confortationem sen-
ties : nec multùm curabis hominum
despectiones , faciliterque verba de-
trahentia perferes .

5. Christus fuit etiam in mun-
do ab hominibus despectus , & in
ma-

maxima necessitate, à notis, & amicis inter opprobria derelictus. Christus pati voluit, & despici, & tu audes de aliquò conqueri? Christus habuit adversarios, & oblocutores, & tu vis omnes habere amicos, & benefactores? Unde coronabitur patientia tua, si nil adversitatis occurrerit? Si nil contrarium vis pati, quomodo eris amicus Christi? Sustine tecum Christo, & pro Christo, si vis regnare cum Christo.

6. Si semel perfectè introisses in interiora Jesu, & modicum de ardenti amore ejus sapis, tunc, de proprio commodo, vel incommodo nihil curares, sed magis de opprobrio illato gauderes, quia amor Jesu facit hominem seipsum contemnere. Amator Jesu, & veritatis, & verus internus, & liber ab affectionibus inordinatis, potest se ad Deum liberè convertere, & elevare supra seipsum in spiritu, ac fruitivè quiescere.

7. Cui sapiunt omnia prout sunt, non ut dicuntur, aut æstimentur: hic verè sapiens est, & doctus magis à Deo, quàm ab Hominiбус. Qui ab intra scit ambulare, & modicum ab extra res ponderare, non requirit loca, nec tempora expectat, ad habenda

da devota exercitia. Homo internus citò se recolligit : quia nunquam se totum ad exteriora effundit. Non illi obest labor exterior, aut occupatio ad tempus necessaria : sed sicut res eveniunt, sic se illis accommodat. Qui intus benè dispositus est, & ordinatus, non curat mirabiles, & perversos hominum gestus. Tantùm homo impeditur, & distrahitur, quantum sibi res attrahit.

8. Si rectè tibi esset, & benè purgatus esses, omnia tibi in bonum cederent, & profectum. Idèd multa tibi displicent, & sæpè conturbant : quia adhuc non es perfectè tibi ipsi mortuus, nec segregatus ab omnibus terrenis. Nihil sic maculat, & implicat cor hominis, sicut impurus amor in creaturis. Si renuis consolari exterius, poteris speculari cœlestia, & sæpe jubilarè interius.

CAP. II. De humili submissione sub Prælati regimine.

1. **N**ON magni pendas, quis pro te, vel contra te sit : sed hoc agè, & cura, ut Deus tecum sit in omni re, quam facis. Habeas conscientiam bonam, &

& Deus benè te defensabit . Quem enim Deus adjuvare voluerit , nullius perversitas nocere poterit . Si tu scis tacere , & pati, videbis proculdubio Domini auxilium . Ipse novit tempus , & modum liberandi te , & ideo debes te illi resignare . Dei est adjuvare , & ab omni confusione liberare . Sæpe valde prodest, ad majorem humilitatem servandam, quod defectus nostros alii sciunt & redarguunt .

2. Quando homo pro defectibus suis se humiliat , tunc facilius alios placat, & leviter satisfacit sibi irascentibus . Humilem Deus protegit , & liberat: humilem diligit, & consolatur : humili largitur gratiam magnam, & post suam depressionem levat ad gloriam . Humili sua secreta revelat , & ad se dulciter trahit , & invitat . Humilis acceptâ contumeliâ , & confusione , satis benè est in pace, quia stat in Deo, & non in mundo . Non reputes te aliquid profecisse , nisi omnibus inferiorem te esse sentias .

CAP. III. De bono pacifico homine.

I. **P**ONE te primò in pace , & tunc poteris alios pacificare . Homo pacificus plus prodest , quàm benè doctus . Homo passionatus etiam bonum in malum trahit , & faciliter malum credit . Bonus pacificus homo , omnia ad bonum convertit . Qui benè in pace est , de nullo suspicatur . Qui autem malè contentus est , & commotus , variis suspicionibus agitur: nec ipse quiescit , nec alios quiescere permittit . Dicit sæpe , quod dicere non deberet : & omittit , quod sibi magis facere expediret . Considerat , quod alii facere tenentur : & negligit , quod ipse facere tenetur . Habe ergo primò zelum super teipsum , & tunc zelare poteris justè etiam proximum tuum .

2. Tu benè scis facta tua excusare , & colorare , & aliorum non vis recipere excusationes . Justius esset , ut te accusares , & fratrem tuum excusares . Si portari vis , porta & alium . Vide quàm longe es adhuc à vera charitate , & humilitate : quæ nulli novit indignari , vel irasci , nisi tantum

rùm sibi ipsi . Non est magnum cum bonis , & mansuetis conversari : hoc enim omnibus naturaliter placet , & unusquisque libenter pacem habet , & secum sentientes magis diligit . Sed cum duris , & perversis , aut indisciplinatis , aut nobis contrariantibus , pacificè posse vivere , magna gratia est & laudabile nimis , virileque factum .

3. Sed sunt qui seipsos in pace tenent, & cum aliis etiam pacem habent . Et sunt qui nec pacem habent, nec alios in pace dimittunt: aliis sunt graves , sed sibi sunt semper graviores . Et sunt qui seipsos in pace retinent, & ad pacem alios reducere student . Et tamen tota pax nostra in hac misera vita , potius in humili sufferentia ponenda est, quàm in non sentiendo contraria . Qui melius scit pati, pacem tenebit maiorem . Iste est victor suū & dominus mundi , amicus Christi, & hæres cœli .

CAP. IV. *De pura mente , & simplici intentione .*

1. **D**UABUS alis homo suble-
vatur à terrenis, simplici-
tate scilicet , & puritate.
Sim-

Simplicitas debet esse in intentione , puritas in affectione . Simplicitas intendit Deum , puritas apprehendit eum , & gustat . Nulla bona actio te impediet , si liber intus ab inordinato affectu fueris . Si nihil aliud , quàm Dei beneplacitum , & proximi utilitatem intendis , & quæris , internâ libertate fruêris . Si rectum cor tuum esset , tunc omnis creatura speculum vitæ , & liber sanctæ doctrinæ esset . Non est creatura tam parva , & vilis quæ bonitatem Dei non repræsentet .

2. Si tu esses intus bonus , & purus , tunc omnia sine impedimento videres , & caperes benè . Cor purum penetrat cœlum , & infernum . Quis unusquisque intus est , taliter iudicat exterius . Si est gaudium in mundo , hoc utique possidet puri cordis homo . Et si est alicubi tribulatio , & angustia , hoc melius novit mala conscientia . Sicut ferrum missum in ignem , amittit rubiginem ; & totum candens efficitur ; sic homo ad Deum se integrè convertens , à torpore exuitur , & in novum hominem transmutatur .

3. Quando homo incipit tepescere , tunc parvum metuit laborem , & libenter externam accipit consolationem .

tionem. Sed quando perfectè incipit se vincere, & viriliter in via Dei ambulare: tunc minus ea reputat quæ plus gravia esse sentiebat.

CAP. V. De propria consideratione.

1. **N**ON possumus nobis ipsis nimis credere, quia sæpè gratia nobis deest, & sensus. Modicum lumen est in nobis, & hoc citò per negligentiam amittimus. Sæpè etiam non advertimus, quòd tam cæci intus sumus. Sæpè malè agimus, & pejùs excusamus: & passione interdum movemur, & zelum putamus. Parva in aliis deprehendimus, & nostra majora pertransimus. Satis citò sentimus, & ponderamus, quid ab aliis sustinemus, sed quantum alii de nobis sustinent, non advertimus. Qui benè, & rectè sua ponderaret, non esset, quòd de alio graviter judicaret.

2. Internus homo sui ipsius curam, omnibus curis anteponit. Et qui sibi ipsi diligenter intendit, faciliter de aliis tacet. Nunquam eris internus, & devotus, nisi de alienis silueris, & ad te ipsum specialiter respexeris. Si tibi & Deo totaliter inten-

intendis, modicum te movebit, quod foris percipis. Ubi es, quando tibi ipsi præsens non es? Et quando omnia percurristi, quid (te neglecto) profecisti? Si debes habere pacem, & unionem veram, oportet, quod totum adhuc postponas, & te solum præ oculis habeas.

3. Multum proinde proficies, si te feriaturum ab omni temporali cura conserves. Valdè deficies, si aliquid temporale reputaveris. Nil altum, nil magnum, nil gratum, nil acceptum tibi sit, nisi purè Deus, aut de Deo sit. Totum vanum existima, quicquid consolationis occurrit de aliqua creatura. Amans Deum anima, sub Deo despicit universa. Solus Deus æternus, & immensus, implens omnia, solatium est animæ, & vera cordis lætitia.

CAP. VI. De lætitia bonæ conscientie.

I. **G**LORIA boni hominis testimonium bonæ conscientie. Habe bona conscientiam, & semper habebis lætitiā. Bona conscientia valdè multa potest portare, & valde læta est inter

adversa. Mala conscientia, semper timida est, & inquieta. Suaviter requiesces, si te cor tuum non reprehenderit. Noli lætari, nisi cum benefeceris. Mali nunquam habent veram lætitiā, nec internam sentiunt pacem; quia non est pax impiis, dicit Dominus. Et si dixerint: In pace sumus, non venient super nos mala; & quis nobis nocere audebit? Ne credas eis, quoniam repente exurget ira Dei: & in nihilum redigentur actus eorum, & cogitationes eorum peribunt.

1. Gloriari in tribulatione, non est grave amanti: sic enim gloriari, est in cruce Domini gloriari. Brevis gloria, quæ ab hominibus datur, & accipitur. Mundi gloriam semper comitatur tristitia. Bonorum gloria in conscientia eorum, & non in ore hominum. Justorum lætitia de Deo est, & in Deo est: & gaudium eorum de veritate. Qui veram & æternam gloriam desiderat, temporalem non curat. Et qui temporalem quærit gloriam, aut non ex animo contemnit, minus amare convincitur cœlestem. Magnam habet cordis tranquillitatem, qui nec laudes curat, nec vituperia.

3. Facile erit contentus , & pacatus , cujus conscientia munda est. Non es sanctior , si laudaris : nec vilior , si vituperaris . Quod es , hoc es ; nec major dici vales , quam (Deo teste) sis . Si attendis , quid apud te sis intus , non curabis , quid de te loquantur homines foris . Homo videt in facie , Deus autem in corde . Homo considerat actus , Deus verò pensat intentiones . Benè semper agere , & modicum de se sentire , humilis animæ indicium est . Nolle consolari ab aliqua creatura , magnæ puritatis , & internæ fiduciæ signum est .

4. Qui nullum extrinsecus pro se testimonium quærit , liquet quòd se totaliter Deo commisit . Non enim qui se ipsum commendat , ille probatus est (ait B. Paullus) sed quem Deus commendat . Ambulare cum Deo intus , nec aliqua affectione teneri foris , status est interni hominis .

CAP. VII. De amore JESU super omnia .

1. **B**EATUS qui intelligit , quid sit amare Jesum , & contemnere se ipsum propter Iesum . Oportet dilectum pro dilecto
D relin-

relinquere , quia Iesus vult solus super omnia amari . Dilectio creaturæ fallax , & instabilis : dilectio Iesu fidelis , & perseverabilis . Qui adhæret creaturæ , cadet cum labili ; qui amplectitur Iesum , firmabitur in ævum . Illum dilige , & amicum tene tibi : qui omnibus recedentibus , te non relinquet , nec patietur in fine perire . Ab omnibus oportet te aliquando separari , siue velis , siue nolis .

2. Teneas te apud Iesum , vivens & moriens : & illius fidelitati te committe , qui omnibus deficientibus , solus te potest adjuvare . Dilectus tuus talis est naturæ ; ut alienum non velit admittere : sed solus vult cor tuum habere , & tanquam Rex in proprio throno sedere . Si scires te benè ab omni creatura evacuare , Iesus deberet libenter tecum habitare . Penè totum perditum invenies , quicquid extra Iesum in hominibus posueris . Non confidas , nec innitaris super calamum ventosum ; quia omnis caro fœnum , & omnis gloria ejus ut flos fœni cadet .

3. Citò decipieris , si ad externam hominum apparentiam tantum aspexeris . Si enim tuum in aliis quæris solatium , & lucrum , senties sæpius

piùs detrimentum . Si quæris in omnibus Jesum, invenies utique Jesum. Si autem quæris te ipsum , invenies etiam te ipsum , sed ad tuam perniciem . Plus enim homo nocivior sibi , si Jesum non quærit, quàm totus mundus , & omnes sui adversarii .

CAP. VIII. De familiari amicitia JESU.

1. **Q**UANDO Jesus adest, totum bonum est, nec quidquam difficile videtur. Quando verò Jesus non adest, totum durum est. Quando Jesus intus non loquitur, consolatio vilis est . Si autem Jesus unum verbum loquitur tantùm, magna consolatio sentitur . Nonne Maria Magdalena statim surrexit de loco , in quo flevit, quando Martha illi dixit : Magister adest , & vocat te ? Felix hora, quâdo Jesus vocat de lachrymis ad gaudium spiritûs . Quàm aridus , & durus es sine Jesu ! Quàm insipiens , & vanus , si cupis aliquid extra Jesum ! Nonne hoc est majus damnum, quàm si totum perderes mundum ?

2. Quid potest tibi mundus conferre
D 2 sine

sine Jesu? Esse sine Jesu gravis est infernus : & esse cum Jesu , dulcis est paradisus. Si fuerit tecum Jesus, nullus poterit nocere inimicus . Qui invenit Jesum , invenit thesaurum bonum : immò bonum super omne bonum. Et qui perdit Jesum, perdit nimis multum , & plus quàm totum mundum. Pauperrimus est, qui vivit sine Jesu ; & ditissimus, qui bene est cum Jesu.

3. Magna ars est , scire conversari cum Jesu, & scire Jesum tenere, magna prudentia . Esto humilis & pacificus, & erit tecum Jesus. Sis devotus & quietus , & permanebit tecum Jesus . Potes fugare Jesum , & gratiam ejus perdere , si volueris ad exteriora declinare . Et si illum effugaveris, & perdideris, ad quem tunc fugies, & quem tunc quæres amicum? Sine amico non potes benè vivere : & si Jesus non fuerit tibi præ omnibus amicus , eris nimis tristis , & desolatus . Fatuè igitur agis , si in aliquo altero confidis , & lætaris . Eligendum est magis , totum mundum habere contrarium quàm Jesum offensum . Ex omnibus ergo charis, sit Jesus solus, dilectus specialis .

4. Diligantur omnes propter Jesum,

sum, Jesus autem propter se ipsum. Solus Jesus-Christus singulariter est amandus: qui solus bonus, & fidelis invenitur præ omnibus amicis. Propter ipsum & in ipso, tam amici, quàm inimici tibi sint chari: & pro omnibus his exorandus est, ut omnes ipsum cognoscant, & diligant. Nunquam cupias singulariter laudari, vel amari, quia hoc solius Dei est, qui similem sibi non habet. Nec velis, quod aliquis in corde suo tecum occupetur; neque tu cum alicujus occuperis amore: sed sit Jesus in te, & in omni bono homine.

5. Esto purus, & liber ab intus, sine alicujus creaturæ implicamento. Oportet te esse nudum, & purum cor ad Deum gerere, si vis vacare, & videre, quàm suavis sit Dominus. Et revera ad hoc non pervenies, nisi gratia ejus fueris præventus, & attractus: ut omnibus evacuatis, & licentiatis, solus cum solo uniaris. Quando enim gratia Dei venit ad hominem, tunc potens fit ad omnia: & quando recedit, tunc pauper, & infirmus erit, & quasi tantum ad flagella relictus. In his non debet deici, nec desperare; sed ad voluntatem Dei æquanimiter stare; & cuncta

supervenientia sibi ad laudem Jesu-Christi perpeti : quia post hyemem sequitur æstas; post noctem redit dies, & post tempestatem serenitas magna.

CAP. IX. *De carentia omnis solatii.*

1. **N**ON est grave humanum contemnere solatium, cum adest divinum. Magnum verò est, & valde magnum tã humano, quã divino posse carere solatio : & pro honore Dei libenter exilium cordis velle sustinere : & in nullo seipsum quærere, nec ad proprium meritum respicere. Quid magni est, si hilaris sis, & devotus, adveniente gratia ? Optabilis cunctis hæc hora. Satis suaviter equitat, quem gratia Dei portat. Et quid mirum, si onus non sentit : qui portatur ab Omnipotente, & ducitur à summo Doctore ?

2. Libenter habemus aliquid pro solatio, & difficulter homo exiit à se ipso. Vicit sanctus Martyr Laurentius sæculum cum suo Sacerdote; quia omne, quod in mundo delectabile videbatur, despexit : & summum Dei Sacerdotem Sixtum, quem maximè diligebat pro amore Christi
etiam

etiam à se tolli clementer ferebat. Amore igitur Creatoris amorem hominis superavit : & pro humano solatio divinum beneplacitum magis elegit. Ita & tu aliquem necessarium & dilectum amicum pro amore Dei disce relinquere . Nec graviter feras, cum ab amico derelictus fueris, sciens quoniam oportet nos omnes tandem ab invicem separari .

3. Multum , & diu oportet hominem in se ipso certare , antequam discat se ipsum plenè superare, & totum affectum suum plenè in Deum trahere . Quando homo stat super seipsum ; facile labitur ad consolationes humanas . Sed verus amator Christi , & studiosus sectator virtutum non cadit super consolationes , nec querit tales sensibiles dulcedines : sed magis fortes exercitationes , & pro Christo duros sustinere labores .

4. Cum igitur spiritualis consolatio à Deo datur ; cum gratiarum actione accipe eam : sed Dei munus intellige esse, nō tuum meritum. Noli extolli , noli nimium gaudere , nec inaniter præsumere : sed esto magis humilior ex dono , cautior quoque & timorator in cunctis actibus tuis : quoniam transibit hora illa, & seque-

tur tentatio . Cùm ablata fuerit consolatio, non statim desperes: sed cum humilitate, & patientia, expecta cœlestem visitationem: quoniam potens est Deus ampliorem tibi redonare gratiam, & consolationem. Istud non est novum , nec alienum viam Dei expertis: quia in magnis Sanctis, & in antiquis Prophetis fuit talis sæpè alternationis modus .

5. Unde quidam (præsente jam gratia) dicebat : Ego dixi in abundantia mea , non movebor in æternum . Absente verò gratia, quid in se fuerit expertus , adjungit dicens : Avertisti faciē tuam à me, & factus sum conturbatus . Inter hæc tamen nequaquam desperat , sed instantius Dominum rogat , & dicit : Ad te Domine clamabo , & ad Deum meum deprecabor . Denique orationis suæ fructum reportat , & se exauditum testatur dicens : Audivit Dominus , & misertus est mei : Dominus factus est adjutor meus . Sed in quo ? Convertisti , inquit , planctum meum in gaudium , & circumdediti me lætitiā . Et si sic actum est cum magnis Sanctis , non est desperandum nobis infirmis , & pauperibus, si interdum in fervore , & interdum

dum in frigiditate sumus ; quoniam spiritus venit , & recedit secundum suæ voluntatis beneplacitum . Unde beatus Job ait: Visitas eum diluculo, & subito probas illum .

6. Super quid igitur sperare possum, aut in quo confidere debeo , nisi in sola magna misericordia Dei, & in sola spe gratiæ cælestis? Sive enim adsint homines boni, sive devoti fratres , & amici fideles , sive libri sancti, vel tractatus pulchri , sive dulcis cantus , & hymni; omnia hæc modicum juvant, modicum sapiunt, quando desertus sum à gratia , & in propria paupertate relictus . Tunc non est melius remedium , quàm patientia , & abnegatio mei in voluntate Dei.

7. Nunquam inveni aliquem tam religiosum, & devotum, qui non habuerit interdum gratiæ subtractionem, aut non senserit fervoris detrimentum . Nullus Sanctus fuit tam altè raptus , & illuminatus, qui prius, vel postea non fuerit tentatus. Non enim dignus est alta Dei contemplatione , qui pro Deo non est exercitatus aliqua tribulatione . Solet enim sequentis consolationis tentatio præcedens esse signum. Nam tentationibus probatis,

cœlestis promittitur consolatio . Qui vicerit , inquit , dabo ei edere de ligno vitæ .

8. Datur etiam consolatio divina , ut homo fortior sit ad sustinendum aduersa . Sequitur etiam tentatio , ne se eleuet de bono . Non dormit diabolus , nec caro adhuc mortua est ; idè non cesses præparare te ad certamen , quia à dextris , & à sinistris sunt hostes , qui nunquam quiescunt .

CAP. X. De gratitudine pro gratia Dei .

1. **C**UR quæris quietem , cùm natus sis ad laborem ? Pone te ad patientiam magis quàm ad consolationem : & ad crucem portandam magis quàm ad lætitiā . Quis enim sæcularium , non libenter consolationem , & lætitiā spiritualem acciperet , si semper obtinere posset ? Excedunt enim spirituales consolationes , omnes mundi delicias , & carnis voluptates . Nā omnes deliciæ mundanæ , aut turpes , aut vanæ sunt . Spirituales verò deliciæ , solæ iucundæ , & honestæ , ex virtutibus progenitæ , & à Deo puris mentibus

tibus infusæ . Sed istis divinis consolationibus , nemo semper pro suo affectu frui valet : quia tempus tentationis non diu cessat .

2. Multum contrariatur supernæ visitationi falsa libertas animi , & magna confidentia sui . Deus benè facit consolationis gratiam dando ; sed homo malè agit , non totum Deo , cum gratiarum actione retribuendo . Et ideo nō possunt in nobis dona gratiæ fluere , quia ingrati sumus Auctori : nec totum refundimus fontali origini . Semper enim debetur gratia dignè gratias referenti : & auferitur ab elato , quod dari solet humili .

3. Nolo consolationem , quæ mihi auferet compunctionem : nec affectu contemplationem , quæ ducit in elationem . Non enim omne altum , sanctum ; nec omne desiderium , purum ; nec omne dulce , bonum ; nec omne charum , gratum Deo . Libenter accepto gratiam , unde humilior , & timorator inveniar , atque ad relinquendum me paratior fiam . Doctus dono gratiæ , & eruditus subtractionis verbere non sibi audebit quidpiam boni attribuere : sed potius se pauperem , & nudum confitebitur . Da Deo quicquid Dei est : & tibi

adscribere, quod tuum est: hoc est Deo gratias pro gratia tribue; tibi autem soli culpam, & dignam pœnam pro culpa deberi sentias.

4. Pone te semper ad infimum, & dabitur tibi summum, nam summum non stat sine infimo. Summi Sãcti apud Deum, minimi sunt apud se. Et quantò gloriosiores, tantò in se humiliores. Pleni veritate & gloria cœlesti non sunt vanæ gloriæ cupidi. In Deo fundati, & confirmati, nullo modo possunt esse elati. Et qui totum Deo adscribunt, quicquid boni acceperunt, gloriam ab invicem non quærunt: sed gloriam, quæ à solo Deo est, volunt: & Deum in se & in omnibus Sanctis laudare super omnia cupiunt, & in id ipsum tendunt.

5. Esto igitur gratus pro minimo, & eris dignus majora accipere. Sit tibi minimum etiam pro maximo: & magis contemptibile pro speciali dono. Si dignitas datoris inspicitur, nullum datum parvum, aut nimis vile videbitur. Non enim parvum est, quod à summo Deo donatur. Etiam si pœnas, & verbera donaverit, gratum esse debet: quia semper pro salute nostra facit, quicquid nobis advenire permittit. Qui gratiam

tiam Dei retinere desiderat , sit gratus pro gratia data , patiens pro ablata . Oret , ut redeat , cautus sit , & humilis , ne amittat .

CAP. XI. De paucitate amatorum Crucis .

1. **H**ABET Jesus nunc multos amatores Regni sui cœlestis, sed paucos bajulatores suæ crucis . Habet multos desideratores consolationis, sed paucos tribulationis. Plures invenit socios mensę, sed paucos abstinentię. Omnes volunt cum Christo gaudere, sed pauci volunt pro ipso aliquid sustinere . Multi Jesum sequuntur usque ad fractionem panis: sed pauci ad bibendum calicem passionis . Multi miracula ejus venerantur , sed pauci ignominiam crucis sequuntur. Multi Jesum diligunt , quamdiu adversa non contingunt. Multi illum laudant, & benedicunt , quamdiu consolationes aliquas ab ipso percipiunt. Si autem Jesus se absconderit , & modicum eos reliquerit , aut in querimoniam , vel in dejectionem nimiam cadunt .

2. *Qui autem Jesum propter Jesum,*

sum, & non propter suam propriam aliquam consolationē diligunt, ipsum in omni tribulatione, & angustia cordis, sicut in summa consolatione benedicunt. Et si nunquam eis consolationem dare vellet, ipsum tamen semper laudarent, & semper gratias agere vellent.

3. O quantum potest amor Jesu purus: nullo proprio commodo, vel amore permixtus! Nonne omnes mercenarii sunt dicendi, qui consolationes semper quærunt? Nonne amatores suū magis, quàm Christi probantur, qui sua commoda, & lucra semper meditantur? Ubi invenietur talis, qui velit Deo servire gratis?

4. Rarò invenitur tam spiritualis aliquis, qui omnibus sit nudatus. Nam verum pauperem spiritu, & ab omni creatura nudum quis inveniet? Procul & de ultimis finibus pretium ejus. Si dederit homo omnem substantiam suam, adhuc nihil est. Et si fecerit pœnitentiam magnam, adhuc exiguum est. Et si apprehenderit omnem scientiam adhuc longè est. Et si habuerit virtutem magnam, & devotionem nimis ardentem, adhuc multum sibi deest: unum scilicet quod
sum.

summè sibi necessarium est . Quid illud? Ut omnibus relictis , se relinquat, & à se totaliter exeat, nihilque de privato amore retineat . Cùmque omnia fecerit, quæ facienda noverit, nihil se fecisse sentiat .

5. Non grande ponderet , quod grande æstimari possit : sed in veritate servum inutilem se pronunciet ; sicut Veritas ait : cùm feceritis omnia , quæ præcepta vobis sunt , dicite , quia servi inutiles sumus . Tunc verè pauper , & nudus spiritu esse poterit , & cum Propheta dicere . Quia unicus , & pauper sum ego . Nemo tamen isto dītior , nemo tamen liberior , nemo potentior , qui scit se , & omnia relinquere , & ad infimum se ponere .

*CAP. XII. De Regia via sanctæ
Crucis .*

1. **D**URUS hic multis videtur sermo : Abnega te-
metipsum, tolle crucem
tuam , & sequere Jesum . Sed durius
erit audire illud extremum verbum :
Discedite à me maledicti , in ignem
eternum. Qui enim modò libenter au-
diunt , & sequuntur verbum crucis,
tunc

tunc non timebunt ab auditione damnationis æternæ . Hoc signum crucis erit in cælo , cùm Dominus ad judicandum venerit . Tunc omnes servi crucis, qui se Crucifixo conformaverunt in vita , ad Christum accedent judicem cum magna fiducia .

2. Quid igitur times tollere crucem , per quam itur ad Regnum ? In cruce salus , in cruce vita , in cruce protectio ab hostibus ; in cruce infusio supernæ suavitatis , in cruce robur mentis , in cruce gaudium spiritus ; in cruce virtutis summa , in cruce perfectio sanctitatis . Non est salus animæ , nec spes æternæ vitæ , nisi in cruce . Tolle ergo crucem tuam , & sequere Jesum , & ibis in vitam æternam . Præcessit ille bajulans sibi crucem , & mortuus est pro te in cruce : ut & tu tuam portes crucem , & mori affectes in cruce . Quia si commortuus fueris , etiam cum illo pariter vives . Et si socius fueris pænæ , socius eris & gloriæ .

3. Ecce in cruce totum constat , & in moriendo totum jacet , & non est alia via ad vitam , & ad veram internam pacem , nisi via sanctæ crucis , & quotidianæ mortificationis .

Am.

Ambula ubi vis , quære quodcumque volueris , & non invenies altiore[m] viam suprà, nec securiorem viam infrà, nisi viam sanctæ crucis . Dispone, & ordina omnia secundum tuum velle & videre : & non invenies , nisi semper aliquid pati debere , aut spontè, aut invitè: & ita crucem semper invenies . Aut enim in corpore dolorem senties , aut in anima spiritûs tribulationem sustinebis .

4. Interdum à Deo relinquêris , interdum à proximo exercitaberis , & quod amplius est , sæpe tibi metipsum gravis eris ; nec tamen aliquo remedio , vel solatio liberari , seu alleviari poteris : sed donec Deus voluerit, oportet ut sustineas . Vult enim Deus , ut tribulationem sine consolatione discas pati , & ut illi totaliter te subicias , & humilior ex tribulatione fias . Nemo ita cordialiter sentit passionem Christi, sicut is, cui contigerit similia pati . Crux igitur semper parata est, & ubique te expectat . Non potes effugere ubicumque cucurreris : quia ubicumque veneris te ipsum tecum portas , & semper te ipsum invenies . Convertte te suprà , convertte te infrà; convertte te extra, & intra : & in his omnibus invenies
cru-

crucem : & necesse est te ubique tenere patientiam , si internam vis habere pacem , & perpetuam promereri coronam .

5. Si libenter crucem portas , portabit te , & deducet te ad desideratum finem : ubi scilicet finis patiendi erit , quamvis hic non erit . Si invitè portas , onus tibi facis , & te ipsum magis gravas ; & tamen oportet , ut sustineas . Si abjicis unam crucem , aliam proculdubio invenies , & forsitan graviolem .

6. Credis tu evadere , quod nullus mortalium potuit præterire ? Quis sanctorum in mundo , sine cruce & tribulatione fuit ? Nec enim Jesus Christus , Dominus noster , unâ horâ sine dolore passionis fuit , quamdiu vixit : Oportebat (ait) Christum pati , & resurgere à mortuis , & ita intrare in gloriam suam . Et quomodo tu aliam viam quæris , quàm hanc regiam viam , quæ est via sanctę crucis ?

7. Tota vita Christi , crux fuit & martyrium : & tu tibi quæris requiem & gaudium ? Erras , erras , si aliud quæris , quàm pati tribulationes : quia tota ista vita mortalis , plena est miseriis , & circumsignata crucibus.

tibus. Et quantò altiùs quis in spiritu profecerit, tantò graviores sæpe cruces inveniet: quia exilii sui pœna, magis ex amore crescit.

8. Sed tamen, iste sic multipliciter afflictus, non est sine levamine consolationis: quia fructum maximum sibi sentit accrescere ex sufferentia suæ crucis. Nam dum sponte se illi subjicit, omne onus tribulationis in fiduciam divinæ consolationis convertitur. Et quantò caro magis per afflictionem atteritur, tantò spiritus ampliùs per internam gratiam roboratur. Et nonnumquam in tantum confortatur ex affectu tribulationis & adversitatis, ob amorem conformitatis crucis Christi, ut se sine dolore & tribulatione esse non vellet: quoniam tantò se acceptiorem Deo credit, quantò plura, & graviora pro eo perferre potuerit. Non est istud hominis virtus, sed gratia Christi, quæ tanta potest & agit in carne fragili; ut quod naturaliter semper abhorret & fugit, hoc fervore spiritûs aggrediatur & diligat.

10. Non est secundùm hominem crucem portare, crucem amare, corpus castigare, & servituti subicere; honores fugere, contumelias liben-

ter sustinere, seipsum despiciere, & despici optare; adversa quæque cum damnis perpeti, & nihil prosperitatis in hoc mundo desiderare. Si ad teipsum respicis, nihil hujusmodi ex te poteris. Sed si in Domino confidis, dabitur tibi fortitudo de cælo, & subjicientur ditioni tuæ mundus, & caro. Sed nec inimicum diabolum timebis, si fueris fide armatus, & Jesu cruce signatus.

11. Pone ergo te sicut bonus, & fidelis servus Christi, ad portandum viriliter crucem Domini tui, pro te ex amore crucifixi. Præpara te ad toleranda multa adversa & varia incommoda, in hac misera vita, quia sic tecum erit, ubicumque fueris: & sic revera invenies, ubicumque latueris. Oportet te ita esse, & non est remedium evadendi à tribulatione malorum, & dolore, quàm ut patiaris. Calicem Domini affectanter bibe, si amicus ejus esse, & partem cum eo habere desideras. Consolationes Deo committe: faciat ipse cum talibus, sicut sibi magis placuerit. Tu verò pone te ad sustinendum tribulationes, & reputa eas maximas consolationes: quia non sunt condignæ passionibus hujus temporis ad futuram
glo-

gloriam , quæ revelabitur in nobis ,
promerendam , etiamsi solus omnes
posses sustinere .

11. Quando ad hoc veneris ,
quod tribulatio tibi dulcis est, & sapit
pro Christo ; tunc bene tecum esse
æstima , quia invenisti paradisum in
terra . Quandiu pati grave est, & fu-
gere quæris : tamdiu male habebis ,
& sequetur te ubique fuga tribula-
tionis .

12. Si ponis te ad quod esse de-
bes , videlicet ad patiendum , & mo-
riendum , fiet citò melius , & pacem
invenies . Etiamsi raptus fueris us-
que in tertium cælum cum Paulo ,
non es propterea securatus de nullo
contrario sustinendo . Ego (inquit
Jesus) ostendam illi , quanta oporteat
eum pro nomine meo pati . Pa-
ti ergo tibi remanet , si Jesum dili-
gere , & perpetuò illi servire placet .

13. Utinam dignus esses, pro no-
mine Jesu aliquid pati: quàm magna
gloria remaneret tibi , quanta exul-
tatio omnibus Sanctis Dei , quanta
quoque ædificatio esset proximi ?
Nam patientiam omnes recommen-
dant , quamvis pauci tamen pati
velint . Meritò deberes libenter mo-
dicum pati pro Christo , cùm multi
gravio-

graviora patiantur pro mundo .

14. Scias pro certo , quia morientem te oportet ducere vitam . Et quantò quisque plus sibi moritur , tantò magis Deo vivere incipit . Nemo aptus est ad comprehendendum cœlestia , nisi se submiserit ad portandum pro Christo adversa . Nihil Deo acceptius , nihil tibi salubrius in mundo isto , quàm libenter pati pro Christo . Et si eligendum tibi esset , magis optare deberes , pro Christo adversa pati , quàm multis consolationibus recreari : quia Christo similior esses , & omnibus Sanctis magis conformior . Non enim stat meritum nostrum , & profectus status nostri , in multis suavitatibus & consolationibus : sed potius in magnis gravitatibus & tribulationibus perseverandis .

15. Si quidem aliquid melius & utilius saluti hominum , quàm pati , fuisset ; Christus utique verbo , & exemplo ostendisset . Nam & sequentes se discipulos , omnesque eum sequi cupientes , manifestè ad crucem portantam hortatur , & dicit : * Si quis vult venire post me , abneget semetipsum , & tollat crucem suam , & sequatur me . * Omnibus ergo perlectis .

Etis & scrutatis , sit hæc conclusio
finalis : Quoniam per multas tri-
bulationes oportet nos intrare in
regnum Dei .

Explicit Liber secundus .

JOANNIS GERSEN

Abbatis Ordinis
S. Benedicti,

DE IMITATIONE

CHRISTI,

LIBER TERTIUS.

*De interna Christi locutione ad
animam fidelem.*

CAPUT PRIMUM.



UDIAM, quid loqua-
tur Dominus Deus
in me. Beata anima,
quæ Dominum in se
loquentem audit : &
de ore ejus consola-
tiones accipit . Beatæ aures, quæ ve-
nas divini susurri suscipiunt , & de
mundi hujus susurrationibus nihil
advertunt . Beatæ planè aures ,
quæ non vocem foris sonantem ,
sed intus auscultant veritatem lo-
quen-

loquentem . Beati oculi , qui exterioribus clausi , interioribus autem sunt intenti . Beati , qui interna penetrant , & ad capienda arcana cœlestia magis ac magis per quotidiana exercitia se student præparare . Beati , qui Deo vacare gestiunt , & ab omni impedimento sæculi se excutiunt . Animadverte hæc ò anima mea , & claude sēsualitatis tuę ostia : ut possis audire , quid loquatur in te Dominus Deus tuus . Hæc dicit dilectus tuus .

2. D. Salus tua ego sum , pax tua , & vita tua . Serva te apud me , & pacem invenies . Dimitte omnia trāfitoria , & quære æterna . Quid sunt omnia temporalia , nisi seductoria ? Et quid juvabūt omnes creaturæ , si fueris à creatore deserta ? Omnibus ergo abdicatis , creatori tuo te redde placitam ac fidelem , ut veram valeas apprehendere beatitudinem .

CAP. II. Quòd veritas intus loquitur sine strepitu verborum .

1. **L**OQUERE domine , quia audit servus tuus . Servus tuus sum ego , da mihi intellectum , ut sciam testimonia tua .

E

Incli.

Inclina cor meum in verba oris tui ;
 fluat ut ros eloquium tuum . Dice-
 bant olim filii Israel ad Moysen :
 * Loquere tu nobis, & audiemus: non
 loquatur nobis Dominus , ne fortè
 moriamur . * Non sic Domine , non
 sic oro : sed magis cum Samuele Pro-
 pheta humiliter ac desideranter ob-
 secro: * Loquere Domine, quia audit
 servus tuus. Non loquatur mihi Moy-
 ses, aut aliquis ex Prophetis : sed tu
 potiùs loquere Domine Deus , inspi-
 rator & illuminator omnium Pro-
 phetarum : quia tu solus sine eis po-
 tes me perfectè imbuere ; illi autem
 sine te nihil proficient .

2. Possunt quidem verba sona-
 re, sed spiritum non conferunt . Pul-
 chriter dicunt ; sed , te tacente , cor
 non accendunt . Literas tradunt, sed
 tu sensum aperis. Mysteria proferunt,
 sed tu refferas intellectum signato-
 rum . Mandata edicunt, sed tu juvas
 ad perficendum. Viam ostendunt, sed
 tu confortas ad ambulandum . Illi
 foris tantùm agunt , sed tu corda in-
 struis , & illuminas . Illi exteriùs ri-
 gant, sed tu fœcunditatem donas. Illi
 clamant verbis , sed tu auditui intel-
 ligentiam tribuis .

ε . Non ergo loquatur mihi
 Moyses,

Moyſes , ſed tu Domine Deus meus æterna veritas : ne fortè moriar , & ſine fructu efficiar , ſi fuero tantùm foris admonitus, & intus non accenſus: ne ſit mihi ad iudicium, verbum auditum, & non factum : cognitum, nec amatum : creditum , & non ſervatum. Loquere igitur Domine, quia audit ſervus tuus : verba enim vitæ æternæ habes. Loquere mihi, ad qualemcumque animæ meæ conſolationem, & ad totius vitæ meæ emendationem: tibi autem ad laudem & gloriam, & perpetuum honorem .

CAP. III. Quòd verba Dei cum humilitate ſunt audienda , & quòd multi ea non ponderant .

I. **A**UDI fili verba mea, verba ſuaviſſima , omnem Philoſophorum, & ſapientium huius mundi ſcientiam excedentia . Verba mea ſpiritus & vita ſunt , nec humano ſenſu penſanda. Non ſunt ad vanam complacentiam trahenda, ſed in ſilentio audienda, & cum omni humilitate atque magno affectu ſuſcipienda. Et dixi: Beatus , quem tu erudieris Domine, & de lege tua docueris eum: ut mitiges ei à die-

bus malis , & non desoletur in terra. Ego , inquit Dominus , docui Prophetas ab initio , & usque nunc non cesso omnibus loqui : sed multi ad vocem meam surdi sunt , & duri. Plures mundum libentiùs audiunt , quàm Deum : faciliùs sequuntur carnis suæ appetitum , quàm Dei beneplacitum. Promittit mūdus temporalia , & parva , & servitur ei a viditate magna : ego promitto summa & æterna , & torpescunt mortalium corda . Quis tanta cura mihi in omnibus servit & obedit , sicut mundo & dominis ejus servitur ? *Erubescere Sidon , ait mare .* Et si causam quæris , audi quare .

2. Pro modica præbenda , longa via curritur : pro æterna vita , à multis vix pes semel à terra levatur . Vile pretium quæritur : pro uno numismate interdum turpiter litigatur : pro vana re & parva promissione , die noctuque fatigari non timetur .

3. Sed , proh pudor ! pro bono incommutabili , pro præmio inæstimabili , pro summo honore & gloria interminabili , vel ad modicum fatigari pigritatur . Erubescere ergo serve piger & querulose , quòd illi paratiores inveniuntur ad perditionem , quàm tu ad vitam . Gaudent il-

li amplius ad vanitatem, quàm tu ad veritatem. Equidem spe sua nonnunquam frustrantur: sed promissio mea neminem fallit, nec confidentem mihi dimittit inanem. Quod promisi, dabo; quod dixi, implebo; si tamen usque in finem fidelis in dilectione mea quis permanferit. Ego remunerator sum omnium bonorum, & fortis probator omnium devotorum.

4. Scribe verba mea in corde tuo, & pertracta diligenter: erunt enim in tempore tentationis valde necessaria. Quod non intelligis cùm legis, cognosces in die visitationis. Dupliciter soleo electos meos visitare, tentatione scilicet & consolatione. Et duas lectiones eis quotidie lego: unam, increpando eorum vitia; alteram, exhortando ad virtutum incrementa. Qui habet verba mea, & spernit ea, habet qui iudicet eum in novissimo die.

Oratio ad impetrandam devotionis gratiam.

5. * Domine Deus meus, omnia bona mea tu es. Et quis ego sum, ut audeam ad te loqui? Ego sum pauperrimus servulus tuus, & abjectus.

vermiculus: multò pauperior & contemptibilior , quàm scio , & dicere audeo . Memento tamen Domine , quia nihil sum , nihil habeo , nihilque valeo . Tu solus bonus , iustus & sanctus; tu omnia potes , omnia imples , solum peccatorem inanem relinquens. Reminiscere miserationum tuarum , & imple cor meum gratia tua , qui non vis esse vacua opera tua .

6. Quomodo possum me tolerare in hac misera vita , nisi me confortaverit misericordia & gratia tua? Noli avertere faciem tuam à me : noli visitationem tuam prolongare : noli consolationem tuam abstrahere , ne fiat anima mea , sicut terra sine aqua tibi . Domine , doce me facere voluntatem tuam ; doce me coram te dignè & humiliter conversari : quia sapientia mea tu es , qui in veritate me cognoscis , & cognovisti antequam fieret mundus , & antequam natus essem in mundo .

CAP. IV. *Quòd in veritate & humilitate coram Deo conversandum est.*

1. **F**ILI, ambula coram me in veritate, & simplicitate cordis tui quære me sēper. Qui ambulat coram me in veritate, tutabitur ab incurſibus malis, & veritas liberabit eū à ſeduc̃toribus, & deſtaſtionibus iniquorum. Si veritas te liberaverit, verè liber eris, & non curabis de vanis hominum verbis. Domine verum eſt. Sicut dicis, ita, quæſo, mecum fiat. Veritas tua me doceat; ipſa me cuſtodiat., & uſque ad ſalutarem finem conſervet. Ipſa me liberet ab omni aſſec̃tione mala, & inordinata dilec̃tione: & ambula- bo tecum in magna cordis libertate.

2. Ego te docebo (ait veritas) quæ recta ſunt, & placita coram me. Cogita peccata tua, cum diſplicentia magna & mœrore: & nunquam reputes te aliquid eſſe propter opera bona. Revera peccator es, & multis paſſionibus obnoxius & implicatus. Ex te ſemper ad nihil tendis; citò laboris, citò vinceris; citò turbaris, citò diſſolveris. Non habes quicquam

unde possis gloriari , sed multa unde te debeas vilificare : quia multo infirmiores , quàm vales comprehendere .

3. Nil ergo magnum tibi videatur ex omnibus quæ agis. Nil grande, nil pretiosum & admirabile , nil reputatione appareat dignum , nil altum , nihil verè laudabile & desiderabile , nisi quod æternum est . Placeat tibi super omnia æterna veritas, displiceat tibi semper tua maxima vilitas. Nil sic timeas , sic vituperes & fugias , sicut vitia & peccata tua: quæ magis displicere debent, quàm quælibet rerum damna . Quidam non sincerè coram me ambulat, sed quadam curiositate & arrogantia ducti, volunt secreta mea scire, & alta Dei intelligere, se & suam salutem negligentes. Hi sepè in magnas tentationes & peccata , propter suam superbiam & curiositatem, me eis adversante, labuntur .

4. Time judicia Dei , expavesce iram omnipotentis . Noli autem discutere opera Altissimi , sed tuas iniquitates perscrutare , in quantis deliquisti , & quàm multa bona neglexisti . Quidam solùm portant suam devotionem in libris , quidam in
ima-

imaginibus, quidam autem in signis exterioribus & figuris. Quidam habent me in ore, sed modicum est in corde. Sunt alii, qui intellectu illuminati & affectu purgati, ad æterna semper anhelant: de terrenis graviter audiunt, necessitatibus naturæ dolenter inserviunt: & hi sentiunt, quid spiritus veritatis loquitur in eis. Quia docet eos terrena despiciere, & amare cœlestia: mundum negligere, & cœlum tota die ac nocte desiderare.

CAP. V. De mirabili affectu divini amoris.

1. **B**ENEDICO te Pater cœlestis, Pater Domini mei Jesu Christi, quia mei pauperis dignatus es recordari. O Pater misericordiarum, & Deus totius consolationis, gratias tibi, qui me indignum omni consolatione, quandoque tua recreas consolatione. Benedico te semper & glorifico, cum unigenito Filio tuo & Spiritu sancto paraclito in sæcula sæculorum. Eja Domine Deus amator sancte meus, cum tu veneris in cor meum, exultabunt omnia interiora mea. Tu

es gloria mea & exultatio cordis mei.
Tu spes mea & refugium meum,
in die tribulationis meæ.

2. Sed quia adhuc debilis sum
in amore, & imperfectus in virtute;
ideo necesse habeo à te confortari:
propterea visita me sæpius, & instrue
disciplinis tuis sanctis. Libera me à
passionibus malis, & sana cor meum ab
omnibus affectionibus inordinatis: ut
intus sanatus & benè purgatus, ap-
tus efficiar ad amandum, fortis ad pa-
tiendum, stabilis ad perseverandum.

3. Magna res est amor, magnum
omnino bonum: quod solum leve fa-
cit omne onerosum, fert æquali-
ter omne inæquale. Nam onus sine
onere portat, & omne amarum dul-
ce ac sapidum efficit. Amor Jesu no-
bilis, ad magna operanda impellit,
& ad desideranda semper perfectio-
ra excitat. Amor vult esse sursum,
nec ullis infimis rebus retineri. Amor
vult esse liber, & ab omni mundana
affectione alienus; ne internus ejus
impediatur aspectus; ne per aliquod
commodum temporale implicatio-
nes sustineat, aut per incommodum
succumbat. Nihil dulcius est amore,
nihil fortius, nihil altius, nihil la-
tius, nihil jucundius, nihil plenius

nec melius in cœlo & in terra , quia amor à Deo natus est, nec potest nisi in Deo super omnia creata quiescere .

4. Amans volat , currit & lætatur , liber est , & non tenetur . Dat omnia pro omnibus , & habet omnia in omnibus , quia in uno summo super omnia quiescit , ex quo omne bonum fluit , & procedit . Non respicit ad dona , sed ad donantem se convertit super omnia bona . Amor sapè modum nescit , sed super omnem modum fervescit . Amor onus non sentit , labores non reputat ; plus affectat , quàm valet : de impossibilitate non causatur , quia cuncta sibi posse , & licere arbitratur . Valet igitur ad omnia , & multa implet & effectui mancipat , ubi non amans deficit , & jacet .

5. Amor vigilat , et dormiens non dormitat . Fatigatus non laxatur ; arctatus non coarctatur : territus non conturbatur : sed sicut vivax flamma , & ardens favilla sursum erumpit , secureque pertransit . Si quis amat , novit , quid hæc vox clamat . Magnus clamor in auribus Dei est ipse ardens affectus animæ , quæ dicit : * *Deus meus* , amor

meus : tu totus meus , & ego tuus .

6. Dilata me in amore , ut discam interiori ore cordis degustare , quàm suave sit amare , & in amore liquefieri , & natare . Tenear amore , vadens supra me præ nimio fervore , & stupore . Cantem amoris canticum , sequar te dilectum meum in altum , deficiat in laude tua anima mea , jubilans ex amore . Amem te plusquam me : nec me nisi propter te : & omnes in te , qui verè amant te , sicut jubet lex amoris lucens ex te . *

7. Est amor velox , syncerus , pius , jucundus , & amœnus ; fortis , patiens , fidelis , prudens , longanimis , virilis & seipsum numquam quærens . Ubi enim seipsum aliquis quærit , ibi ab amore cadit . Est amor circumspectus , humilis , & rectus ; non mollis , non levis , nec variis intendens rebus ; sobrius , castus , stabilis , quietus , & in cunctis sensibus custoditus . Est amor subiectus & obediens Prælati , sibi vilis , & despectus , Deo devotus , & gratificus , fidens , semper sperans in eo , etiam cum sibi non sapit Deus : quia sine dolore non vivitur in amore .

8. Qui non est paratus omnia pati & ad voluntatem stare dilecti ,

non

non est dignus amator appellari .
Oportet amantem omnia dura , &
amara propter dilectum amplecti
libenter ; nec ob contraria acciden-
tia ab eo deflecti .

*CAP. VI. De probatione veri ama-
toris .*

1. **F**ILI, non es adhuc fortis, &
prudens amator . Quare
Domine? Quia propter mo-
dicam contrarietatem deficis à cœ-
ptis, & nimis avidè consolationem
quæris . Fortis amator stat in tenta-
tionibus, nec callidis credit persuasio-
nibus inimici . Sicut ei in prosperis
placeo , ita nec in adversis ei displiceo .

2. Prudens amator non tam do-
num amantis considerat , quàm dan-
tis amorem . Affectum potiùs atten-
dit, quàm censum, & infra dilectum,
omnia data ponit . Nobilis amator
non quiescit in dono , sed in me su-
per omne donum . Non est ideo to-
tum perditum , si quandoque minus
bene de me , vel de Sanctis meis sen-
seris , quàm velles . Affectus ille bo-
nus , dulcis , quem interdum per-
cipis, effectus gratiæ præsentis est, &
qui-

quidam prægustus patriæ cœlestis: super quo non nimium innitendum, quia vadit, & venit. Certare autem adversus incidentes malos animi motus, & suggestiones spernere diaboli, insigne est virtutis, & magni meriti.

3. Non ergo te conturbent alienæ phantasiæ, de quacunque materia ingestæ. Forte serva propositum, & intentionem rectam ad Deum. Nec est illusio, quod aliquando in excessum subito rapiaris, & statim ad solitas cordis ineptias revertaris. Illas enim magis invitè pateris, quàm agis, & quamdiu displicent, & reniteris, meritum est, & non perditio.

4. Scito, quod antiquus inimicus omninò nititur impedire desiderium tuum in bono, & ab omni devoto exercitio evacuare: à Sanctorum scilicet cultu, à pia passionis meæ memoria, à peccatorum utili recordatione, à proprii cordis custodia, & à firmo proposito proficiendi in virtutibus. Multas malas cogitationes ingerit, ut tædium tibi faciat, & horrorem, ut ab oratione revocet, & lectione sacra. Displicet ipsi humilis Confessio, & (si posset)

à Communionem cessare faceret. Non credas ei neque cures illum, licet sapius tibi deceptionis tetenderit laqueos. Ipsi imputa, cum mala ingerit, & immunda. Dico illi: Vade immunde spiritus, erubescere miser, valde immundus es tu, qui talia inferis auribus meis. Discede à me, seductor pessime, non habebis in me partem ullam, sed Jesus mecum erit, tanquam bellator fortis, & tu stabis confusus. Malo mori, & omnem penam subire, quam tibi consentire. Tace, & obmutesce, non audiam te amplius, licet mihi plures moliaris molestias. Dominus illuminatio mea & salus mea, quem timebo? Si consistant adversum me castra, non timebit cor meum: Dominus adiutor meus, & redemptor meus.

5. Certa tanquam miles bonus: & si interdum ex fragilitate corrueris, resume vires fortiores prioribus, confidens de ampliori gratia mea: & prae cave à vana complacentia, & superbia. Propter hoc multi in errorem ducuntur, & in cæcitatem penè incurabilem quandoque labuntur. Sit tibi in cautelam, & perpetuam humilitatem, ruina hæc superborum, de se stultè præsumantium.

CAP. VII. *De occultanda gratia sub
humilitatis custodia.*

1. **F**ILI, utilius est tibi, & securius devotionis gratiã abscondere, nec in altum te efferre, nec multum inde loqui, neque multum pöderare: sed magis temetipsum despiciere, & tanquam indigno datam timere. Non est huic affectioni tenaciùs inhærendum, quę citiùs potest mutari in contrarium. Cogita in gratia, quàm miser, & inops esse soles sine gratia. Nec est in eo tantùm vitæ spiritualis profectus, cùm cõsolationis habueris gratiam: sed cùm humilitèr, & abnegatè, patientèrque tuleris ejus subtractionem: ita quòd tunc ab orationis studio non torpeas, nec reliqua opera tua ex usu facienda omninò dilabi permittas: sed sicut melius potueris, & intellexeris, libenter quod in te est, facias; nec propter ariditatem, seu anxietatem mentis, quam sentis, te totaliter negligas.

2. Multi enim sunt, qui cùm non benè eis successerit, statim impatientes fiunt, aut desides. Non enim semper est in potestate hominis

nis via ejus , sed Dei est dare & consolari quando vult , & quantum vult , & cui vult , sicut sibi placuerit , & non ampliùs . Quidam incauti , propter devotionis gratiam , seipsos destruxerunt : quia plus agere voluerunt , quàm potuerunt , non pensantes suæ parvitatæ mensuram , sed magis cordis affectum sequentes , quàm rationis judicium . Et quia majora præsumpserunt , quàm Deo placitum fuit , ideo gratiam perdiderunt . Facti sunt inopes , & viles relictæ , qui in cælum posuerant nidum sibi : ut humiliati , & depauperati discant non alis suis volare , sed sub pennis meis sperare . Qui adhuc novi sunt , & imperiti in via Domini , nisi consilio discretorum se regant , facillime decipi possunt , & elidi .

3. Quod si suum sentire magis sequi , quàm aliis exercitatis credere velint , erit eis periculosus exitus , si tamen retrahi à proprio conceptu non valuerint . Rarò sibi ipsis sapientes ab aliis regi humiliter patiuntur . Melius est modicum sapere cum humilitate , & parva intelligentia , quàm magni thesauri scientiarum , cum vana complacentia . Melius est tibi minus habere , quàm multum ,
unde

unde posses superbire . Non satis discretè agit qui se totum lætitiæ tradit , obliviscens pristinæ inopiæ suæ , & casti timoris Domini , qui timet gratiam oblatam amittere . Non etiā satis virtuosè sapit , qui tempore ad-
versitatis, & cujusque gravitatis, nimis desperatè se gerit , & minùs fidenter de me , quàm oportet , recogitat, ac sentit .

4. Qui tempore pacis , nimis securus esse voluerit , sapè tempore belli nimis dejectus , & formidolosus reperietur . Si scires semper humilis , & modicus in te permanere , necnon spiritum tuum bene moderari , & regere ; non incideres tam citò in periculum, & offensam . Consilium bonum est , ut fervoris spiritu concepto , mediteris , quid futurum sit , abscedente lumine . Quod dum contigerit, cogita , & denuò lucem posse reverti , quàm ad cautelam tibi , mihi autem ad gloriam , ad tempus subtraxi .

5. Utilior est enim talis probatio, quàm si semper prospera pro tua haberes voluntate . Nam merita non sunt ex hoc æstimanda, si quis plures visiones , aut consolationes habeat: vel si peritus sit in Scripturis , aut in
altiori

altiori ponatur gradu: sed si vera fuerit humilitate fundatus, & divina charitate repletus: si Dei honorem purè, & integrè semper quærat: si se ipsum nihil reputet, & in veritate despiciat, atque ab aliis etiam despici, & humiliari magis gaudeat, quàm honorari.

CAP. VIII. De vili estimatione suæ ipsius in oculis Dei.

I. **L**OQUAR ad Dominum meum, cum sim pulvis, & cinis? Si me amplius reputavero, ecce tu astas contra me, & dicunt testimonium verum iniquitates meæ, nec possum contradicere. Si autem me vilificavero, & ad nihilum redegero, & ab omni propria reputatione defecero, atque (sicut suum) pulverizavero, erit mihi propitia gratia tua, & vicina cordi meo lux tua: & omnis æstimatio, quantulacumque minima, in valle nihilitatis meæ submergetur, & peribit in æternum. Ibi ostendes me mihi, quid sum, quid fui, de quo veni: quia nihil sum, & nescivi. Si mihi ipsi relinquer, ecce nihil, & tota infirmitas. Si autem subito me respexeris, statim

statim fortis efficior , & novo repleor gaudio. Et mirum valdè, quod sic repentè sublevor , & tam benignè à te complector , qui proprio pondere semper ad ima feror .

2. Facit hoc amor tuus , gratis præveniens me, & in tam multis subveniens necessitatibus , à gravibus quoque custodiens me periculis , & ab innumeris (ut verè dicam) eripiens malis. Me siquidem malè amando , me perdidi : & te solum quærendo , & purè amando , me , & te pariter inveni , atque ex amore profundius ad nihilum me redegi . Quia tu ô dulcissime , facis mecum supra meritum omne meum , & supra quàm sperare audeam, vel rogare.

3. Benedictus sis Deus meus ; quia licèt ego omnibus bonis sim indignus, tua tamen nobilitas, & infinita bonitas nunquam cessat benefacere etiam ingratis , & longe à te adversis. Cõverte nos ad te, ut simus grati, humiles, & devoti : quia salus nostra tu es, virtus , & fortitudo nostra .

CAP. IX. *Quòd omnia ad Deum,
sicut ad finem ultimum, sunt
referenda.*

1. **F**ILI, ego debeo esse finis
tuus supremus, & ultima-
tus, si verè desideras esse
beatus. Ex hac intentione purificabi-
tur affectus tuus; sæpiùs ad seipsum,
& ad creaturas malè incurvatus.
Nam si te ipsum in aliquo quæris, sta-
tim in te deficis, & arescis. Omnia
ergo ad me principaliter referas, quia
ego sum, qui omnia dedi. Sic singula
considera, sicut ex summo bono ma-
nantia: & idèd ad me, tanquam ad
suâ originem, cuncta sunt reducenda.

2. Ex me pusillus & magnus, di-
ves & pauper, tanquam ex fonte vi-
vo, aquam vivam hauriunt: & qui
mihi spontè, & liberè deserviunt,
gratiam pro gratia accipient. Qui
autem extra me voluerit gloriari, vel
in aliquo privato bono delectari, non
stabilietur in vero gaudio, neque in
corde suo dilatabitur, sed multipli-
citer impiedietur, & angustiabitur.
Nihil ergo tibi de bono adscribere
debes, nec alicui homini virtutem
attribuas: sed totum da Deo, sine quo
nihil

nihil habet homo. Ego totum dedi, ego totum rehabere volo: & cum magna districtione gratiarum actiones requiro.

3. Hæc est veritas, qua fugatur gloriæ vanitas. Et si intraverit celestis gratia, & vera charitas, non erit aliqua invidia, nec contractio cordis, neque privatus amor occupabit. Vincit enim omnia divina charitas & dilatat omnes animæ vires. Si rectè sapis, in me solo gaudebis, in me solo sperabis: quia nemo bonus nisi solus Deus, qui est super omnia laudandus, & in omnibus benedicendus, in sæcula sæculorum. Amen.

CAP. X. *Quòd spreto mundo, dulce est servire Deo.*

1. **N**UNC iterùm loquar Domine, & non filebo: dicam in auribus Dei mei, Domini mei, Regisque mei, qui est in excelfo. O quàm magna multitudo dulcedinis tuæ Domine, quam abscondisti timentibus te! Sed quid est timentibus te, aut amantibus? Quid toto corde tibi fervientibus? Verè ineffabilis dulcedo contemplationis tuæ,

tuæ, quam largiris amantibus te. In hoc maximè ostendisti mihi dulcedinem charitatis tuæ, quia cùm non essem, fecisti me: & cùm errarem longè à te, reduxisti me, ut servirem tibi: & præcepisti ut diligam te.

2. O fons amoris perpetui, quid dicam de te! Quomodo potero tuï oblivisci, qui meï dignatus es recordari, etiam postquam contabui, & perii? Fecisti ultra omnem spem misericordiam cum servo tuo: & ultra omne meritum, gratiam, & amicitiam exhibuisti. Quid retribuam tibi pro gratia ista? Non enim omnibus datum est, ut omnibus abdicatis, sæculo renuncient, & Monasticam vitam assument. Numquid magnum est, ut tibi serviam, cui omnis creatura servire tenetur? Non magnum mihi videri debet servire tibi: sed potius hoc mihi magnum, & mirandum apparet, quòd tam pauperem, & indignum dignaris in servum recipere, & dilectis servis tuis adunare.

3. Ecce omnia tua sunt, quæ habeo, & unde tibi servio. Verumtamen vice versa, tu mihi magis servis, quàm ego tibi. Ecce cælum, & terra, quæ in ministerium creâsti hominis, præsto sunt, & faciunt quotidie

die quæcumque mandâsti. Et hoc parum est, quin etiam Angelos in ministerium hominis creâsti, & ordinâsti. Transcendit autem hæc omnia, quodd tu ipse homini servire dignatus es, & te ipsum daturum ei promissisti.

4. Quid dabo tibi pro omnibus istis millibus bonis? Utinam possem tibi servire cunctis diebus vitæ meæ. Utinam vel uno die, dignum servitium exhibere sufficerem. Verè tu es dignus omni servitio, omni honore, & laude æterna. Verè Dominus meus es, & ego pauper servus tuus, qui totis viribus teneor tibi servire, nec unquam in laudibus tuis debeo fastidire. Sic volo, sic desidero: & quicquid mihi deest, tu digneris supplere.

5. Magnus honor, magna gloria, tibi servire, & omnia propter te contemnere. Habebunt enim gratiam magnam, qui spontè se subjecerint tuæ sanctissimæ servituti. Invenient suavissimam Spiritûs sancti consolationem, qui pro amore tuo omnem carnalem abjecerint delectationem. Consequentur magnam mentis libertatem, qui arctam pro nomine tuo ingrediuntur viam, &
om-

omnem mundanam neglexerint curam.

6. O grata, & jucunda Dei servitus, quâ homo veraciter efficitur liber, & sanctus! O sacer status religiosi famulatus, qui hominem angelis reddit æqualem, Deo placabilem, dæmonibus terribilem, & cunctis fidelibus commendabilem! O amplectendum; & semper optabile servitium, quo summum promeretur bonum, & gaudium acquiritur sine fine permanens!

CAP. XI. *Quod desideria carnis
examinanda sunt, &
moderanda.*

1. **F**ILI, oportet te adhuc multa addiscere, quæ necdum benè didicisti. Quæ sunt hæc Domine? Ut desiderium tuum ponas totaliter secundum beneplacitum meum: & tui ipsius amator non sis; sed meæ voluntatis cupidus æmulator. Desideria te sæpe accendunt, & vehementer impellunt: sed considera, an propter honorem meum, an propter tuum commodum magis movearis. Si ego sum in causa, bene contentus eris, quomodocum-

F

que

que ordinaverō, si autem de proprio quæsitu aliquid latet, ecce, hoc est, quod te impedit, & gravat.

2. Cave ergo, ne nimium innitaris super desiderio præconcepto, me non consulto; ne fortè postea pœniteat, & displiceat, quod primò placuit, & quasi pro meliore zelasti. Non enim omnis affectio, quæ videtur bona, statim est sequenda: sed neque omnis contraria affectio ad primum fugienda. Expedit interdum refrænatione uti etiam in bonis studiis, & desideriis; ne per importunitatem, mentis distractionem incurras; ne aliis per indisciplinationem, scandalum generes, vel etiam per resistantiam aliorum, subitò turberis, & corruas.

3. Interdum, verò oportet violentiâ uti, & viriliter appetitui sensitivo contraire; nec advertere, quid velit caro, & quid non velit: sed hoc magis satagere, ut subiecta sit etiam nolens spiritui. Et tamdiu castigari debet, & cogi servituti subesse, donec parata sit ad omnia, paucisque contentari discat, & in simplicibus delectari, nec contra aliquod inconveniens murmurare.

CAP. XII. De informatione patientiæ, & luctamine aduersus concupiscentias.

1. **D**OMINE Deus, ut video, patientia est mihi valde necessaria: multa enim in hac vita accidunt contraria. Nam qualitercumque ordinavero de pace mea, non potest esse sine bello, & dolore vita mea. Ita est Fili. Non autem volo te talem quærere pacem, quæ tentationibus careat; aut contraria non sentiat: sed tunc etiam æstimate te pacem invenisse, cum fueris variis tribulationibus exercitatus, & in multis contrarietatibus probatus.

2. Si dixeris, te multa non posse pati, quomodo tunc sustinebis ignem Purgatorii? De duobus malis minus semper est eligendum. Ut ergo æterna supplicia futura possis evadere, mala præsentia studeas pro Deo æquanimiter tolerare. An putas, quod homines sæculi hujus nihil, aut parum patiantur? Nec hoc invenies, etiam si delicatissimos quæsieris. Sed habent, inquis, multas delectationes, & proprias sequuntur volun-

tates: ideoque parum ponderant suas tribulationes. Esto ita sit, ut habeant quicquid voluerint: sed quamdiu putas durabit?

3. Ecce, quemadmodum fumus, deficient omnes abundantes in sæculo, & nulla erit recordatio præteritorum gaudiorum. Sed cum adhuc vivunt, non sine amaritudine, & tædio, ac timore in eis quiescunt. Ex eadem namque re, unde delectationem concupiunt sibi, inde doloris pœnam frequenter recipiunt. Justè illis fit, ut quia inordinatè delectationes quærunt, & sequuntur, non sine amaritudine, & confusione eas explant.

4. O quàm breves, quàm falsæ, quàm inordinatæ, & turpes omnes istæ sunt? Verumtamen illi præ ebrietate, & cæcitæ non intelligunt: sed velut muta animalia propter modicum corruptibilis vitæ delectamentum, mortem animæ incurrunt. Tu ergo fili post concupiscentias tuas non eas, & à voluntate tua avertere. Delectare in Domino, & dabit tibi petitiones cordis tui.

5. Etenim si veraciter vis delectari, & abundantius à me consolari: ecce in contemptu omnium mundanorum,

norum, in abscissione omnium infirmarum delectationum, erit benedictio tua, & copiosa tibi reddetur consolatio. Et quantò plus ab omni solatio creaturarum te subtraxeris, tantò in me suaviores, & potentiores consolationes invenies. Sed primò, non sine quadam tristitia, & labore certaminis ad hac pertinges. Obsistet enim inolita consuetudo, sed meliori consuetudine devincetur. Remurmurabit caro, sed fervore spiritus frænabitur. Instigabit, & exacerbabit te serpens antiquus: sed oratione fugabitur insuper, & labore utili aditus ejus magnus obstruetur.

CAP. XIII. *De obedientia humilis subditi, ad exemplum JESU Christi.*

I. **F**ILI, qui se subtrahere nititur ab obedientia, ipse se subtrahit à gratia. Et qui querit habere privata, amittit communia. Qui non libenter, & spontè suo superiori se subdit, signum est, quòd caro sua necdum perfectè sibi obedit, sed sæpe recalcitrat, & remurmurat. Disce ergo Superiori tuo celeriter te submittere, si carnem

propriam optas subjugare. Citiùs namque exterior vincitur inimicus, si interior homo non fuerit devastatus. Non est molestior, & pejor animæ hostis, quam tu ipse tibi, non bene concordans spiritui. Oporteret enim verum te assumere tui ipsius contemptum, si vis prævalere adversus carnem, & sanguinem.

2. Quia adhuc nimis inordinatè te diligis, ideo plenè te resignare aliorum voluntati trepidas. Sed quid magnum, tu qui pulvis es, & nihil, si propter Deum te subdis homini: quando ego Omnipotens, & Altissimus, qui cuncta creavi ex nihilo, me homini propter te subjeci humiliter? Factus sum enim omnium humillimus & infimus, ut tuam superbiam mea humilitate vinceret. Disce obtemperare pulvis. Disce te humiliare terra, & limus; & sub omnium pedibus incurvare. Disce voluntates tuas frangere, & ad omnem subjectionem te dare.

3. Exardesce contra te, nec patiaris tumorem in te vivere: sed ita subiectum, & parvulum te exhibe, ut omnes super te ambulare possint, & sicut lutum platearum conculcare. Quid habes homo inanis conqueri?

Quid

Quid fordide peccator potes contradicere exprobrantibus tibi, qui toties Deum offendisti, & toties infernum meruisti? Sed pepercit tibi oculus meus, quia pretiosa fuit anima tua in conspectu meo: ut cognosceres dilectionem meam, & gratus semper beneficiis meis existeres, & ad veram subjectionem, & humilitatem te jugiter dares, patienterque proprium contemptum ferres.

CAP. XIV. De occultis Dei iudiciis considerandis, ne extollamur in bonis.

INTONAS super me iudicia tua Domine, & timore, & tremore concutis omnia ossa mea, & expavescit anima mea valde. Sto attonitus, & considero: quia cæli non sunt mundi in conspectu tuo. Si in Angelis reperisti pravitatem, nec tamen pepercisti, quid fiet de me? Ceciderunt stellæ de cælo, & ego pulvis quid præsumo? Quorum opera videbantur laudabilia, ceciderunt ad infima: & qui comedebant panem Angelorum, vidi filius delectari porcorum.

2. Nulla est ergo sanctitas, si ma-

num tuam Domine subtrahas. Nulla sapientia prodest, si gubernare desistas. Nulla juvat fortitudo, si conservare desinas. Nulla secura castitas, si eam non protegas. Nulla propria prodest custodia, si non adsit tua sancta vigilantia. Nam relictī mergimur, & perimus, visitati verò vivimus, & erigimur. Instabiles quippe sumus, sed propter te confirmamur; tepescimus, sed à te accendimur.

3. O quàm humiliter, & abjectè mihi de meipso sentiēdum est! quàm vilipendendum, si quid boni videar habere. O quàm profundè me submittere debeo sub abyssalibus iudiciis tuis Domine! ubi nihil aliud me esse invenio, quàm nihil, & nihil. O pondus immensum! ô pelagus intrāsmēabile! ubi aliud nihil de me reperio, quàm in toto nihil. Ubi est ergo latebra gloriæ? ubi confidentia de virtute concepta? Absorpta est omnis gloriatio vana in profunditate iudiciorum tuorum super me.

4. Quid est omnis caro in conspectu tuo? Numquid gloriabitur lutum contra formantem se? Quomodo potest erigi vaniloquio, cujus cor in veritate subiectum est Deo! Non eum totus mundus eriget, quem veritas

ritas sibi subiecit ; nec omnium laudantium ore movebitur , qui totam spem suam in Deo firmavit: Nam & ipsi , qui loquuntur , ecce omnes nihil , & deficient etiam cum sonitu verborum : Veritas autem Domini manet in æternum .

CAP. XV. *Qualiter standum sit ,
ac dicendum, in omni re de-
siderabili .*

1. **F**ILI , sic dicas in omni re: *
Domine , si tibi placitum fuerit, fiat hoc ita. Domine , si sit honor tuus , fiat in nomine tuo hoc . Domine, si mihi videris expedire , & utile esse probaveris, tunc dona mihi hoc uti ad honorem tuum . Sed si mihi nocivum fore cognoveris, nec animę meę saluti prodesse, aufer à me tale desiderium . * Non enim omne desiderium à Spiritu sancto est, etiam si homini videatur rectum, & bonum. Difficile est pro vero judicare , utrum spiritus bonus , an alienus te impellat, ad desiderandum hoc vel illud : an etiam ex proprio movearis spiritu . Multi in fine sunt decepti , qui primò bono spiritu videbantur inducti .

F s

2. Igi-

2. Igitur semper cum timore Dei, & cordis humilitate desiderandum est & petendum, quicquid desiderabile menti occurrit: maximeque cum propria resignatione, mihi totum committendum est, atque dicendum: Domine tu scis, qualiter melius est, fac hoc, vel illud, sicut volueris. Da quod vis, & quantum vis, & quando vis. Fac mecum sicut scis, & sicut tibi magis placuerit, & major honor tuus fuerit. Pone me ubi vis, & liberè age mecum in omnibus. In manu tua sum: gyra, & reversa me per circuitum. En ego servus tuus paratus ad omnia, quoniam non desidero mihi vivere, sed tibi: utinam dignè, & perfectè.

Oratio pro beneplacito Deo perficiendo.

3. Concede mihi benignissime Jesu gratiam tuam, ut mecum sit, & mecum laboret, mecumque usque in finem perseveret. Da mihi semper desiderare, & velle, quod tibi magis acceptum, & charius placet. Tua voluntas mea sit: & mea voluntas tuam sequatur semper, & optimè ei concordet. Sit mihi unum velle, &
 velle

nolle tecum : nec aliud posse velle ,
aut nolle , nisi quod tu vis , & nolis .

4. Da mihi omnibus mori , quæ
in mundo sunt : & propter te amare
contemni , & nesciri in hoc sæculo .
Da mihi super omnia desiderata in
te quiescere , & cor meum in te pa-
cificare . Tu vera pax cordis : tu sola
requies : extra te omnia sunt dura , &
inquieta . In hac pace , in id ipsum ,
hoc est , in te uno summo æterno Bo-
no dormiam , & requiescam .

CAP. XVI. *Quod verum solatium
in solo Deo querendum est .*

I. **Q**UICQUID desiderare
possum , vel cogitare ad
solatium meum , non hîc
expecto , sed in poste-
rùm . Quod si omnia solatia mundi so-
lus haberem , & omnibus divitiis frui
possem : certum est , quod diu durare
non possent : Unde non poteris anima
mea plenè consolari nec perfectè re-
creari , nisi in Deo consolatore pau-
perum , & susceptore humilium . Ex-
pecta modicum anima mea , expecta
divinum promissum , & habebis abun-
dantiam omnium bonorum in cœlo .
Si nimis inordinate ista appetis præ-

sentia, perdes æterna, & cœlestia. Sint temporalia in usu, æterna in desiderio. Non potes aliquo bono temporali satiari, quia ad hæc fruenda non es creata.

2. Et si omnia bona creata haberes, non posses esse felix, & beata: sed in Deo, qui cuncta creavit, tua beatitudo, tua & felicitas consistit: non qualis videtur, & laudatur à stultis mundi amatoribus; sed qualem expectant boni Christi fideles, & prægustant interdum spirituales, ac mundi corde, quorum conversatio est in cœlis. Vanum est, & breve omne humanum solatium. Beatum, & verum solatium, quod intus à veritate percipitur. Devotus homo ubique secum fert consolatorem suum Jesum, & dicit ad eum: Adesto mihi Domine Jesu in omni loco & tempore. Hæc mihi sit consolatio, libenter velle carere omni humano solatio. Et si tua defuerit consolatio, sit mihi tua voluntas & iusta probatio pro summo solatio. Non enim in perpetuum irascêris, neque in æternum comminaberis.

CAP. XVII. *Quòd omnis sollicitudo
in Deo statuenda est.*

1. **F**ILI, sine me tecum agere, quod volo: ego scio, quid expediat tibi. Tu cogitas ut homo. Tu sentis in multis, sicut humanus suadet affectus. Domine verum est, quod dicis. Major est sollicitudo tua circa me, quàm omnis cura, quam ego gerere possum pro me. Nimis enim casualiter stat, qui non projicit omnem sollicitudinem suam in te. Domine, dummodo voluntas mea recta & firma ad te permaneat, fac de me, quicquid tibi placuerit. Non enim potest esse nisi bonum, quicquid de me feceris.

2. Si me vis esse in tenebris, sis benedictus: & si me vis esse in luce, sis iterum benedictus. Si me dignaris consolari, sis benedictus: & si me vis tribulari, sis æquè semper benedictus. Fili, sic oportet te stare, si mecum desideras ambulare. Ita promptus esse debes ad patiendum, sicut ad gaudendum. Ita libenter debes esse inops, & pauper, sicut plenus & dives.

3. Domine, libenter patiar pro
te,

te , quicquid volueris venire super me . Indifferenter volo de manu tua bonum , & malum ; dulce & amarum ; lætum & triste suscipere , & pro omnibus mihi contingentibus gratias agere . Custodi me ab omni peccato , & non timebo mortem , nec infernum . Dummodo in æternum me non proicias , nec deleas me de Libro Vitæ , non mihi nocebit , quicquid venerit tribulationis super me .

CAP. XVIII. *Quòd temporales miserie exemplo Christi æquanimiter sunt ferendæ .*

1. **F**ILI , ego descendi de cælo pro tua salute ; suscepi tuas misérias non necessitate , sed charitate trahēte ; ut patientiam disceres , & temporales misérias non indignanter ferres . Nam ab hora ortus mei , usque ad exitum in cruce , non defuit mihi tolerantia doloris . Defectum rerum temporalium magnum hubui : multas querimonias de me frequenter audiui : confusiones , & opprobria benignè sustinui , pro beneficiis ingratitudinem recepi : pro miraculis blasphemias : pro doctrina reprehensiones .

2. *Domine* , quia fuisti patiens in vita tua , in hoc maximè implendo præceptum Patris tui , dignum est , ut ego miserrimus peccator , secundum voluntatem tuam patienter me sustineam: & donec ipse volueris, onus corruptibilis vitæ , pro salute mea portem . Nam etsi onerosa sentitur præsens vita , facta est tamen jam per gratiam tuam valdè meritoria: atque exemplo tuo, & Sanctorum tuorum vestigiis , infirmis tolerabilior , & clarior . Sed & multò magis consolatoria , quàm olim in Lege veteri fuerat , cùm porta cœli clausa persisteret: & obscurior etiam via ad cœlum videbatur, quando tam pauci Regnum cœlorum quærere curabant. Sed neque qui tunc iusti erant & salvandi, ante passionem tuam, & sacræ mortis debitum , cœleste regnum poterant introire .

3. O quantas tibi gratias teneor referre, quòd viam rectam & bonam dignatus es mihi , & cunctis fidelibus, ad æternum regnum tuum ostendere ? Nam vita tua , via nostra : & per sanctam patientiam ambulamus ad te , qui es corona nostra . Nisi tu nos præcessisses & docuisses , quis sequi curaret? Heu , quanti longe re-

troque manerent , nisi tua præclara exempla inspicerent ! Ecce adhuc tepescimus , auditis tot signis tuis & doctrinis : quid fieret , si tantum lumen ad sequendum te non haberemus ?

CAP. XIX. De tolerantia injuriarum: & quis verus patiens probetur.

1. **Q**UID est quod loqueris , fili ? Cessa conqueri , considerata mea & aliorum Sanctorum passione.

Nondum usque ad sanguinem restitisti . Parum est , quod tu pateris in comparatione eorum qui tam multa passi sunt , tam fortiter tentati , tam graviter tribulati , tam multipliciter probati & exercitati . Oportet te igitur aliorum graviora ad mentem reducere , ut levius feras tua minima . Et si tibi minima non videntur , vide ne & hoc tua faciat impatientia . Sive ramen parva , sive magna sint , stude cuncta patienter sufferre .

2. Quanto melius ad patiendum te disponis , tanto sapientius agis , & amplius promereris : feres quoque levius animo & usu ad hoc non segnit-
ter

ter paratus . Nec dicas : Non valeo hoc ab homine tali pati , nec huiusce modi mihi patienda sunt : grave enim intulit damnum , & impropere mihi , quæ nunquam cogitaveram , sed ab alio libenter patiar , & sicut patienda videro . Insipiens est talis cogitatio , quæ virtutem patientiæ non considerat , nec à quo coronanda erit , sed magis personas , & offensas sibi illatas perpendit .

3. Non est verus patiens , qui pati non vult , nisi quantum sibi visum fuerit , & à quo sibi placuerit . Verus autem patiens non attendit à quo homine , utrum à Prælato suo , an ab aliquo æquali , aut inferiori : utrum à bono , & sancto viro , vel à perverso , & indigno exerceatur . Sed indifferenter ab omni creatura , quantumcumque , & quotiescumque ei aliquid adversi acciderit , totum hoc gratanter de manu Dei accipit , & ingens lucrum reputat : quia nil apud Deum quantumcumque parvum , pro Deo tamen passum , poterit sine merito transire .

4. Esto igitur expeditus ad pugnam , si vis habere victoriam . Sine certamine non potes pervenire ad patientiæ coronam . Si pati non vis ,
recusas

recusas coronari. Si autem coronari desideras, certa viriliter, sustine patienter. Sine labore non tenditur ad requiem, nec sine pugna pervenitur ad victoriam. * Fac mihi Domine possibile per gratiam, quod mihi impossibile videtur per naturam. Tu scis, quod modicum possum pati, & quod citò deficio, levi exurgente adversitate. Efficiatur mihi quælibet exercitatio tribulationis, & adversitatis, pro nomine tuo amabilis, & acceptabilis: nam pati, & vexari pro te, valde salubre est animæ meæ.

CAP. XX. *De confessione proprie infirmitatis, & hujus vite miseris.*

1. **C**ONFITEBOR, adversum me injustitiam meam: confitebor tibi Domine infirmitatem meam. Sæpe parva res est, quæ me dejicit, & contristat. Propono me fortiter acturum, sed cum modica tentatio advenerit, magna mihi angustia fit. Valde vilis quandoque res est, unde gravis tentatio provenit. Et dum puto me aliquantulum tutum, cum non sentio; invenio

venio me nonnuquam penè deviatum ex levi flatu.

2. Vide ergo Domine humilitatem meam, & fragilitatem tibi undique notam. Misere mei, & eripe de luto, ut non infigar, non permaneam dejectus usquequaque. Hoc est, quod frequentèr me reverberat, & coram te confundit; quòd tam labilis sum, & infirmus ad resistendum passionibus. Et si non omnino ad consensionem trahor, tamen mihi etiam molesta, & gravis est earum infectatio, & tædet valde sic quotidie vivere in lite. Exhinc nota mihi fit infirmitas mea; quia multò facilis irruunt abominandæ semper phantasie, quàm discedant.

3. Utinam fortissime Deus Israel, zelator animarum fidelium, respicias servi tui laborem, & dolorem; assistasque illi in omnibus ad quæcumque perrexerit. Robora me cœlesti fortitudine, ne vetus homo, misera caro necdum spiritui subiecta, valeat dominari adversus quam certare oportebit, quandiu spiratur in hac vita miserrima. Heu, qualis est hæc vita, ubi non desunt tribulationes, & miseriæ? ubi plena laqueis, & hostibus sunt omnia? Nani

una tribulatione , seu tentatione recedente , alia accedit ; sed & adhuc priore durante conflictu , aliæ plures superveniunt , & insperatè .

4. Et quomodo amari potest vita habens tantas amaritudines , tot subiecta calamitatibus , & miseriis ? Quomodo etiam dicitur vita , tot generans mortes & pestes ? Et tamen amatur , & delectari in ea à multis quæritur . Reprehenditur frequenter mundus , quòd fallax sit , & vanus , nec tamen facilè relinquitur ; quia concupiscentiæ carnis dominantur . Sed alia trahunt ad amandum , alia ad contemnendum . Trahunt ad amorem mundi , desiderium carnis desiderium oculorum , & superbia vitæ , sed pœnæ , & miseriæ sequentes ea , odium mundi pariunt , & tædium .

5. Sed vincit , proh dolor ! delectatio prava mentem mundo dedicatam , & esse sub sentibus delicias reputat , quia Dei suavitates , & internam virtutis antænitatem , nec vidit , nec gustavit . Qui autem mundum perfectè contemnunt , & Deo vivere sub sancta disciplina student , isti dulcedinem divinam , veris abrenunciatoribus promissam , non ignorant , & quàm

quàm graviter mundus errat , & variè fallitur, vident.

CAP. XXI. *Quòd in Deo super omnia bona , & dona requiescendum est.*

1. **S**UPER omnia , & in omnibus requiesces anima mea in Domino semper , quia ipse est Sanctorum æterna requies . Da mihi, dulcissime, & amantissime Jesu, in te super omnem creaturam requiescere, super omnem salutem, & pulchritudinem, super omnem gloriam, & honorem, super omnem potentiam , & dignitatem, super omnem scientiam, & subtilitatem, super omnes divitias ; & artes , super omnem lætitiā, & exultationem, super omnem famam , & laudem , super omnem suavitatem , & consolationem , super omnem spem , & promissionem , super omne meritum , & desiderium ; super omnia dona , & munera , quæ potes dare , & infundere , super omne gaudium , & jubilationem , quam potest mens capere , & sentire . Denique super Angelos , & Arcangelos , & super omnem exercitum cœli, super omnia visi-

visibilia , & invisibilia , & super omne , quod tu Deus meus, non es .

2. Quia tu Domine Deus meus, super omnia bonus es : tu solus altissimus , tu solus potentissimus , tu solus sufficientissimus , & plenissimus , tu solus suavissimus , & solatiofissimus, tu solus pulcherrimus, & amantissimus : tu solus nobilissimus , & gloriosissimus super omnia : in quo cuncta bona simul perfectè sunt, fuerunt & semper erunt: atque ideo minus est, & insufficiens quicquid præter te ipsum mihi donas, aut de te ipso revelas , vel promittis , te non viso , nec plenè adepto? Quoniam quidem non potest cor meum veraciter requiescere , nec totaliter contentari , nisi in te requiescat ; omniaque dona omnemque creaturam transcendat .

3. O mi dilectissime sponse Jesu Christe, amator purissime , dominator universæ creaturæ: quis mihi det pennas verè libertatis ad volandum, & pausandum in te ? O quando ad plenum dabitur vacare mihi , & videre , quàm suavis es Domine Deus meus ! Quando ad plenum me recolli gam in te , ut præ amore tuo non sentiam me : sed te solum supra om-

nem sensum , & modum , in modo non omnibus noto . Nunc autem frequenter gemo , & infelicitatem meam cum dolore porto . Quia multa mala in hac valle miseriarum occurrunt , quæ me sæpius conturbant , contristant , & obnubilant ; sæpius impediunt , & distrahunt ; alliciunt , & implicant ; ne liberum habeam accessum ad te , & ne jucundis fruar amplexibus , præsto beatis semper spiritibus . Moveat te suspirium meum , & desolatio multiplex in terra .

4. O Jesu splendor æternæ gloriæ , solamen peregrinantis animæ : apud te est os meum sine voce , & silentium meum loquitur tibi . Usquequo tardat venire Dominus meus ? Veniat ad me pauperculum suum , & lætum faciat . Mittat manum suam , & miserum eripiat de omni angustia . Veni , veni , quia sine te nulla erit læta dies , aut hora , quia tu lætitia mea : & sine te vacua est mensa mea . Miser sum , & quodammodo incarceratus , & compedibus gravatus ; donec luce præsentiae tuæ me reficias , ac libertati dones , vultumque amicabilem demonstres .

5. Quærant alii pro te aliud quodcumque libuerit : mihi aliud interim
nil

nil placet, nec placebit, nisi tu Deus meus, spes mea, salus æterna. Non reticebo, nec deprecari cessabo, donec gratia tua revertatur, mihi que tu intus loquaris: Ecce adsum: Ecce ego ad te, quia invocasti me, lachrymæ tuæ, & desiderium animæ tuæ, humiliatio tua, & contritio cordis tui inclinaverunt me, & adduxerunt ad te. Et dixi: Domine, invocavi te, & desidero frui te, paratus omnia respuere propter te. Tu enim prior excitasti me, ut quærerem te. Sis ergo benedictus Domine, qui fecisti hanc bonitatem cum servo tuo, secundum multitudinem misericordiæ tuæ.

6. Quid habet ultra dicere Domine, servus tuus coram te, nisi ut humiliet se valde ante te, memor semper propriæ vilitatis, & iniquitatis; Non enim est similis tuus in cunctis mirabilibus cæli & terræ. Sunt opera tua bona valde, judicia vera, & providentiâ tuâ reguntur universa. Laus ergo tibi, & gloria, & Patris sapientia: te laudet, & benedicat os meum anima mea, & cuncta creata simul.

CAP. XXII. De recordatione multiplicium beneficiorum Dei.

1. **A**PERI Domine, cor meum in lege tua, & in præceptis tuis doce me ambulare. Da mihi intelligere voluntatem tuam: & cum magna reverentia, ac diligenti consideratione beneficia tua, tam in generali, quam in speciali memorari: ut dignè tibi exhinc valeam gratias referre. Verùm scio, & confiteor, nec pro minimo puncto me posse debitas gratiarum laudes persolvere. Minor ego sum omnibus bonis mihi præstitis: & cum tuam nobilitatem attendo, deficit præ magnitudine illius spiritus meus.

2. Omnia quæ in anima habemus, & corpore, & quæcumque exterius, vel interius, naturaliter, vel supernaturaliter possidemus, tua sunt beneficia, & te beneficium, pium ac bonum commendant, à quo bona cuncta accepimus. Et si alius accipit plura, alius pauciora, omnia tamen tua sunt, & sine te, nec minimum haberi potest. Ille qui majora accipit, non potest suo merito gloriari,
G neque

neque super alios extolli, nec minori insultare: quia ille major, & melior, qui sibi minus adscribit, & in regratiando humilior est, atque devotior. Et qui omnibus se viliolem existimat, & indigniorem se iudicat, aptior est ad percipiendum maiora.

3. Qui autem pauciora accepit, contristari non debet, nec indignanter ferre, neque ditiori invidere, sed te potius attendere, & tuam bonitatem maximè laudare, quòd tam affluenter, tam gratis, & libenter, sine personarum acceptione tua munera largiaris. Omnia ex te, & ideo in omnibus es laudandus. Tu scis, quid unicuique donari expediat: & cur iste minus, & ille amplius habeat, non nostrum, sed tuum est hoc discernere, apud quem singulorum definita sunt merita.

4. Unde, Domine Deus, pro magno etiam reputo beneficio, non multa habere, unde exterius, & secundum homines, laus & gloria appareat; ita ut quis consideratâ paupertate, & vilitate personæ suæ, non modò nullam gravitatem, aut tristitiam, vel dejectionem inde concipiat, sed potius consolationem, & hila-

hilaritatem magnam : quia tu Deus pauperes , & humiles , atque huic mundo despectos tibi elegisti in familiares , & domesticos . Testes sunt ipsi Apostoli tui , quos principes constituisti super omnem terram . Fuerunt tamen sine querela conversati in mundo , tam humiles , & simplices , sine omni malitia , & dolo , ut etiam pati contumelias pro nomine tuo gauderent : & quæ mundus abhorret , ipsi amplecterentur affectu magno .

5. Nihil ergo amatorem tuum , & cognitorem beneficiorum tuorum ita lætificare debet , sicut voluntas tua in eo , & beneplacitum æternæ dispositionis tuæ : de qua tantum contentari debet , & consolari , ut ita libenter velit esse minimus , sicut aliquis optaret esse maximus : & ita pacificus , & contentus in novissimò , sicut in loco primo : atque libenter ita despicabilis , & abjectus , nullius quoque nominis , & famæ , sicut cæteris honorabilior , & major in mundo . Nam voluntas tua , & amor honoris tui omnia excedere debet : & plus eum consolari magisque placere , quàm omnia beneficia sibi data , vel danda .

CAP. XXIII. *De quatuor magnis
importantibus pacem.*

1. **F**ILI, nunc docebo te viam
pacis, & veræ libertatis.
Fac Domine, quod dicis,
quia hoc mihi gratum est audire. Stude
fili, alterius facere voluntatem,
potius quam tuam. Elige semper mi-
nus quam plus habere. Quære semper
inferiorem locum, & omnibus subes-
se. Opta semper, & ora ut voluntas
Dei integrè in te, atque in omnibus
fiat. Ecce talis homo ingreditur fines
pacis, & quietis.

2. Domine, sermo tuus iste bre-
vis multum in se continet perfectio-
nis. Parvus est dictu, sed plenus sen-
su & uber in fructu. Nam si posset à
me fideliter custodiri, non deberet
tam facilis in me turbatio oriri. Nam
quoties me impacatum sentio, & gra-
vatum, ab hac doctrina me recessisse
invenio. *Sed tu, qui omnia potes, &
perfectum animæ semper diligis, ad-
auge maiorem gratiam: ut possim
tuum complere sermonem, & meam
perficere salutem.

Oratio contra malas cogitationes.

3. *Domine*, Deus meus, ne elon-
geris à me : Deus meus in auxilium
meum respice : quoniam insurrexe-
runt in me variæ cogitationes, & ti-
mores magni affligentes animam
meam . Quomodo pertransibo illæ-
sus? Quomodo perfringam eas? Ego,
inquit , ante te ibo, & gloriosos ter-
ræ humiliabo. Aperiam januas carce-
ris , & arcana secretorum revelabo
tibi. Fac Domine, ut loqueris? Et fu-
giant à facie tua omnes iniquæ co-
gitationes . Hæc spes , & unica con-
solatio mea , ad te in omni tribula-
tione mea confugere: tibi confidere ,
te ex intimo affectu invocare , & pa-
tienter consolationē tuam expectare.

Oratio pro illuminatione mentis.

4. *Clarifica* me, bone Jesu, cla-
ritate interni luminis : & educ de
habitaculo cordis mei tenebras uni-
versas. Cohibe evagationes malas, &
elide vim faciētes tentationes. Pugna
fortiter pro me , & expugna malas
bestias , concupiscentias dico illece-
brofas : ut fiat pax in virtute tua, &

abundantia laudis tuę resonet in aula sancta , hoc est in conscientia pura. Impera ventis, & tempestatibus : dic mari , quiesce ; ac Aquiloni , ne flaveris, & erit tranquillitas magna.

5. Emitte lucem tuā, & veritatem tuam, ut luceant super terram : quia terra sum inanis, & vacua donec illumines me. Effunde gratiam tuam de super : perfunde cor meum rore celesti : ministra devotionis aquas , ad irrigandum faciem terrę , ad producendum fructum bonum , & optimum . Eleva mentem pressam mole peccatorum, & ad cęlestia totum desiderium meum suspende : ut gustata suavitate supernę felicitatis , pigeat de terrenis cogitare.

6. Rape me : & eripe me ab omni creaturarum indurabili consolatione : quia nulla res creata appetitum meum valet plenarię quietare , & consolari. Iunge me tibi inseparabili dilectionis vinculo : quoniam tu solus sufficis amanti , & absque te frivola & vana sunt universa .

CAP. XXIV. *De evitacione curiosæ
inquisitionis super alterius
vita .*

1. **F**ILI, noli esse curiosus, nec
vagas geras sollicitudines.
Quid hoc, vel illud ad te?
tu me sequere. Quid enim ad te,
utrum ille sit talis, vel talis, aut iste
sic, & sic agat, vel loquatur? Tu non
indiges respondere pro aliis, sed pro
te ipso rationem reddes. Quid ergo
te implicas? Ecce ego omnes cognos-
co: & cuncta quæ sub sole fiunt, vi-
deo: & scio, qualiter cum unoquo-
que sit, quid cogitet, quid velit, & ad
quem finem tendat ejus intentio.
Mihi igitur committenda sunt om-
nia, tu verò serva te in bona pace, &
dimitte agitantem agitare quantum
voluerit. Veniet super eum quicquid
dixerit, vel fecerit, quia me fallere
non potest.

2. Non sit tibi curæ de magni
nominis umbra, non de multorum
familiaritate, nec de privata hominū
dilectione. Ista enim generant distra-
ctiones, & magnas in corde obicu-
ritates. Libenter loquerer tibi ver-
bum meum, & abscondita revela-
rem,

rem , si adventum meum diligenter observares , & ostium cordis mihi aperires . Esto providus , & vigila in orationibus , & humilia te in omnibus .

CAP. XXV. *In quibus vera pax cordis, & verus profectus consistit .*

1. **F**ILI, ego locutus sum : Pacem meam relinquo vobis, pacem meam do vobis: non quomodo mundus dat , ego do vobis . Pacem omnes desiderant, sed quæ ad veram pacem pertinent, non omnes curant . Pax mea cum humilibus , & mansuetis corde . Pax tua erit in multa patientia. Si me audieris , & vocem meam secutus fueris , poteris multa pace frui . Quid igitur faciam? In omni re attende tibi, quid facias , & quid dicas : & omnem intentionem tuam dirige ad hoc , ut mihi soli placeas , & extra me nihil cupias, vel quæras. Sed & de aliorum dictis , vel factis nil temerè iudices: nec cum rebus tibi non commissis te implices , & poterit fieri , ut parum, vel rarè turberis .

2. Nunquam autem sentire aliquam

quam turbationem, nec aliquam pati cordis, vel corporis molestiam, non est præsentis temporis, sed status æternæ quietis. Non ergo æstimes te veram pecem invenisse, si nullam senseris gravitatem, nec tunc totum esse bonum, si neminem patiaris adversarium: nec hoc esse perfectum, si cuncta fiant secundum tuum affectum. Neque tunc aliquid magni te reputes, aut specialiter dilectum æstimes, si in magna fueris devotione, aut dulcedine: quia in istis non cognoscitur verus amator virtutis: nec in istis consistit profectus, & perfectio hominis.

3. In quo ergo Domine? In offere-
rendo te ex toto corde tuo voluntati
divinæ, non quærendo quæ tua
sunt, nec in parvo, nec in magno, nec
in tempore, nec in æternitate: ita ut
una æquali facie in gratiarum actione
permaneas inter prospera, & contraria,
omnia æqua lance pensando. Si fueris
tam fortis, & longanimis in spe, ut
subtractâ interiori consolatione, etiam
ad ampliora sustinenda cor tuum præparaveris,
nec te justificaveris, & sanctum laudaveris,
tunc in vera, & recta via pacis ambulabis:
& spes indubitata erit, quoddam rursus in
jubi-

jubilo faciem meam sis visurus. Quod si ad plenum tui ipsius contemptum perveneris, scito, quod tunc abundantiam pacis perfrueris, secundum possibilitatem tui incolatus.

CAP. XXVI. *De eminentia liberæ mentis, quam supplex oratio magis meretur quam frequens lectio.*

1. **D**OMINE hoc opus est perfecti viri, nunquam ab intentione cœlestium animum relaxare; & inter multas curas, quasi sine cura transire: non more torpentis, sed prærogativa quadam liberæ mentis, nulli creaturæ inordinata affectione adhærendo.

2. * *Obsecro te*, piissime Deus meus, præserva me à curis hujus vitæ: ne nimis implicer à multis necessitatibus corporis: ne voluptate capiar ab universis animæ obstaculis, ne molestiis fractus dejiciar. Non dico ab his rebus, quas toto affectu ambit mundus, sive mundana vanitas: sed ab his miseriis, quæ animam servi tui communi maledicto mortalitatis pœnaliter gravant, & retardant: ne in libertatem spiritus, quotiens libuerit, valeat introire.

3. O Deus meus , dulcedo ineffabilis , verte mihi in amaritudinem omnem consolationem carnalem ab æternorum amore me abstrahentem : & ad se , intuitu cujusdam boni delectabilis præsentis malè allicientem . Non me vincant , Deus meus , non me vincant caro & sanguis , non me decipiat mundus , & brevis gloria ejus : non me supplantet diabolus , & astutia illius . Da mihi fortitudinem resistendi , patientiam tolerandi , constantiam perseverandi . Da pro omnibus mundi consolationibus , suavissimam Spiritûs tui unctionem , & pro carnali amore , tui nominis infunde amorem .

4. Ecce cibus , potus , vestis , ac cætera utensilia , ad corporis sustentaculum pertinentia , ferventi spiritui sunt onerosa . Tribue talibus fomentis temperatè uti , non desiderio nimio implicari . Abjicere omnia non licet , quia natura sustentanda est : requirere autem superflua , & quæ magis delectant , lex sancta prohibet : nam aliàs caro adversus spiritum insolesceret . Inter hæc , quæso , manus tua me regat , & doceat , ne quid nimium fiat .

CAP. XXVII. *Quid privatus amor à summo Bono maxime retardat.*

1. **F**ILI, oportet te dare totum pro toto, & nihil tui ipsius esse. Scito quid amor tui ipsius magis nocet tibi, quàm aliæ res mundi. Secundùm amorem, & affectum, quem geris, quælibet res plus, vel minus adhæret. Si fuerit amor tuus purus, simplex, & bene ordinatus, eris sine captivitate rerum. Noli concupiscere, quod non licet habere. Noli habere, quod te impedire, & libertate interiori possit privare. Mirum, quod non ex toto fundo cordis te ipsum mihi committas cum omnibus, quæ desiderare potes, vel habere.

2. Quare vano mœrore consumeris? Cur superfluis curis fatigaris? Sta ad beneplacitum meum, & nullum patieris detrimētum. Si quæsieris hoc vel illud, & volueris esse ibi, vel ibi propter tuum commodum, & proprium beneplacitum tuum magis habendum, nunquam eris in quietudine, nec liber à sollicitudine: quia in omni re reperietur aliquis defectus: & in omni loco erit, qui adversetur.

3. Juvat

3. Juvat ergo non quælibet res adepta, vel multiplicata exterius: sed potius contempta, & decisa ex corde radicitus. Quod non tantum de censu æris, & divitiarum intelligas, sed de honoris etiam ambitu, ac vanæ laudationis desiderio: quæ omnia transeunt cum mundo. Munit parum locus, si deest spiritus fervoris: nec diu stabit pax illa quæsitæ forinsecus, si vacat à vero fundamento status cordis; hoc est, nisi steteris in me: permutare potes, sed te non meliorare. Nam occasione orta, & accepta, invenes quod fugisti, & amplius.

Oratio pro purgatione cordis.

4. * *Confirma* me Deus per gratiam sancti Spiritus. Da virtute corroborari in interiori homine, & cor meum ab omni inutili sollicitudine, & angore evacuare, nec variis desideriis trahi cujuscumque rei vilis, aut pretiosæ: sed omnia inspicere sicut transeuntia, & me pariter cum illis transiturum: quia nihil permanens sub sole, ubi omnia vanitas, & afflictio spiritûs. O quàm sapiens, qui ita considerat!

5. Da mihi Domine cœlestem sapientiam, ut discam te super omnia
nia

re timet , multa perfruetur pace . Ex inordinato amore , & vano timore oritur omnis inquietudo cordis , & distractio sensuum .

CAP. XXIX. *Qualiter instante tribulatione, Deus invocandus, & benedicendus est .*

I. **S**IT nomen tuum Domine , benedictum in sæcula : quia voluisti hanc tentationem , & tribulationem venire super me . Non possum eam effugere , sed necesse habeo ad te confugere , ut me adjuves , & ipsam in bonum mihi convertas . Domine modò sum in tribulatione , & non est cordi meo bene , sed multùm vexor à præsenti tribulatione . Et nunc , Pater dilecte , quid dicam ? Deprehensus sum inter angustias . Salvifica me ex hac hora . Sed propterea veni in hanc horam , ut tu clarificeris , cùm fuero valde humiliatus , & per te liberatus . Complaciat tibi Domine , ut eruas me : nam ego pauper , quid agere possum , & quò ibo sine te ? Da patientiam Domine , etiam hac vice . Adjuva me Deus meus , & non timebo quantumcunque gravatus fuero .

2. Et nunc inter hæc , quid dicam? Domine, fiat voluntas tua. Ego benè merui tribulari , & gravari. Oportet utique ut sustineam : & utinam patienter , donec transeat tempestas , & melius fiat . Potens est autem omnipotens manus tua , etiam hanc tentationem à me auferre , & ejus impetum mitigare , ne penitus succumbam: quemadmodum & priùs sæpiùs egisti mecum, Deus meus misericordia mea . Et quantò mihi difficilius , tantò tibi facilius est hæc mutatio dexteræ Excelsi .

CAP. XXX. *De divino petendo auxilio, & confidentia recuperanda gratiæ .*

1. **F**ILI, ego Dominus , confortans in die tribulationis . Venias ad me , cùm tibi non fuerit bene . Hoc est , quod maxime impedit consolationem cœlestem , quia tardiùs te convertis ad orationem . Nam antequàm me intente roges , multa interim solatia quæris, ut recrees te in externis. Ideoque fit, ut parum omnia prosint, donec advertas; quia ego sum, qui eruo sperantes in me : nec est extra me valens con-

consilium, neque utile, sed neque durabile remedium. Sed jam resumpto spiritu, post tempestatem convalesce in luce miserationum mearum, quia propè sum (dicit Dominus) ut restaurem universa, non solum integrè, sed & abundanter, & cumulatè.

2. Numquid mihi quicquam est difficile, aut ero similis dicenti, & non facienti? Ubi est fides tua? Sta firmiter & perseveranter. Esto longanimis, & fortis vir, veniet tibi consolatio in tempore suo. Expecta me, expecta: veniam, & curabo te. Tentatio est, quæ te vexat: & formido vana, quæ te exterret. Quid importat sollicitudo de futuris contingentibus, nisi ut tristitiam super tristitiam habeas? Sufficiat diei malitia sua. Vanum est, & inutile, de futuris contingentibus conturbari, vel gratulari, quæ fortè nunquam evenient.

3. Sed humanum est hujusmodi imaginationibus illudi: & parvi adhuc animi signum, tam leviter trahi à suggestionem inimici. Ipse enim non curat, utrū per verū, an falsū illudat, & decipiat: utrum præsentium amore, aut futurorum formidine proster-

nat.

nat. Non ergo turbetur cor tuum, neque formidet. Crede in me, & in misericordia mea habeto fiduciam. Quando tu putas te elongatum à me, sæpè sum propinquior. Quando tñ æstimas penè totum perditum, tunc sæpè majus merendi instat lucrum. Non est totum perditum, quando res accidit in contrarium. Non debes judicare secundum præsens sentire: nec sic gravitati alicui, undecumque venienti inharere; & accipere, tanquam omnis spes sit ablata emergendi.

4. Noli putare te relictum ex toto, quamvis ad tempus tibi miserim aliquam tribulationem, vel etiam optatam subtraxerim consolationem: sic enim transitur ad regnum cælorum. Et hoc sine dubio magis expedit tibi, & omnibus servis meis, ut exercitemini adversis, quàm si cuncta ad libitum haberetis. Ego novi cogitationes absconditas: quia multùm expedit pro salute tua, ut interdum sine sapore relinquaris; nec fortè eleveris in bono successu, & tibi ipsi placere velis in eo quod non es. Quod dedi, auferre possum; & restituere, cùm mihi placuerit.

5. Cùm dederò, meum est; cùm subtraxero,

traxero, tuum non tuli: quia meum est omne datum bonum, & omne donum perfectum. Si tibi dimisero gravitatem, aut quamlibet contrarietatem, ne indigneris, neque concidat cor tuum; nam ego citò sublevare possum, & omne onus in gaudium transmutare. Verumtamen justus sum, & commendabilis multum, cum sic facio tecum.

5. Si rectè sapis: & in veritate aspicias: nunquam debes propter adversa tam dejectè contristari, sed magis gaudere, & gratias agere; immò hoc unicum reputare gaudium, quod affligens te doloribus, non parco tibi. Sicut dilexit me Pater, & ego diligo vos, dixi dilectis meis Discipulis: quos utique non misi ad gaudia temporalia, sed ad magna certamina, non ad honores, sed ad desperationes, non ad otium, sed ad labores, non ad requiem, sed ad afferendum fructum multum in patientia. Horum memento, filii mi, verborum,

CAP. XXXI. *De neglectu omnis creaturæ, ut Creator possit inveniri ..*

1. **D**OMINE mi, adhuc benè indigeo majori gratia, si debeam illuc pervenire, ubi me nemo poterit, nec ulla creatura, impedire. Nam quamdiu res aliqua me retinet; non possum liber ad te volare. Cupiebat liberè volare, qui dicebat: Quis dabit mihi pennas sicut columbæ, & volabo, & requiescam? Quid simplici oculo quietius? Et quid liberius, nil desiderante in terris? Oportet igitur omnem supertransire creaturam, & se ipsum perfectè deserere, ac in excessu mentis stare, & videre te omnium Conditorum, cum creaturis nil simile habere. Et nisi quis ab omnibus creaturis fuerit expeditus, non poterit liberè intendere divinis. Ideo enim pauci inveniuntur contemplativi, quia pauci sciunt se à perituris, & creaturis ad plenum sequestrari.

2. Ad hoc magna requiritur gratia, quæ animam levet, & supra seipsam rapiat. Et nisi homo sit in spiritu elevatus, & ab omnibus creaturis libe-

Liberatus, ac Deo totus unitus; quicquid scit, quicquid etiam habet, non est magni ponderis. Diu parvus erit, & infra jacebit, qui aliquid magni æstimat, nisi solum unum immensum æternum bonum. Nam quicquid Deus non est, nihil est, & pro nihilo computari debet. Est quippè magna differentia, sapientiâ illuminati, & devoti viri: & scientiâ literati, ac studiosi Clerici. Multò nobilior est illa doctrina, quæ de sursum ex divina influenza manat; quàm quæ laboriosè humano acquiritur ingenio.

3. Plures reperiuntur contemplationem desiderare, sed quæ ad eam requiruntur, non student exercere. Est magnum impedimentum, quia in signis, & in rebus sensibilibus statur; & parum de perfectâ mortificatione habetur. Nescio quid est, quo spiritu ducimur, & quid pretendimus, qui spirituales dici videmur: quòd tantum laborem, & ampliorem sollicitudinem pro transitoriis, & vilibus rebus agimus, & de interioribus nostris vix rarè, plenè recollectis sensibus, cogitamus.

4. Proh dolor! statim post modicam recollectionem, foras erumpimus: nec opera nostra, districta
exa-

examinatione ruminamus . Ubi ja-
cent affectus nostri, non attendemus:
& quàm impura sint omnia nostra,
non deploramus . Omnis quippe ca-
ro corruerat viam suam , & ideo
sequebatur diluvium magnum. Cùm
ergo interior affectus noster multùm
corruptus sit , necesse est , ut actio se-
quens , index carentiæ interioris vi-
goris , corrumpatur. Ex puro corde
procedit fructus bonæ vitæ .

5. Quantùm quis fecerit , quæri-
tur : sed ex quanta virtute agat, non
tam studiosè pensatur . Si fuerit for-
tis , dives , pulcher , habilis , vel bo-
nus scriptor , vel cantor bonus, labo-
rator bonus, investigatur: quàm pau-
per sit spiritu , quàm patiens , & mi-
tis, quàm devotus, & internus à mul-
tis tacetur . Natura exteriora homi-
nis respicit , gratia ad interiora se
convertit . Illa frequenter fallitur ,
ista in Deo sperat, ut non decipiatur.

**CAP. XXXII. De abnegatione sui ,
& abdicatione omnis cupi-
ditatis .**

1. **F**ILI , non potes perfectam
possidere libertatem, nisi to-
taliter abneges temeti-
psum.

psam. Compediti sunt omnes proprietarii, & sui ipsius amatores, cupidi curiosi, gyrovagi, quærentes semper molliam, non quæ Jesu Christi; sed sapè hoc fingentes, & componentes, quod non stabit. Peribit enim totum, quod non est ex Deo ortum. Tene breve, & consummatum verbum: Dimitte omnia, invenies omnia. Dimitte cupiditatem, & reperies requiem. Hoc mente pertracta: & cum impleveris, intelliges omnia.

2. Domine, hoc non est opus unius diei, nec ludus parvulorum: immò in hoc brevi verbo includitur omnis perfectio religiosorum. Fili non debes averti, nec statim deijci, auditâ via perfectorum: sed magis ad sublimiora provocari, & ad minus ad hæc ex desiderio suspirare. Utinam sic tecum esset, & ad hoc pervenisses, ut tui ipsius amator non esses, sed ad nutum meum purè stares, & ejus, quem tibi præposui Patris: tunc mihi valde placeres, & tota vita tua cum gaudio, & pace transiret. Adhuc multa habes ad relinquendum: quæ nisi mihi ex integro resignaveris, non acquires, quod postulas. Suadeo tibi emere à me aurum ignitum, ut locuples fias, id est, cœlestem sapientiam, omnia

omnia infima conculcantem . Postpone terrenam sapientiam , omnem humanam complacentiam , & propriam .

3. Dixi viliora tibi emenda pretiosis, & altis , in rebus humanis. Nam vilis & parva , ac penè oblivioni tradita , videtur vera cœlestis sapientia , non sapiens alta de se , nec magnificari quærens in terra , quam multo ore tenus prædicant : sed vita longe dissentiunt: ipsa tamen est pretiosa margarita, à multis abscondita.

CAP. XXXIII. De instabilitate cordis , & intentione finali ad Deum habenda .

1. **F**ILI, noli credere affectui tuo: qui nunc est, & citò mutabitur in aliud . Quamdiu vixeris, mutabilitati subjectus eris etiam nolens : ut modò lætus, modò tristis : modò pacatus , modò turbatus: nunc devotus , nunc indevotus , nunc studiosus, nunc acediosus, nunc gravis, nunc levis inveniaris . Sed stat super hæc mutabilia sapiens , & bene doctus in spiritu , non attendens, quid in se sentiat , vel qua parte stet ventus instabilitatis: sed ut tota intentio mentis

mentis ejus, ad debitum, & optimum proficiat finem. Nam sic poterit unus, & idem, inconcussusque permanere, & simplici intentionis oculo, per tot varios eventus ad me imprætermisè directo.

2. Quàntò autem fuerit purior intentionis oculus, tantò constantiùs inter diversas itur procellas. Sed in multis caligat oculus puræ intentionis: respicit enim citò in aliquod delectabile, quod occurrit. Nam & rarò totus liber quis invenitur à nãvo propriæ exquifitionis. Sic Judæi olim venerant in Bethaniam ad Mariam, & Martham: non propter Jesum tantùm, sed & ut Lazarum viderent. Mundandus est ergo intentionis oculus, ut sit simplex, & rectus; atque ultra omnia varia media ad me dirigendus

*CAP. XXXIV. Quòd amanti sapie
Deus super omnia, & in om-
nibus.*

1. **E**CCE Deus meus, & omnia. Quid volo amplius, & quid felicius desiderare possum? O sapidum, & dulce verbum! Sed amanti verbum non mundum, nec
H ea

ea quæ in mundo sunt. Deus meus, & omnia! Intelligenti satis dictum est: & sæpe repetere, jucundum est amanti. Te siquidem præsentem, jucunda sunt omnia, te autem absente, fastidiunt omnia. Tu facis cor tranquillum, & pacem magnam, lætitiæque festivam. Tu facis bene sentire de omnibus, & in omnibus te laudare: nec potest aliquid diu sine te placere; sed si debet gratum esse, & bene sapere, oportet gratiam tuam adesse, & condimento tuæ sapientiæ condiri.

2. Cui tu sapis, quid ei rectè non sapiet? Et cui tu non sapis, quid ei ad jucunditatem esse poterit? Sed deficiunt in tua sapientia mundi sapientes, & qui carnem sapiunt: quia ibi plurima vanitas, & hîc mors invenitur. Qui autem te per contemptum mundanorum, & carnis mortificationem sequuntur, verè sapientes esse cognoscuntur, quia de vanitate ad veritatem, de carne ad spiritum transferunt. Istis sapit Deus, & quicquid invenitur in creaturis, totum referunt ad laudem sui Creatoris. Dissimilis tamen, & multùm dissimilis sapor Creatoris, & creaturæ; æternitatis, & temporis;
lucis

lucis increatæ , & lucis illuminatæ .

3. O lux perpetua , cuncta creata transcendens lumina , fulgura coruscationem de sublimi , penetrantem omnia intima cordis mei ! Purifica , lætifica , clarifica , & vivifica spiritum meum , cum suis potentiis ad inherendum tibi jubilosis excessibus . O quando veniet hæc beata , & desiderabilis hora , ut tua me saties præsentia , & sis mihi omnia in omnibus ! Quandiu hoc datum non fuerit , nec plenum gaudium erit . Adhuc , proh dolor ! vivit in me vetus homo , non est totus crucifixus , non est perfecte mortuus . Adhuc concupiscit fortiter adversus spiritum , bella movet intestina , nec regnum animæ patitur esse quietum .

4. Sed tu , qui dominaris potestati maris , & motui fluctuum eius , mitigas , exurge , adjuva me . Dissipantes , quæ bella volunt : contere eas in virtute tua : ostende , quæso , magnalia tua , & glorificetur dextera tua , quia non est spes alia , nec refugium mihi , nisi in te Domine Deus meus .

CAP. XXXV. *Quòd non est securitas
a tentatione in hac vita.*

1. **F**ILI, nunquam securus es in hac vita, sed quoad vixeris, semper arma spiritualia tibi sunt necessaria. Inter hostes ver-
farris, & à dextris, & à sinistris im-
pugnaris. Si ergo non uteris undi-
que scuto patientiæ, non eris diu si-
ne vulnere. Insuper si non ponis cor
tuum fixè in me, cum mera volunta-
te cuncta patiendi propter me, non
poteris istum ardorem sustinere, nec
ad palmam pertingere Beatorum.
Oportet te ergo viriliter omnia per-
transire, & potenti manu uti adver-
sus objecta. Nam vincenti datur
manna, sed & torpenti relinquitur
multa miseria.

2. Si quæris in hac vita requiem,
quomodo tunc pervenies ad æter-
nam requiem? Non ponas te ad mul-
tam requiem, sed ad magnam patien-
tiam. Quære veram pacem non in
terris, sed in cœlis, non in homini-
bus, nec in cæteris creaturis, sed in
Deo solo. Pro amore Dei, debes
omnia libenter subire, labores scili-
cet, & dolores, tentationes, vexatio-
nes,

nes, anxietates, necessitates, infirmitates, injurias, oblocutiones, reprehensiones, humiliaiones, confusiones, correctiones, & despectiones. Hęc juvant ad virtutem: hęc precant Christi tyronem: hęc fabricant cælestem coronam. Ego reddam ei æternam mercedem pro brevi labore, & infinitam gloriam pro transitoria confusione.

3. Putas, quod semper habebis pro tua voluntate consolationes spirituales? Sancti mei non habuerunt tales, sed multas gravitates, & tentationes varias, magnasque desolationes. Sed patienter sustinuerunt in omnibus, & magis confisi sunt Deo, quàm sibi: scientes, quia non sunt condignæ passionēs hujus temporis, ad futuram gloriam promerendam. Vis tu statim habere, quod multi post lachrymas, & magnos labores vix obtinuerunt? Expecta Dominum, viriliter age, & confortare: noli diffidere, noli discedere; sed corpus, & animam expone constanter pro gloria Dei. Ego reddam plenissimè: ego tecum ero in omni tribulatione.

CAP. XXXVI. *Contra vana hominum judicia.*

1. **F**ILI, jacta cor tuum firmiter in Domino, & humanū nē metuas judicium, ubi te conscientia pium reddit, & infontem. Bonum est, & beatum taliter pati, nec hoc erit grave humili cordi, & Deo magis, quā sibi ipsi confidenti. Multi multa loquuntur, & ideo parva fides ei est adhibenda. Sed & omnibus satis esse, non est possibile. Et si Paulus omnibus studuit in Domino placere, & omnibus omnia factus est: tamen etiam pro minimo duxit, quod ab humano die judicatus fuerit.

2. Egīt satis pro aliorum ædificatione, & salute quantum in se erat, & poterat: sed ne ab aliis aliquando judicaretur, vel despiceretur, cohibere non potuit. Idē totum Deo commisit, qui totum noverat: & patientia, ac humilitate contra ora loquentium iniqua, aut etiam vana, ac mendosa cogitantium, atque pro libitu suo quæque jactantium, se defendit. Respondit tamen interdum, ne infirmis ex sua taciturnitate generaretur scandalum.

3. *Quis*

3. Quis tu , ut timeas à mortali homine ? Hodie est , & cras non com-
paret . Deum time , & hominum ter-
rores non expavesces . Quid potest
aliquis in te verbis , aut injuriis ? Si-
bi potius nocet , quàm tibi : nec po-
terit judicium Dei effugere , quicum-
que est ille . Tu habe Deum præ ocu-
lis , & noli contendere verbis queru-
losis . Quòd si ad præsens tu videris
succumbere , & confusionem pati ,
quam non meruisti : nè indigneris ex
hoc , neque per impatientiam minuas
coronam tuam : sed potius ad me res-
pice in cælum , qui potens sum eri-
pere ab omni confusione , & injuria ,
& unicuique reddere secundùm ope-
ra sua .

*CAP. XXXVII. De pura, & integra
resignatione suâ, ad obtinendam
cordis libertatem.*

I. **F**ILI, relinque te, & invenies
me . Sta sine electione , &
omni proprietate , & sem-
per lucraberis . Nam & adjicietur tibi
amplior gratia statim ut te resigna-
veris, nec resumpseris . Domine, quo-
ties me resignabo , & in quibus me
relinquam ? Semper & omni hora, sicut

in parvo, sic & in magno. Nihil excipio, sed in omnibus te nudatum invenire volo. Alioquin quomodo poteris esse meus, & ego tuus, nisi fueris ab omni propria voluntate, intus, & foris spoliatus? Quantò celerius hoc ages, tantò melius habebis: & quantò plenius, & syncerius, tantò mihi plus placebis, & amplius lucraberis.

2. Quidam se resignant, sed cum aliquali exceptione: non enim plenè Deo confidunt, ideo sibi providere satagunt. Quidam etiam primò totos se offerunt, sed postea, tentatione pulsante, ad propria redeunt; idè in virtute minimè proficiunt. Hi ad veram puri cordis libertatem, & jucundæ familiaritatis meæ gratiam non pertingent: nisi integra resignatione, & quotidiana sui immolatione prius facta; sine qua non stat, nec stabit unio fructiva.

3. Dixi tibi sæpissimè, & nunc iterum dico. Relinque te, signa te, & fruêris magna interna pace. Da totum pro toto: nil exquire, nil repete: sta purè, & inhæstenter in me, & habebis me. Eris liber in corde, & tenebræ non conculcabunt te. Ad hoc conare, hoc ora, hoc stude deside-

desiderare , ut ab omni proprietate possis exspoliari , & nudus nudum Jesum sequi; tibi mori, & mihi æternaliter vivere . Tunc deficient omnes vanæ phantasie, conturbationes iniquæ , & curæ superflue . Tunc etiam recedet immoderatus timor , & inordinatus amor morietur .

*CAP. XXXVIII. De bono regimine
in externis, & recurſu ad Deum
in periculis .*

1. **F**ILI, ad istud diligenter tendere debes, ut in omni loco, & actione, seu occupatione externa sis intus liber , & tui ipsius potens, & sint omnia sub te, & tu non sub eis: ut sis Dominus actionum tuarum, & rector, non servus, nec emptius : sed magis exemptus , verusque Hebræus , in sortem , ac libertatem transiens filiorum Dei : qui stant super præsentia, & speculantur æterna: qui transitoria sinistro intuentur oculo, & dextro cœlestia: quos temporalia non trahunt ad inhærendum , sed trahunt ipsi ea magis ad bene serviendum: prout ordinata sunt à Deo, & instituta à summo opifice : qui nil inordinatum reliquit in sua creatura.

omnia infima conculcantem . Postpone terrenam sapientiam , omnem humanam complacentiam , & propriam .

3. Dixi viliora tibi emenda pretiosis, & altis , in rebus humanis. Nam vilis & parva , ac penè oblivioni tradita , videtur vera cœlestis sapientia , non sapiens alta de se , nec magnificari quærens in terra , quam multi ore tenus prædicant : sed vita longè dissentiunt: ipsa tamen est pretiosa margarita, à multis abscondita.

CAP. XXXIII. De instabilitate cordis , & intentione finali ad Deum habenda .

1. **F**ILI, noli credere affectui tuo: qui nunc est, & citò mutabitur in aliud . Quamdiu vixeris, mutabilitati subiectus eris etiam nolens : ut modò lætus, modò tristis : modò pacatus , modò turbatus: nunc devotus , nunc indevotus , nunc studiosus, nunc acediosus, nunc gravis, nunc levis inveniaris . Sed stat super hæc mutabilia sapiens , & bene doctus in spiritu , non attendens, quid in se sentiat , vel qua parte stet ventus instabilitatis: sed ut tota intentio mentis

mentis ejus, ad debitum, & optimum proficiat finem. Nam sic poterit unus, & idem, inconcussusque permanere, & simplici intentionis oculo, per tot varios eventus ad me imprætermisere directo.

2. Quando autem fuerit purior intentionis oculus, tanto constantius inter diversas itur procellas. Sed in multis caligat oculus puræ intentionis: respicit enim citò in aliquod delectabile, quod occurrit. Nam & raro totus liber quis invenitur à nêvo propriæ exquisitiõis. Sic Judæi olim venerant in Bethaniam ad Mariam, & Martham: non propter Jesum tantum, sed & ut Lazarum viderent. Mundandus est ergo intentionis oculus, ut sit simplex, & rectus; atque ultra omnia varia media ad me dirigendus

*CAP. XXXIV. Quòd amanti sapit
Deus super omnia, & in omnibus.*

1. **E**CCE Deus meus, & omnia. Quid volo amplius, & quid felicius desiderare possum? O sapidum, & dulce verbum! Sed amanti verbum non mundum, nec
H ea

ea quæ in mundo sunt. Deus meus, & omnia! Intelligenti satis dictum est : & sepe repetere, jucundum est amanti. Te siquidem præsentem, jucunda sunt omnia, te autem absente, fastidiunt omnia. Tu facis contranquillum, & pacem magnam, lætitiâque festivam. Tu facis bene sentire de omnibus, & in omnibus te laudare; nec potest aliquid diu sine te placere; sed si debet gratum esse, & bene sapere, oportet gratiam tuam adesse, & condimento tuæ sapientiæ condiri.

2. Cui tu sapis, quid ei rectè non sapiet? Et cui tu non sapis, quid ei ad jucunditatem esse poterit? Sed deficiunt in tua sapientia mundi sapientes, & qui carnem sapiunt: quia ibi plurima vanitas, & hîc mors invenitur. Qui autem te per contemptum mundanorum, & carnis mortificationem sequuntur, verè sapientes esse cognoscuntur, quia de vanitate ad veritatem, de carne ad spiritum transferunt. Istis sapit Deus, & quicquid invenitur in creaturis, totum referunt ad laudem sui Creatoris. Dissimilis tamen, & multùm dissimilis sapor Creatoris, & creaturæ; æternitatis, & temporis;
lucis

Lucis increatæ , & lucis illuminatæ .

3. O lux perpetua , cuncta creata transcendens lumina , fulgura coruscationem de sublimi , penetrantem omnia intima cordis mei ! Purifica , lætifica , clarifica , & vivifica spiritum meum , cum suis potentiis ad inherendum tibi jubilosis excessibus . O quando veniet hæc beata , & desiderabilis hora , ut tua me saties præsentia , & sis mihi omnia in omnibus ! Quandiu hoc datum non fuerit , nec plenum gaudium erit . Adhuc , proh dolor ! vivit in me vetus homo , non est totus crucifixus , non est perfectè mortuus . Adhuc concupiscit fortiter adversus spiritum , bella movet intestina , nec regnum animæ patitur esse quietum .

4. Sed tu , qui dominaris potestati maris , & motum fluctuum eius mitigas , exurge , adjuva me . Dissipantes , quæ bella volunt : contere eas in virtute tua : ostende , quæso , magnalia tua , & glorificetur dextera tua , quia non est spes alia , nec refugium mihi , nisi in te Domine Deus meus .

CAP. XXXV. *Quòd non est securitas
a tentatione in hac vita.*

1. **F**ILI, nunquam securus es in hac vita, sed quoad vixeris, semper arma spiritualia tibi sunt necessaria. Inter hostes ver-
farris, & à dextris, & à sinistris im-
pugnaris. Si ergo non uteris undi-
que scuto patientiæ, non eris diu si-
ne vulnere. Insuper si non ponis cor-
tuum fixè in me, cum mera volunta-
te cuncta patiendi propter me, non
poteris istum ardorem sustinere, nec
ad palmam pertingere Beatorum.
Oportet te ergo viriliter omnia per-
transire, & potenti manu uti adver-
sus objecta. Nam vincenti datur
manna, sed & torpenti relinquitur
multa miseria.

2. Si quæris in hac vita requiem,
quomodo tunc pervenies ad æter-
nam requiem? Non ponas te ad mul-
tam requiem, sed ad magnam patien-
tiam. Quære veram pacem non in
terris, sed in cœlis, non in homini-
bus, nec in cæteris creaturis, sed in
Deo solo. Pro amore Dei, debes
omnia libenter subire, labores scili-
cet, & dolores, tentationes, vexatio-
nes,

nes, anxietates, necessitates, infirmitates, injurias, oblocutiones, reprehensiones, humiliations, confusiones, correctiones, & despectiones. Hęc juvant ad virtutem: hęc probant Christi tyronem: hęc fabricant cælestem coronam. Ego reddam ei æternam mercedem pro brevi labore, & infinitam gloriam pro transitoria confusione.

3. Putas, quod semper habebis pro tua voluntate consolationes spirituales? Sancti mei non habuerunt tales, sed multas gravitates, & tentationes varias, magnasque desolationes. Sed patienter sustinuerunt in omnibus, & magis confisi sunt Deo, quàm sibi: scientes, quia non sunt condignæ passionibus hujus temporis, ad futuram gloriam promerendam. Vis tu statim habere, quod multi post lachrymas, & magnos labores vix obtinuerunt? Expecta Dominum, viriliter age, & confortare: noli diffidere, noli discedere; sed corpus, & animam expone constanter pro gloria Dei. Ego reddam plenissimè: ego tecum ero in omni tribulatione.

1. **F**ILI, jacta cor tuum firmi-
ter in Domino, & humanū
nē metuas judicium, ubi te
conscientia pium reddit, & infontem.
Bonum est, & beatum taliter pati,
nec hoc erit grave humili cordi, &
Deo magis, quā sibi ipsi confiden-
ti. Multi multa loquuntur, & ideo
parva fides ei est adhibenda. Sed &
omnibus satis esse, non est possibi-
le. Et si Paulus omnibus studuit in
Domino placere, & omnibus omnia
factus est: tamen etiam pro minimo
duxit, quod ab humano die judica-
tus fuerit.

2. Egit satis pro aliorum ædifi-
catione, & salute quantum in se erat,
& poterat: sed ne ab aliis aliquan-
do judicaretur, vel despiceretur, co-
hibere non potuit. Idē totum Deo
commisit, qui totum noverat: & pa-
tientia, ac humilitate contra ora lo-
quentium iniqua, aut etiam vana, ac
mendosa cogitantium, atque pro li-
bitu suo quæque jactantium, se de-
fendit. Respondit tamen interdum,
ne infirmis ex sua taciturnitate ge-
neraretur scandalum.

3. Quis

3. Quis tu , ut timeas à mortali homine ? Hodie est , & cras non comparet . Deum time , & hominum terrores non expavesces . Quid potest aliquis in te verbis , aut injuriis ? Sibi potius nocet , quàm tibi : nec poterit judicium Dei effugere , quicumque est ille . Tu habe Deum præ oculis , & noli contendere verbis querulosis . Quòd si ad præsens tu videris succumbere , & confusionem pati , quam non meruisti : nè indigneris ex hoc , neque per impatientiam minuas coronam tuam : sed potius ad me respice in cælum , qui potens sum eripere ab omni confusione , & injuria , & unicuique reddere secundum opera sua .

*CAP. XXXVII. De pura, & integra
resignatione suâ, ad obtinendam
cordis libertatem.*

1. **F**ILI, relinque te, & invenies me . Sta sine electione , & omni proprietate , & semper lucraberis . Nam & adjicietur tibi amplior gratia statim ut te resignaveris, nec resumpseris . Domine, quoties me resignabo , & in quibus me relinquam ? Semper & omni hora, sicut

desiderare , ut ab omni proprietate possis exspoliari , & nudus nudum Jesum sequi; tibi mori, & mihi æternaliter vivere . Tunc deficient omnes vanæ phantasiæ, conturbationes iniquæ , & curæ superfluæ . Tunc etiam recedet immoderatus timor , & inordinatus amor morietur .

*CAP. XXXVIII. De bono regimine
in externis, & recurſu ad Deum
in periculis .*

I. **F**ILI, ad istud diligenter tendere debes, ut in omni loco, & actione, seu occupatione externa sis intus liber , & tui ipsius potens, & sint omnia sub te, & tu non sub eis: ut sis Dominus actionum tuarum, & rector, non servus, nec emptius : sed magis exemptus , verusque Hebræus , in sortem , ac libertatem transiens filiorum Dei : qui stant super præsentia, & speculantur æterna: qui transitoria sinistro intuentur oculo, & dextro cœlestia: quos temporalia non trahunt ad inhærendum , sed trahunt ipsi ea magis ad bene serviendum: prout ordinata sunt à Deo, & instituta à summo opifice : qui nil inordinatum reliquit in sua creatura.

2. Si etiam in omni eventu stas, non in apparentia externa, nec oculo carnali lustras visâ, vel audita: sed mox in qualibet causa intras cum Moyse in tabernaculum, ad consulendum Dominum: audies nonnunquam divinum responsum, & redies instructus de multis presentibus, & futuris. Semper enim Moyse recursum habuit ad tabernaculum, pro dubiis, & quæstionibus solvendis: fugitque ad orationis adjutorium, pro periculis, & improbitatibus hominum sublevandis. Sic & tu confugere debes in cordis tui secretarium, divinum intentius implorando suffragium. Propterea namque Josue, & filii Israel, à Gabaonitis leguntur decepti, quia os Domini prius non interrogaverunt, sed nimium creduli dulcibus sermonibus falsâ pietate delasi sunt.

CAP. XXXIX. *Quòd homo non sit importunus in negotiis.*

1. **F**ILI, committe mihi semper causam tuam, ego bene disponam in tempore suo. Expecta ordinationem meam, & senties inde profectum. * Domine, satis libea-

libenter omnes res tibi committo ,
quia parum potest cogitatio mea pro-
ficere. Utinam non multum adhære-
rem futuris eventibus , sed ad bene-
placitum tuum incunctanter me of-
ferrem .

2. Fili mi , sæpe homo rem ali-
quam vehementer agitat,quam desi-
derat : sed cum ad eam pervenerit ,
aliter incipit sentire ; quia affectio-
nes circa idem non sunt durabiles :
sed magis de uno ad aliud impellunt .
Non ergo minimum est,etiam in mi-
nimis seipsum relinquere .

3. Verus profectus hominis est
abnegatio sui ipsius ; & homo abne-
gatus, valde liber est, & securus . Sed
antiquus hostis , omnibus bonis ad-
versans , à tentationibus non cessat :
sed die , noctuque graves molitur in-
sidias , si sortè in laqueum deceptio-
nis possit præcipitare incautum . Vi-
gilate , & orate , dicit Dominus , ut
non intretis in tentationem .

CAP. XL. *Quòd homo nihil boni ex se habet, & de nullo gloria-ri potest.*

1. **D**OMINE, quid est homo, quòd memòr es ejus, aut filius hominis, quia visitas eum? Quid promeruit homo, ut dares illi gratiam tuam? Domine, quid possum conqueri, si deferis me, aut quid justè obtendere possum, si quod peto non feceris? Certè hoc in veritate cogitare possum, & dicere: Domine nihil sum, nihil boni ex me habeo: sed in omnibus deficio, & ad nihil semper tendo. Et nisi à te fuero adjutus, & interiùs informatus, totus efficior tepidus & dissolutus.

2. Tu autem Domine, semper idem ipse es, & permanens in æternum: semper bonus, justus, & sanctus: benè, justè, ac sanctè agens omnia, & disponens in sapientia. Sed ego, qui ad defectum sum magis pronus quàm ad profectum, non sum semper in uno statu perdurans: quia septem tempora mutantur super me. Verumtamen citò meliùs fit, cùm tibi placuerit, & manum porrexeris adjutricem: quia tu solus sine humano sus.

suffragio poteris auxiliari, & in tantum confirmare, ut vultus meus amplius in diversa non mutetur: sed in te uno cor meum convertatur, & quiescat.

3. Unde, si bene scirem omnem humanam consolationem abiicere, siue propter devotionem adipiscendam, siue propter necessitatem, qua compellor te quærere, quia non est homo, qui me consoletur, tunc merito possem de gratia tua sperare; & de dono gratiæ novæ exultare.

4. Gratias tibi, unde totum venit, quotiescumque mihi benè succedit. Ego autem vanitas, & nihilum ante te, inconstans homo, & infirmus. Unde ergo possum gloriari, aut cur appeto reputari? Numquid de nihilo? & hoc vanissimum est. Verè inanis gloria, mala pestis, vanitas maxima, quia à vera retrahit gloria, & cœlesti spoliatur gratia. Dum enim homo complacet sibi, displicet tibi, dum inhiat laudibus humanis, privatus veris virtutibus.

5. Est autem vera gloria, & exultatio sancta, gloriari in te, & non in se: gaudere in nomine tuo, non in virtute propria: nec in aliqua creatura gloriari, & delectari, nisi prop-

ter te . Laudetur nomen tuum , non meum , magnificetur opus tuum , non meum ; benedicatur nomen sanctum tuum , nihil mihi autem attribuatur de laudibus hominum . Tu gloria mea , tu exultatio cordis mei : in te gloriabor , & exultabo tota die , pro me autem nihil , nisi in infirmitatibus meis .

6. Quærant Judæi gloriam , quæ ab invicem est : ego hanc requiram , quæ à solo Deo est . Omnis quidem gloria humana , omnis honor temporalis , omnis altitudo mundana æternæ gloriæ tuæ comparata , vanitas est , & stultitia . O veritas mea & misericordia mea , Deus meus , Trinitas beata ! tibi soli laus , virtus , honor , & gloria , per infinita sæcula sæculorum .

CAP. XLI. De contemptu omnis temporalis honoris .

1. **F**ILI , noli tristari , si videas alios honorari , & elevari , te autem despici , & humiliari . Erige cor tuum ad me in cælum , & non contristabit te contemptus hominis in terris . Domine , in cæcitæte sumus , & in cæcitæte citò seduci-

ducimur. Si rectè me inspicio, nunquam facta est mihi injuria ab aliqua creatura, unde nec justè habeo conqueri adversum te.

2. Quia autem frequenter, & graviter peccavi tibi, meritò armatur contra me omnis creatura. Mihi igitur justè debetur confusio, & contemptus: tibi autem laus, honor, & gloria. Et nisi me ad hoc præparavero, quòd velim libenter ab omni creatura despici, & relinqui, atque penitus nihil videri: non possum interius pacificari, & stabiliri: nec spiritualiter illuminari, neque tibi plenè uniri.

CAP. XLII. Quòd pax non est ponenda sive petenda in hominibus.

I. **F**ILI, si ponis pacem tuam in aliqua persona propter tuum sentire, vel convivere, instabilis eris, & implicatus. Sed si recursum habes ad semper viventem, & manentem veritatem, non contristabit te amicus recedens, & moriens. In me debet amici dilectio stare: & propter me diligendus est, quisquis tibi bonus visus est, & multum

tum charus in hac vita . Sine me non valet , nec durabit amicitia : nec est munda , & vera dilectio , quam ego non copulo . Ita mortuus debes esse talibus affectionibus dilectorum hominum , ut (quantum ad te pertinet) sine omni humano optares esse confortio . Tantò homo Deo magis appropinquat , quantò ab omni solatio terreno longius recedit . Tantò etiam altiùs ascendit ad Deum , quantò profundius in se descendit , & plus sibi ipsi vilescit .

2. Qui autem aliquid boni sibi attribuit , gratiam Dei in se venire impedit : quia gratia Spiritus sancti cor humile semper quærit . Si scires te perfectè annihilare , atque ab omni creato amore evacuare , tunc deberem in te cum magna gratia emanare . Quando tu respicis ad creaturas , subtrahitur tibi aspectus Creatoris . Disce te in omnibus propter Creatorem vincere , tunc ad divinam valebis cognitionem pertingere . Quantumcumque modicum sit , si inordinatè diligitur , & respicitur , retardat à summo bono , & vitiat .

CAP. XLIII. *Contra vanam, & se-
cularē scientiam.*

1. **F**ILI, non moveant te pul-
chra, & subtilia hominum
dicta. Non enim est Regnū
Dei in sermone, sed in virtute. Atten-
de verba mea, quę corda accendunt,
& mentes illuminant: inducunt com-
punctionem, & variam ingerunt con-
solationem. Nunquam ad hoc legas
verbum meū, ut doctior, aut sapien-
tior possis videri, sed stude mortifica-
tioni vitiorum: quia hoc ampliūs tibi
proderit, quā notitia multarum
difficilium quæstionum.

2. Cū multa legeris, & cogno-
veris, ad unum semper oportet redi-
re principium. Ego sum, qui doceo
hominem scientiam: & clariorem
intelligentiam parvulis tribuo, quā
ab homine possit doceri. Cui ego
loquor, citō sapiens erit, & multū
in spiritu proficiet. Væ eis, qui mul-
tā curiosa ab hominibus inquirunt,
& de via mihi serviendi parum cu-
rant. Veniet tempus, quando appa-
rebit Magister magistrorum, Chri-
stus, Dominus Angelorum, cuncto-
rum auditurus lectiones, hoc est, sin-
gu-

gulorum examinaturus conscientias. Et tunc scrutabitur Hierusalem in lucernis, & manifesta erunt abscondita tenebrarum, tacebuntque argumenta linguarum.

3. Ego sum, qui humilem in puncto elevo mentem, ut plures æternæ veritatis capiat rationes, quam si quis decem annis studuisset in scholis. Ego doceo sine strepitu verborum, sine confusione opinionum, sine fastu honoris, sine impugnatione argumentorum. Ego sum, qui doceo terrena despicere, præsentia fastidire, æterna quærere, ac sapere; honores fugere, scandala sufferre, omnem spem in me ponere, extra me nil cupere, & super omnia ardentem me amare.

4. Nam quidam amando me intimè, didicit divina, & loquebatur mirabilia. Plus profecit in relinquendo omnia, quàm in studendo difficultia. Sed aliis loquor communia, aliis specialia: aliquibus in signis, & figuris dulciter appareo, quibusdam verò in multo lumine revelo mysteria. Una vox librorum, sed non æquè omnes informat, quia intus sum doctor veritatis, cordis scrutator, cogitationum intellectus, actionum
pro-

promotor, distribuens singulis, sicut dignum judicavero.

CAP. XLIV. *De non attrahendo sibi res exteriores.*

1. **F**ILI, in multis oportet te esse inscium, & estimare te tanquam mortuum super terram, & cui totus mundus crucifixus sit. Multa etiam oportet surda aure petransire, & quæ pacis sunt magis cogitare. Utilius est oculos à rebus displicentibus avertere, & unicuique suum sentire relinquere, quàm contentiosis sermonibus deservire. Si bene steteris cum Deo & ejus judicium aspexeris, faciliùs te victum portabis.

2. O Domine quousque venimus? Ecce damnum defletur temporale, pro modico quæstu laboratur, & curritur: & spirituale detrimentum in oblivionem transit, & vix serò reditur. Quod parum, vel nihil prodest, attenditur; & quod summè necessarium est, negligenter præteritur: quia totus homo ad externa profuit, & nisi citò resipiscat, libens in exterioribus jacet.

CAP.

CAP. XLV. *Quòd omnibus non est
credendum, & de facili lapsu
verborum.*

1. **D**A mihi auxilium, Domine, de tribulatione, quia vana salus hominis. Quæ sæpe ibi non inveni fidem, ubi me habere putavi? Quoties etiam ibi reperi, ubi minùs præsumpsi? Vana ergo spes in hominibus; salus autem iustorum in te Deus. Benedictus sis, Domine Deus, in omnibus, quæ nobis accidunt. Infirmi sumus, & instabiles, citò fallimur, & permutamur.

2. Quis est homo, qui ita cautè, & circumspectè in omnibus se custodire valeat, ut aliquàdo in aliquam deceptionem, vel perplexitatem non veniat? Sed qui in te, Dñe, confidit, ac simplici ex corde quærit, non tam facilè labitur. Et si inciderit in aliquam tribulationem, quocumque modo etiam fuerit implicatus, citiùs per te eruetur, aut à te consolabitur: quia tu non deseres in te sperantem usque in finem. Rarus fidus amictis, in cunctis amici perseverans pressuris. Tu Domine, tu solus es fidelissimus

mus in omnibus , & præter te non est talis alter .

3. O quàm benè sapuit sancta illa anima, quæ dixit : Mens mea solidata est, & in Christo fundata ! Si ita mecum foret , non tam facilè timor mundanus, siue humanus me sollicitaret , nec verborum jacula moverent . Quis omnia prævidere , quis præcavere mala futura sufficit ? Si prævisa etiam lædunt sæpè, quid improvvisa , nisi graviter feriunt ? Sed quare mihi misero non meliùs providi ? Cur etiam tam facile aliis credidi ? Sed homines sumus , nec aliud quàm fragiles homines sumus , etiam si Angeli à multis æstimamur , & dicimur . Cui credam , Domine ? Cui nisi tibi ? Veritas es , quæ non fallis, nec falli potes. Et rursus. Omnis homo mendax , infirmus , & instabilis , labilis maximè in verbis : ita ut statim vix credi debeat , quod rectum in facie sonare videtur .

4. Quàm prudenter præmonuisti, cavendum ab hominibus : & quia inimici hominis domestici ejus : nec credendum, si quis dixerit : Ecce hic , aut ecce illic . Doctus sum damno meo , & utinam ad cautelam majorem , & non ad insipientiam mihi .

Cau-

Cautus esto (ait quidam) Cautus esto, ferva apud te quod dico. Et dum ego fileo, & absconditum credo, nec ille filere potest, quod silendum petiit, sed statim prodit me, & se, & abiit. Ab huiusmodi fabulis, & incautis hominibus, protege me Domine, ne in manus eorum incidam, nec unquam talia committam. Verbum verum, & stabile da in os meum, & linguam callidam longe fac à me. Quod pati nolo, omnimodè cavere debeo.

5. O quàm bonum, & pacificum de aliis tacere, nec indifferenter omnia credere, neque de facili ulterius effari: paucis se ipsum revelare, te semper inspectorem cordis quærere; nec omni vento verborum circumferri, sed omnia intima, & externa, secundum tuæ beneplacitum voluntatis optare perfici. Quàm tutum, pro conservatione cœlestis gratiæ, humanam fugere aparentiam, nec appetere, quæ foris admirationem videntur præbere: sed ea tota sedulitate sectari, quæ vitæ emendationem dant, & fervorem.

6. Quàm multis nocuit virtus scita, ac præproperè laudata! Quàm sæpè profuit gratia silentio servata

in

in hac fragili vita , quæ tota tentatio fertur, & militia ?

CAP. XLVI. *De confidentia in Deo habenda, quando insurgunt verborum jacula.*

1. **F**ILI, sta firmiter, & spera in me. Quid enim sunt verba, nisi verba ? Per aerem volant, sed lapidem non lædunt. Si reus es , cogita , quòd libenter te velis emendare. Si nihil tibi conscius es , pensa , quod velis libenter pro Deo hoc sustinere. Parùm satis est, ut vel verba interdùm sustineas , qui necdum fortia verbera tolerare vales. Et quare tam parva tibi ad cor transeunt, nisi quia adhuc carnalis es , & homines magis quàm oportet, attendis? Nam quia despici metuis , reprehendi pro excessibus non vis , & excusationum quæris umbracula .

2. Sed inspicie te meliùs , & agnosces , quia vivit adhuc in te mundus , & vanus amor placendi hominibus . Cùm enim bassari refugis , & confundi pro defectibus , constas utique , quòd nec verus humilis sis , nec verè mundo mortuus , nec tibi mundus crucifixus . Sed audi verbum meum,

meum, & non curabis decem hominum verba. Ecce, si cuncta contra te dicerentur, quæ fingi malitiosissimè possent, quid tibi nocerent, si omninò transire permitteres, nec plus quàm festucam perpenderes? Nunquid vel unum capillum extrahere possent?

3. Sed qui cor intùs non habet, nec Deum præ oculis, faciliter movetur verbo vituperationis: qui autem in me confidit, nec proprio iudicio stare appetit, absque humano terrore erit. Ego enim sum iudex, & Dominus omnium secretorum: ego scio, qualiter res acta est, ego injuriantem novi, & sustinentem. A me exiit verbum istud, me permittente, hoc accidit, ut revelentur ex multis cordibus cogitationes. Ego reum, & invocantem judicabo, sed occulto iudicio utrumque antè probare volui.

4. Testimonium hominum sæpè fallit. meum iudicium verum est, stabit, & non subvertetur. Latet plerumque, & paucis ad singula patet: nunquam tamen errat, nec errare potest, etiamsi oculis insipientium non rectum videatur. Ad me ergo recurrendum est in omni iudicio, nec proprio innitendum arbitrio.

trio . Justus enim non conturbabitur, quicquid ei à Deo acciderit . Etiam si injustè aliquid contra eum prolatum fuerit, non multùm curabit . Sed nec vanè exultabit , si per alios rationaliter excusetur . Pensat nãque; quia ego sum scrutans corda, & renes: qui non judico secundùm faciem , & humanam apparentiam . Nam sæpè in oculis meis reperitur culpabile , quod hominum judicio creditur laudabile .

5. * *Domine Deus* , judex justè, fortis , & patiens , qui hominum nôsti fragilitatem , & pravitatem , esto robur meum & tota fiducia mea: non enim mihi sufficit conscientia mea . Tu nôsti, quod ego non novi : & ided in omni reprehensione humiliare me debui, & mansuetè sustinere . Ignosce ergo mihi propitius ; quoties sic non egi, & dona iterum gratiam amplioris sufferentiæ . Melior est mihi tua copiosa misericordia ad consecutionem indulgentiæ, quàm mea opinata justitia pro defensione latentis conscientiæ . Et si nihil mihi conscius sum, tamen in hoc justificare me non possum : quia remotâ misericordiâ tuâ , non justificabitur in conspectu tuo omnis vivens .

CAP. XLVII. *Quod omnia gravia
pro eterna vita sunt toleranda.*

1. **F**ILI, non frangant te labores, quos assumpsisti propter me: nec tribulationes te dejiciant usquequaque: sed mea promissio in omni eventu te roboret, & consoletur. Ego sufficiens sum ad reddendum supra omnem modum, & mensuram. Non hinc diu laborabis, nec semper gravaberis doloribus. Expecta paulisper, & videbis celerem finem malorum. Veniet una hora, quando cessabit omnis labor, & tumultus. Modicum est, & breve omne, quod transit cum tempore.

2. Age ergo, quod agis: fideliter labora in vinea mea, ego ero merces tua. Scribe, lege, canta, geme, tace, ora, sustine viriliter contraria; digna est his omnibus æterna vita, & majoribus præliis. Veniet pax in die una, quæ nota est Domino: non enim erit nox, vel dies, hujus scilicet temporis, sed lux perpetua, claritas infinita, pax firma, & requies secunda. Non dices tunc: Quis me liberabit de corpore mortis hujus? Nec clamabis: Heu mihi, quia incolatus meus prolong-

longatus est ; quoniam præcipitabitur mors , & salus erit indefectiva , anxietas nulla , jucunditas beata , societas dulcis , & decora .

3. O si vidisses in cœlo Sanctorum coronas perpetuas , quanta quoque nunc exultant gloria , (qui hunc mundo olim contemptibiles , & quasi vita ipsa indigni putabantur) profecto te statim humiliares usque ad terram , & affectares potiùs omnibus subesse , quàm præesse uni : nec hujus vitæ lætos concupisceres dies , sed magis pro Deo tribulari gauderes : & pro nihilo inter homines computari , maximum lucrum duceres .

4. O si tibi hæc scaperent , & profundè ad cor transirent , quomodo auderes vel semel conqueri ? Nonne pro vita æterna cuncta laboriosa sunt toleranda ? Non est parvum quid , lucrari , aut perdere Regnum Dei . Leva igitur faciem tuam in cœlum . Ecce ego , & omnes Sancti mei mecum , qui in hoc sæculo magnum habuère certamen , modò gaudent , modò consolantur , modò securi sunt , modò requiescunt , & sine fine mecum in Regno Patris mei permanebunt .

CAP. XLVIII. *De die eternitatis ,
& hujus vite angustiiis .*

1. **O** *Supernæ civitatis mansio*
beatissima ! O dies æter-
nitatis clarissima, quam
nox non obscurat, sed summa veritas
semper irradiat , dies semper læta ,
semper secura , & nunquam statum
mutans in contraria ! O utinam dies
illa illuxisset , & cuncta hæc tempo-
ralia finem accepissent. Lucet quidem
Sanctis perpetuâ claritate splendida,
sed non nisi à longè , & per speculum
peregrinantibus in terra .

2. Norunt cœli cives, quàm gau-
 diofa sit illa, gemunt exules filii Evæ,
 quòd amara , & tediosa sit ista . Dies
 hujus temporis parvi , & mali , pleni
 doloribus , & angustiiis : ubi homo
 peccatis multis inquinatur , multis
 passionibus irretitur , multis timori-
 bus stringitur , multis curis distendi-
 tur, multis curiositatibus distrahitur,
 multis vanitatibus implicatur , mul-
 tis erroribus circumfunditur , multis
 laboribus atteritur , tentationibus
 gravatur, deliciis enervatur, egestate
 cruciatur .

3. O quando finis horum malo-
 rum

rum ! quando liberabor à misera
servitute vitiorum ? quando memo-
rabor , Domine , tuū solius ? Quan-
do ad plenum lætabor in te ? Quan-
do ero sine omni impedimento , in
vera libertate , sine omni grava-
mine mentis , & corporis ? Quan-
do erit pax solida , pax imperturba-
bilis , & secura , pax intus , & foris ,
pax ex omni parte firma ? Jesu bone,
quando stabo ad videndum te ? Quan-
do contemplabor gloriam Regni tui ?
Quando eris mihi omnia in omni-
bus ? O quando ero tecum in Regno
tuo , quod preparasti dilectis tuis ab
æterno ! Relictus sum pauper , & exul
in terra hostili : ubi bella quotidiana ,
& infortunia maxima .

4. Consolare exilium meum , mi-
tiga dolorem meum , quia ad te sus-
pirat omne desiderium meum . Nam
onus totum mihi est , quicquid mun-
dus hic offert ad solatium . Desidero
te intimè frui , sed nequeo apprehen-
dere . Opto inhærere cœlestibus , sed
deprimunt res temporales , & im-
mortificatæ passionēs . Mente omni-
bus rebus superesse volo , carni autem
invitè subesse cogor . Sic ego infe-
lix homo mecum pugno , & factus
sum mihi metipsi gravis , dum spiri-

193 *De Imitatione Christi*
tus sursum, & caro quærit esse deorsum.

5. O quid intus patior, dum mente cœlestia tracto, & mox carnalium turba occurrit oranti. Deus meus, ne elongeris à me, neque declines in ira à servo tuo. Fulgura coruscationem tuam, & dissipa eas: Emitte sagittas tuas, & conturbentur omnes phantasiæ inimici. Recollige sensus meos ad te: fac me oblivisci omnium mundanorum: da citò abjicere, & contemnere phantasmata vitiorum. Succurre mihi, æterna Veritas, ut nulla me moveat vanitas. Adveni, cœlestis suavitas, & fugiat à facie tua omnis impuritas. Ignosce quoque mihi, & misericorditer indulge, quoties præter te aliud in oratione revolvō. Confiteor etenim verè, quia valde distractè me habere consuevi. Nam ibi multoties non sum, ubi corporaliter sto, aut sedeo: sed ibi magis sum, quod cogitationibus feror. Ibi sum, ubi cogitatio mea est. Ibi est frequenter cogitatio mea, ubi est, quod amo. Hoc mihi citò occurrit, quod naturaliter delectat, aut ex usu placet.

6. Unde tu, Veritas, apertè dixisti: Ubi enim est thesaurus tuus, ibi

ubi est, & cor tuum. Si cœlum diligo, libenter de cœlestibus penso. Si mundum amo, de felicitatibus mundi congaudeo, & de adversitatibus ejus tristor. Si carnem diligo, quæ carnis sunt sæpe imaginor. Si spiritum amo, de spiritualibus cogitare delector. Quæcumque enim diligo, de his libenter loquor, & audio, atque talium imagines mecum ad domum reporto. Sed beatus ille homo, qui propter te Domine, omnibus creaturis licentiam abeundi tribuit: qui naturæ vim facit, & concupiscentias carnis fervore spiritus crucifigit, ut serenatâ conscientiâ, puram tibi orationem offerat, dignusque sit Angelicis interesse choris, omnibus terrenis, foris, & intus exclusis.

CAP. XLIX. De desiderio eterne vite, & quanta sint certantibus promissa.

I. **F**ILI mi, cùm tibi desiderium eterne beatitudinis desuper infundi sentis, & de tabernaculo corporis exire concupiscis, ut claritatem meam sine vicissitudinis umbra contemplari possis, dilata cor tuum, & omni desiderio hanc

sanctam inspirationem suscipe. Redde amplissimas supernæ bonitati gratias, quæ tecum sic dignanter agit, clementer visitat, ardentem excitat, potenter subleuat, ne proprio pondere ad terrena labaris. Neque enim hoc cogitatu tuo, aut conatu accipis, sed sola dignatione supernæ gratiæ, & divini respectûs: quatenus in virtutibus, & majori humilitate proficias, & ad futura certamina te præpares, mihi que toto cordis affectu adhærere, ac ferventi voluntate studeas deservire.

2. Fili, sæpè ignis ardet, sed sine fumo flamma non ascendit. Sic & aliquorum desideria ad cœlestia flagrant, & tamen à tentatione carnalis affectûs liberi non sunt. Iccirco nec omnino purè pro honore Dei agunt, quod tam desideranter ab eo petunt. Tale est, & tuum sæpè desiderium, quod insinuasti forè tam importunum. Non enim est hoc purum, & perfectum, quod propria commo-
ditate est infectum.

3. Pete, non quod tibi est delectabile, & commodum, sed quod mihi est acceptabile, atque honorificum: quia si rectè judicas, meam ordinationem tuo desiderio, & omni desi-
de-

derato præferre debes , ac sequi . Novi desiderium tuum , & frequentes gemitus audivi . Jam velles esse in libertate gloriæ filiorum Dei : jam te delectat domus æterna , & cœlestis patria gaudio plena , sed nondum venit hora ista , sed est adhuc aliud tempus , scilicet tempus belli , tempus laboris , & probationis . Optas summo repleti bono , sed non potes hoc assequi modò . Ego sum : expecta me (dicit Dominus) donec veniat Regnum Dei .

4. Probandus es adhuc in terris , & in multis exercitandus . Consolatio tibi interdum dabitur , sed copiosa satietas non concedetur . Confortare igitur , & esto robustus , tam in agendo , quàm in patièdo naturæ contraria . Oportet te novum induere hominem , & in alterum virum mutari . Oportet te sæpè agere , quod non vis : & quod vis oportet relinquere . Quod aliis placet , processum habebit ; quod tibi placet , ultra non proficiet . Quod alii dicunt , audietur ; quod tu dicis , pro nihilo computabitur . Petent alii , & accipient : tu petes , nec impetrabis .

5. Erunt alii magni in ore hominum , de te autem tacebitur . Aliis

hoc, vel illud committetur; tu autem ad nihil utilis judicaberis. Propter hoc natura aliquando contristabitur; & magnum, si silens portaveris. In his, & similibus multis probari solet fidelis Domini servus: qualiter se abnegare, & in omnibus frangere queat. Vix enim est aliquid tale, in quo tantumdem mori indigeas, sicut videre, & pati, quæ voluntati tuæ adversa sunt: maximè autem cùm disconvenientia, & quæ minùs utilia tibi apparent, fieri jubentur. Et quia non audes resistere altiori potestati, sub dominio constitutus: idèd durum tibi videtur ad nutum alterius ambulare, ac omne proprium sentire omittere.

6. Sed pensa fili, horum fructum laborum, finem celerem, atq; præmium nimis magnum: & non habebis indè gravamen, sed fortissimum patientiæ tuæ solamen. Nam & pro modica hac voluntate, quam nunc spontè deferis, habebis semper voluntatem tuam in cælis. Ibi quippe invenies omne, quod volueris: omne, quod desiderare poteris. Ibi aderit tibi totius facultas boni, sine timore amittendi. Ibi voluntas tua una semper tecum, nil cupiet extraneum, vel
pri-

privatum. Ibi nullus resistet tibi, nemo de te conqueretur, nemo impediet, nihil obviabit: sed cuncta desiderata simul erunt presentia, totumque affectum tuum reficient, & adimplebunt usque ad summum. Ibi reddam gloriam pro contumelia perpeffa; pallium laudis pro mærore: pro loco novissimo sedem Regni in sæcula. Ibi apparebit fructus obedientiæ, gaudebit labor pœnitentiæ, & humilis subjeçtio coronabitur gloriose.

7. Nunc ergo inclina te humiliter sub omnium manibus: nec sit tibi curæ, quis hoc dixerit, vel jusserit. Sed hoc magnopere curato, ut sive prælatus, sive junior, aut æqualis, aliquid à te exposcerit, vel innuerit, pro bono totum accipias, & sincera voluntate studeas adimplere. Quærat alius hoc, alius illud: gloriatur ille in illo, & iste in isto, laudeturque millies mille: tu autem nec in isto, nec in illo, sed in tui ipsius gaude contemptu, & in mei solius beneplacito, ac honore. Hoc optandum tibi, ut sive per vitam, sive per mortem Deus semper in te glorificetur.

CAP. L. *Qualiter homo desolatus se
debet in manus Dei offerre.*

1. **D**OMINE Deus ; sancte
Pater, sis nunc, & in æter-
num benedictus, quia si-
cut vis, factum est; & quod facis bonū
est. Lætetur in te servus tuus, non in
se, nec in aliquo alio : quia tu solus
lætitia vera, tu spes mea, & corona
mea, tu gaudium meum, & honor
meus, Domine. Quid habet servus
tuus, nisi quod à te accepit, etiam
sine merito suo ? Tua sunt omnia,
quæ dedisti, & quæ fecisti. Pauper
sum, & in laboribus meis à juven-
tute mea: & contristatur anima mea,
nonnunquam usque ad lachrymas :
quandoque etiam conturbatur ad se
propter imminentes passionēs.

2. Desidero pacis gaudium, pa-
cem filiorum tuorum flagito, qui in
lumine consolationis à te pascuntur.
Si das pacem, si gaudium sanctum
infundis, erit anima servi tui plena
modulatione, & devota in laude tua.
Sed si te subtraxeris, sicut sæpissime
soles, non poterit currere viam man-
datorum tuorum : sed magis ad tun-
dendum pectus genua incurvantur,
quia

quia non est illi sicut heri, & nudiustertius, quando splendebat lucerna tua super caput ejus, & sub umbra alarum tuarum protegebatur à tentationibus irruentibus.

3. Pater juste, & semper laudande, venit hora, ut probetur servus tuus. Pater amande, dignum est, ut hora hac patiatur aliquid pro te servus tuus. Pater perpetuè venerande, venit hora, quam ab æterno præsciebas affuturam, ut ad modicum tempus succumbat foris servus tuus, vivat verò semper apud te intus. Paululum vilipendatur, humilietur, & deficiat coram hominibus: passionibus conteratur, & languoribus: ut iterum tecum in aurora novæ lucis resurgat, & in cœlestibus clarificetur. Pater sancte, tu sic ordinasti, & sic voluisti: & hoc factum est, quod ipse præcepisti.

4. Hæc est enim gratia ad amicum tuum, pati & tribulari in hoc mundo pro amore tuo, quotiescumque & à quocumque id permiseris fieri. Sine consilio, & providentia tua, & sine causa nihil fit in terra. Bonum mihi, Domine, quod humiliasti me, ut discam justificationes tuas: & omnes elationes cordis, atque præ-

præsumptiones abiciam. Utile mihi, quod confusio cooperuerit faciem meam, ut te potius, quam homines ad consolandum requiram. Didici etiam ex hoc inscrutabile iudicium tuum expavescere: qui affligis iustum cum impio, sed non sine æquitate, & iustitia.

5. Gratias tibi, qui non pepercisti malis meis, sed attrivisti me verberibus amaris, infligens dolores, & immittens angustias intus, & foris. Non est qui me consoletur ex omnibus, quæ sub cælo sunt, nisi tu Domine Deus meus, cœlestis medicus animarum; qui percutis, & sanas; deducis ad inferos, & reducis. Disciplina tua super me, & virga tua ipsa me docebit.

6. Ecce Pater dilecte, in manibus tuis ego sum, sub virga correptionis tuæ me inclino: percutite dorsum meum, & collum meum, ut incurvem ad voluntatem tuam tortuositatem meam. Fac me pium, & humilem discipulum, sicut bene facere consuevisti, ut ambulem ad omnem nutum tuum. Tibi me, & omnia mea ad corrigendum committo: melius est hîc corripi quam in futuro: Tu scis omnia, & singula, & nil te latet
in

in humana conscientia . Antequam
fiant, nôsti ventura ; & non opus est
tibi , ut quis te doceat, aut admoneat
de his , quæ geruntur in terra . Tu
scis , quid expediat ad profectum
meum , & quantum deserviat tribu-
latio ad rubiginem vitiorum purgan-
dam . Fac mecum desideratum bene-
placitum tuum , & ne despicias pec-
caminosam vitam meam , nulli me-
lius , nec clarius, quàm tibi soli no-
tam .

7. Da mihi Domine scire , quod
sciendum est : hoc & amare , quod
amandum est : hoc laudare, quod tibi
summè placet : hoc reputare , quod
tibi pretiosum est , vel apparet : hoc
vituperare , quod oculis tuis sorde-
scit . Non me finas secundùm visio-
nem oculorum exteriorum judicare ,
neque secundùm auditum aurium
hominum imperitorum sententiare :
sed in iudicio vero de spiritualibus ,
& visibilibus discernere, atque super
omnia beneplacitum voluntatis tuæ
semper inquirere .

8. Falluntur sæpè hominum sen-
sus in iudicando, falluntur & amato-
res sæculi, visibilia tantùmmodò aman-
do . Quid est homo inde melior , quia
reputatur ab homine major ? Fallax
fal-

fallacē , vanus vanum , cecus cecum , infirmus infirmum decipit , dum exaltat : & veraciter magis confundit , dum inaniter laudat . Nam quantum unusquisque est in oculis tuis tantum est , & non ampliùs , ait humilis sanctus Franciscus .

CAP. LI. *Quòd humilibus insistentum est operibus , cum deficiatur à summis .*

1. **F**ILI , non vales semper in ferventiori desiderio virtutum stare , nec in altiori gradu contemplationis consistere : sed necesse habes interdum ob originale corruptelam , ad inferiora descendere ; & onus corruptibilis vitæ etiam invitè , & cum tædio portare . Quamdiu mortale corpus geris , tædium senties , & gravamen cordis . Oportet ergo sæpe in carne de carnis onere gemere : eo quòd non vales spiritualibus studiis , & divinæ contemplationi indefinenter inhærere .

2. Tunc expedit tibi ad humilia , & exteriora opera confugere , & in bonis te actibus recreare : adventum meum , & supernam visitationem firma confidentia expectare ; exilium tuum ,

tuum, & ariditatem mentis patienter sufferre, donec iterum à me visiteris, & ab omnibus anxietatibus libereris. Nam faciam te laborum oblivisci, & interna quiete perfrui. Expandam coram te prata Scripturarum, & dilatato corde currere incipies viam mandatorum meorum. Et dices: Non sunt condignæ passionēs hujus temporis ad futuram gloriam, quæ revelabitur in nobis.

CAP. LII. *Quòd homo non reputet se consolatione dignum, sed magis dignum verberibus.*

1. **D**OMINE, non sum dignus consolatione tua, nec aliqua spiritali visitatione, & ideò iustè mecum agis, quando me inopem, & desolatum relinquis. Si enim ad instar maris lachrymas effundere possem, adhuc consolatione tua dignus non essem, & ideò iustè mecum agis. Unde nihil dignus sum, quàm flagellari, & puniri: quia graviter, & sæpè te offendi, & in multis valde deliqui. Ergò vera pensata ratione, nec minima sum dignus consolatione. Sed tu clemens, & misericors, qui non vis perire opera tua,

tua , ad ostendendum divitias bonitatis tuæ in vasa misericordiæ, etiam præter omne proprium: meritum dignaris consolari servum tuum supra humanum modum . Tuæ enim consolationes non sunt sicut humanæ consolationes .

2. Quid egi , Domine , ut mihi conferres aliquam cœlestem consolationem ? Ego nihil boni egisse me recolo , sed semper ad vitia pronum, & ad emendationem pigrum fuisse . Verum est, & negare non possum . Si aliter dicerem , tu stares contra me , & non esset qui defenderet . Quid merui pro peccatis meis , nisi infernum , & ignem æternum ? In veritate confiteor , quoniam dignus sum omni ludibrio , & contemptu , nec decet me inter devotos tuos commemorari . Et licet hoc ægrè audiam , tamen adversum me , pro veritate peccata mea arguam , ut facilius misericordiam tuam merear impetrare .

3. Quid dicam reus, & omni confusione dignus , seu plenus ? Non habeo os loquendi nisi tantum hoc verbum: peccavi Domine, peccavi : miserere mei, ignosce mihi. Sine me paululum , ut plangam dolorem meum, antequam vadam ad terram tenebro-

brofani , & opertam mortis caligine. Quid tam maximè à reo , & misero peccatore requiris , nifi ut conteratur , & humiliet fe pro delictis fuis? in vera contritione , & cordis humiliatione nascitur fpes veniæ , reconciliatur perturbata confcientia , reparatur gratia perdita , tuetur homo à futura irâ , & occurrunt fibi mutud in osculo fancto Deus , & pœnitens anima .

4. Humilis peccatorum contritio acceptabile tibi est , Domine, sacrificium , longè suaviùs odorans in conspecto tuo , quàm thuris incensum. Hoc est gratum etiam unguentum , quod pedibus tuis infundi voluisti , quia cor contritum , & humiliatum nunquam despexisti . Ibi est locus refugii à facie iræ inimici . Ibi emendatur , & abluitor , quicquid aliundè contractum est , & inquinatum .

CAP. LIII. Quid gratia Dei non miscetur sapientibus terrena .

1. **F**ILI , pretiosa est gratia mea, non patitur se misceri extraneis rebus, nec consolationibus terrenis . Abjicere ergo oport-

oportet omnia impedimenta gratiæ, si optas ejus infusionem suscipere. Petite secretum tibi, ama solus habitare tecum, nullius require confabulationem: sed magis ad Deum devotam effunde precem, ut compunctam teneas mentem, & puram conscientiam. Totum mundum nihil æstima: Deo vacare omnibus exterioribus antepone. Non enim poteris mihi vacare, & in transitoriis pariter delectari. A notis, & à charis oportet elongari, & ab omni temporali solatio mentem tenere privatam. Sic obsecrat Beatus Apostolus Petrus, ut tanquam advenas, & peregrinos in hoc mundo se contineant Christi fideles à carnalibus desideriis, quæ militant adversus animam.

2. O quanta fiducia erit morituro, quem nullius rei affectus detinet in mundo! Sed sic segregatum cor habere ab omnibus, æger necdum capit animus, nec animalis homo novit interni hominis libertatem. Attamen si verè velit esse spiritualis, oportet eum renunciare tam remotis, quàm propinquis: & à nemine magis cavere, quàm à seipso. Si temetipsum perfectè viceris, cætera faciliùs subjugabis. Perfecta victoria est

est de semetipso triumphare . Qui enim seipsum subiectum tenet , ut sensualitas rationi , & ratio in cunctis obediat mihi , hic verè victor est sui , & Dominus mundi .

3. Si ad hunc apicem scandere gliscis , oportet viriliter incipere , & securim ad radicem ponere , ut evellas , & destruas occultam & inordinatam inclinationē ad teipsum , & ad omne privatū , & materiale bonum . Ex hoc vitio , quod homo semper teipsum nimis inordinate diligit , penè totum pendet , quicquid radicaliter vincendum est . Quo devicto , & subacto malo , pax magna , & tranquillitas erit continuè . Sed quia pauci sibi ipsis perfecte mori laborant , nec plenè extra se tendunt , propterea in se implicati remanent , nec supra se in spiritu elevari possunt . Qui autem libere mecum ambulare desiderat , necesse est , ut omnes pravas , & inordinatas affectiones suas mortificet , atque nulli creaturæ privato amore concupiscenter inhaereat .

CAP. LIV. *De diversis motibus naturæ, & gratiæ.*

1. **F**ILI, diligenter adverte motus naturæ, & gratiæ, quia valde contrariè, ac subtiliter moventur: & vix nisi à spirituali, & intimè illuminato homine discernuntur. Omnes quidem bonum appetunt, & aliquid boni in suis dictis, vel factis prætendunt: ideò sub specie boni multi falluntur. Natura calida est, & multos trahit: illaqueat, & decipit: & se semper pro fine habet. Sed gratia simpliciter ambulat, & ab omni specie mala declinat, fallacias non prætendit, & omnia purè propter Deum agit, in quo & finaliter requiescit.

2. Natura invitè vult mori, nec premi, nec superari, nec subesse, nec sponte subjugari. Gratia verò studet mortificationi propriæ, resistit sensualitati, quærit subjici, appetit vinci, nec propria vult libertate fungi: sed sub disciplina amat teneri, nec alicui cupit dominari: sed sub Deo semper vivere, stare, & esse: atque propter Deum omni humanæ creaturæ humiliter parata est inclinari. Natura

ra pro suo commodo laborat, & quid
lucri sibi ex alio proveniat, attendit.
Gratia autem non quid sibi utile, &
commodum sit: sed quod multis pro-
ficiat magis considerat. Natura liben-
ter honorem, & reverentiam accipit:
Gratia verò omnem honorem & glo-
riam Deo fideliter attribuit.

3. Natura confusionem timet, &
contemptum: Gratia autem gaudet
pro nomine Jesu contumeliam pati,
Natura otium amat, & quietem cor-
poralem: Gratia verò vacua esse non
potest, sed libenter amplectitur la-
borem. Natura quærit curiosa habe-
re, & pulchra, & fugit vilia, & gros-
sa: Gratia verò simplicibus delecta-
tur, & humilibus, aspera non asper-
natur, nec vetustis refugit indui
pannis. Natura respicit temporalia,
gaudet ad lucra terrena, tristatur de
damno, irritatur levis injuriæ verbo:
sed gratia attendit æterna, non in-
hæret temporalibus, nec in perditio-
ne rerum turbatur, neque verbis du-
rioribus acerbatur: quia thesaurum
suum, & gaudium in cælo, ubi nil
perit, constituit.

4. Natura cupida est, & liben-
tius accipit, quàm donat: amat pro-
pria, & privata: Gratia autem pia
est,

est, & communis, vitat singularia, contentatur paucis, beatius dare iudicat, quàm acciperet. Natura inclinatur ad creaturas, ad carnem propriam, ad vanitatem, & discursus; sed gratia trahit ad Deum, & ad virtutes, renunciat creaturis, fugit mundum, odit carnis desideria, restringit evagationes, erubescit in publico apparere. Natura libenter aliquod solatium habet externum, in quo delectetur ad sensum; sed gratia in solo Deo quærit consolari, & in summo Bono delectari super omnia visibilia.

5. Natura totum agit propter lucrum, & commodum proprium, nil gratis facere potest, sed aut æquale, aut melius, aut laudem, vel favorem pro beneficiis consequi sperat: & multum ponderari sua gesta, & dona concupiscit. Gratia verò, nil temporale quærit, nec aliud præmium quàm Deum solum, pro mercede postulat: nec amplius de necessariis temporalibus desiderat, nisi quantum hæc sibi ad assecutionem æternorum valeant deservire.

6. Natura gaudet de amicis multis, & propinquis: gloriatur de nobili loco, et ortu generis: arridet po-
ten-

tentibus, blanditur divitibus, applaudit sibi similibus : Gratia autem & inimicos diligit, nec de amicorum turba extollitur, nec locum, nec ortum natalium reputat, nisi virtus ibi major fuerit : favet magis pauperi, quam diviti, compatitur plus innocenti, quam potenti, congaudet veraci, non fallaci, exhortatur semper bonos, meliora charismata æmulari, & Filio Dei per virtutes assimilari. Natura de defectu, & molestia citò conqueritur : Gratia constanter tert inopiam.

7. Natura omnia ad se reflectit, pro se certat, & arguit : Gratia autem ad Deum cuncta reducit, unde originaliter emanant : nil boni sibi adscribit, nec arroganter præsumit, non contendit, nec suam sententiam aliis præfert : sed in omni sensu, & intellectu æternæ sapientiæ ac divino examini se submittit. Natura appetit scire secreta, & nova audire, vult exterius apparere, & multa per sensus experiri : desiderat agnosci, & agere, unde laus, & admittatio procedit. Sed gratia non curat nova, nec curiosa percipere : quia totum hoc de corruptionis vetustate est ortum, cum nihil novum, & durable sit super

K terram.

terram. Docet itaque sensus restringere, vanam complacētiam, & ostentationem devitare, laudanda, & dignè miranda humiliter abscondere; ac de omni re, & in omni scientia utilitatis fructum, atque Dei laudem, ac honorem quærere. Non vult se nec sua prædicari; sed Deum in donis suis optat benedici, qui cuncta ex mera charitate largitur.

8. Hæc gratia supernaturale lumen, & quoddam Dei speciale donum est, & propriè electorum signaculum, & pignus salutis æternæ: quæ hominem de terrenis ad cœlestia amanda sustollit, & de carnali spiritualem facit. Quando igitur natura amplius premitur, & vincitur, tantò major gratia infunditur: & quotidie novis visitationibus interior homo secundum imaginem Dei reformatur.

CAP. LV. De corruptione naturæ, & efficacia gratiæ divinæ.

I. **D**OMINE Deus meus, qui me creâsti ad imaginem, & similitudinem tuam, concede mihi hanc gratiam, quam ostendisti tam magnam, & necessariâ ad

ad salutem : ut vincam pessimam naturam meam, trahentem ad peccata, & in perditionem. Sentio enim in carne mea legem peccati contradicentem legi mentis meæ, & captivum me ducentem ad obediendum sensualitati in multis : nec possum resistere passionibus ejus, nisi assistat sanctissima gratia tua, cordi meo ardentius infusa :

2. Opus est gratia tua, & magna gratia, ut vincatur natura, ad malum semper prona ab adolescentia sua. Nam eâ per primum hominem Adam lapsâ, & vitiatâ per peccatum, in omnes homines pœna hujus maculæ descendit : ut ipsa natura, quæ bona, & recta à te condita fuit ; pro vitio jam, & infirmitate corruptæ naturæ ponatur, eo quodd motus ejus sibi relictus, ad malum, & inferiora trahit. Nam modica vis, quæ remansit, est tanquam scintilla quædam latens in cinere. Hæc est ipsa ratio naturalis, circumfusa magna caligine, adhuc judicium habens boni, & mali, veri, falsique distantiam : licet impotens sit adimplere omne, quod approbat : nec pleno jam lumine veritatis, nec sanitate affectionum suarum potitur.

3. Hinc est, Deus meus, quod delector legi tuæ secundum interiorē hominem, sciens mandatum tuum fore bonum, justum, & sanctū; arguens etiam omne malum & peccatum fugiendum. Carne autem servo legi peccati, dum magis sensualitati obedio, quā rationi. Hinc est, quod velle bonum mihi adjacet, perficere autem non invenio. Hinc sæpe multa bona propono, sed quia gratia deest ad adjuvandam infirmitatem meam, ex levi resistantia resilio, & deficio. Hinc accidit, quod viam perfectionis agnosco, & qualiter agere debeam, clarè fatis video: sed propriæ corruptionis pondere pressus ad perfectionem non assurgo.

4. O quā maximè est mihi necessaria, Domine, gratia tua ad inchoandum bonum, ad proficiendum & perficiendum! Nam sine ea non possum facere aliquid: omnia autem possum in te, confortante me gratia tua. O verè cœlestis gratia, sine qua nulla sunt propria merita, nulla quocunque dona naturæ ponderanda! Nihil artes, nihil pulchritudo, nihil divitiæ, nihil fortitudo, nihil ingenium, nihil eloquentia valent apud te, Domine, sine gratia tua. Nam dona naturæ bonis,

bonis, & malis sunt communia, electorum autem proprium donum est gratia, sive dilectio, qua insigniti, digni habentur vita æterna. Tantum eminet hæc gratia, ut nec donum prophetiæ, nec signorum operatio, nec quantalibet alta speculatio aliquid æstimetur sine ea. Sed neque fides, neque spes, neque aliæ virtutes tibi acceptæ sunt sine charitate, & gratia.

5. O beatissima gratia, quæ pauperem spiritu, virtutibus divitem facis: & divitem multis bonis humilem corde reddis. Veni, descende ad me, reple me manè tua consolatione; ne deficiat præ lassitudine, & ariditate mentis anima mea. * *Obsecro*, Domine, ut inveniam gratiam in oculis tuis: sufficit enim mihi gratia tua, cæteris non obtentis, quæ desiderat natura. Si fuero tentatus, & vexatus tribulationibus multis, non timebo mala, dum fuerit mecum gratia tua. Ipsa fortitudo mea est, ipsa consilium confert, & auxilium. Cunctis hostibus potentior est, & sapientior universis sapientibus.

6. Magistra est veritatis, doctrix disciplinæ, lumen cordis, solamen pressuræ, fugatrix tristitiæ, ablatrix

timoris, nutrix devotionis, productrix lachrymarum. Quid sum sine ea, nisi aridum lignum, & stipes inutilis ad ejiciendum? Tua ergo me, Domine, gratia semper præveniat, & sequatur, ac bonis operibus jugiter præstet esse intentum.

CAP. LVI. *Quod nos ipsos abnegare debemus, & Christum per crucem imitari.*

I. **F**ILI, quantum vales à te exire, tantū poteris in me trāsire. Sicut nihil foris concupiscere, internam pacem facit; sic se interius relinquere, Deo conjungit. Volo te addiscere perfectam abnegationem tuā in voluntate mea, sine contradictione, & querela. Sequere me: Ego sum via, veritas, & vita. Sine via, non itur; sine veritate non cognoscitur; sine vita non vivitur. Ego sum via, quam sequi debes, veritas cui credere debes, vita quam sperare debes. Ego via inviolabilis, veritas infallibilis, vita interminabilis. Ego sum rectissima via, veritas suprema, vita vera, vita beata, vita increata. Si manseris in via mea, cognosces veritatem, & veritas

ritas liberabit te , & apprehendes vitam æternam .

2. Si vis ad vitam ingredi, serva mandata . Si vis veritatem agnoscere, crede mihi . Si vis perfectus esse, vende omnia . Si vis esse discipulus meus:abnega te metipsum.Si vis beatam vitam possidere, præsentem vitam contemne . Si vis exaltari in cœlo, humilia te in mundo . Si vis regnare mecum, porta crucem mecum . Soli enim servi crucis inveniunt viam beatitudinis, & veræ lucis.

3. * *Domine* Jesu Christe, quia arcta est vita tua, & mundo despecta, dona mihi te cum mundi despectu imitari . Non enim major est servus domino suo, nec discipulus super magistrum.Exerceatur servus tuus in vita tua,quia ibi est salus mea, & sanctitas vera. Quicquid extra eam lego, vel audio, non me recreat, nec delectat plenè . *

4. Fili, quia hæc scis, & legisti omnia, beatus eris, si feceris. Qui habet mandata mea, & servat ea, ipse est, qui diligit me: & ego diligam eum, & manifestabo ei me ipsum: & faciam eum confedere mecum in Regno Patris mei . Domine igitur,

sicut dixisti, & promisisti, sic utique mihi promereri contingat. Suscepi, suscepi de manu tua crucem, portabo eam usque ad mortem, sicut imposuisti mihi. Verè vita boni Monachi crux est, sed dux paradisi. Inceptum est, retrò abire non licet, nec relinquere oportet.

5. Eja fratres, pergamus simul, Jesus erit nobiscum: propter Jesum suscepimus hanc crucem; propter Jesum perseveremus in cruce. Erit adiutor noster, qui est dux noster & præcessor. En Rex noster ingreditur ante nos, qui pugnabit pro nobis. Sequamur viriliter, nemo metuat terrores; simus parati mori fortiter in bello, nec inferamus crimen gloriæ nostræ, ut fugiamus à cruce.

CAP. LVII. *Quòd homo non sit nimis dejectus, quando in aliquos labitur defectus.*

1. **F**ILI, magis placent mihi patientia, & humilitas in adversis; quàm multa consolatio, & devotio in prosperis. Ut quid te còtristat parvum factum contra te aut dictum? Si amplius fuisset, moveri non debuisses. Sed nunc dimitte tran-

transire: non est primum, nec novum, nec ultimum erit, si diu vixeris. Satis virilis es, quandiu nil obviat mali, aut adversi. Benè etiam consulis, & alios nòsti roborare verbis: sed cùm ad januam tuam venit repentina tribulatio, deficis consilio, & robore. Attende magnam fragilitatem tuam, quam sæpe experiris in modicis objectis; tamen pro salute tua ista fiunt, cùm hæc, & similia contingunt.

2. Pone, ut melius nosti, ex corde: & si te tetigi, non tamen deiciat, nec diu implicet. Ad minus sustine patienter, si non potes gaudenter. Etiam si minùs libenter audis, & indignationem sentis, reprime te, nec patiaris aliquid inordinatum ex ore tuo exire, unde parvuli scandalizentur. Citò conquiescet commotio excitata, & dolor internus, revertente gratia, dulcorabitur. Adhuc vivo ego (dicit Dominus) juvare te paratus, & solito ampliùs consolari, si confisus fueris mihi, & me devotè invocaveris.

3. Animæ quior esto, & ad majorem sustententiam accingere. Non est totum frustratum, si sæpiùs percipis te tribulatum, vel graviter tentatum. Homo es, & non Deus, caro es, &

non Angelus . Quomodo tu posses semper in eodem statu virtutis permanere , quando hoc defuit Angelo in cœlo , & primo homini in paradiso , qui non diu steterunt ? Ego sum , qui mœrentes erigo sospitate : & suam cognoscentes infirmitatem , ad meam proveho divinitatem .

4. * *Domine* , benedictum sit verbum tuum , dulce super mel , & favum ori meo . Quid facerem in tantis tribulationibus , & meis angustiis , nisi me confortares tuis sanctis sermonibus ? Dummodo ad portum salutis tandem perveniam : quid curæ est , quæ & quanta passus fuero ? Da finem bonum ; da felicem ex hoc mundo transitum . Memento mei Deus meus , & dirige me recto itinere in regnum tuum . Amen .

CAP. LVIII. *De altioribus rebus, & occultis judiciis Dei non scrutandis .*

1. **F**ILI, caveas disputare de altis materiis, & de occultis Dei judiciis : cur iste sic relinquitur , & ille ad tantam gratiam assumitur . Cur etiam iste tantum affligitur , & ille tam eximie exaltatur .

Ista

Ista omnem humanam facultatem excedunt: nec ad investigandum divinum iudicium ulla ratio prævalet, vel disputatio. Quando ergo hæc suggerit inimicus, vel quidam curiosi inquirunt homines, responde illud Prophetæ: Justus es Domine, & rectum iudicium tuum. Et illud: Iudicia Domini vera, justificata in semetipsa. Iudicia mea metuenda sunt, non discutienda, quia humano intellectui sunt incomprehensibilia.

2. Noli etiam inquirere, nec disputare de meritis Sanctorum, quis alio sit sanctior, aut quis major fuerit in Regno cælorum. Talia generant sæpe lites, & contentiones inutiles; nutriunt quoque superbiam, & vanam gloriam: unde oriuntur invidiæ, & dissensiones, dum iste istum Sanctum, & alius alium conatur superbi præferre. Talia autem velle scire, & investigare, nullum fructum affert, sed magis Sanctis displicet: quia non sum Deus dissensionis, sed pacis, quæ pax magis in humilitate vera, quàm in propria exaltatione consistit.

3. Quidam zelo devotionis trahuntur ad hos, vel ad illos ampliori affectu, sed humano potius, quàm di-

vino. Ego sum, qui cunctos condi-
di Sanctos, ego donavi gratiam, ego
præstiti gloriam. Ego novi singulo-
rum merita, ego præveni eos in be-
nedictionibus dulcedinis meæ. Ego
præscivi dilectos ante sæcula, ego eos
elegi de mundo, non ipsi prælege-
runt. Ego vocavi per gratiam, attra-
xi per misericordiam, ego perduxi
eos per tentationes varias. Ego in-
fundi consolationes magnificas, ego
dedi perserverantiam, ego coronavi
eorum patientiam.

4. Ego primum, & novissimum
agnosco, ego omnes inestimabili dile-
ctione amplector. Ego laudandus sum
in omnibus Sanctis meis, ego super
omnia benedicendus sum, & hono-
randus in singulis, quos sic gloriosè
magnificavi, & prædestinavi sine ul-
lis præcedentibus meritis propriis.
Qui ergo unum de minimis meis
contempserit, nec magnum honorat,
quia pusillum, & magnum ego feci.
Et qui derogat alicui Sanctorum, de-
rogat & mihi, & cæteris omnibus in
Regno cælorum. Omnes enim unum
sunt per charitatis vinculum, idem
sentiunt, idem volunt, & omnes in
unum se diligunt.

5. Adhuc autem (quod multò
altius.

altius est) plus me , quàm se , & sua merita diligunt . Nam supra se rapti , & extra propriam dilectionem trahiti , toti in amorem meum pergunt , in quo & frutivè quiescunt . Nihil est , quod eos avertere possit , aut deprimere , quippe qui æterna veritate pleni , igne ardescunt inextinguibilis charitatis . Taceant igitur carnales , & animales homines de Sanctorum statu discredere , qui non norunt nisi privata gaudia diligere . Demunt , & addunt pro sua inclinatione , non prout placet æternæ veritati .

6. In multis est ignorantia , eorum maxime qui parum illuminati , raro aliquem perfectæ dilectione spiritali diligere norunt . Multum adhuc naturali affectu , & humana amicitia ad hos vel ad illos trahuntur , & sicut in inferioribus se habent , ita de cœlestibus imaginantur . Sed est distantia incomparabilis , quam imperfecti non cogitant , & quam illuminati viri per revelationem supernam speculantur .

7. Cave ergo fili , de istis curiosis tractare , quæ tuam scientiam excedunt : sed hoc magis satage , & intende , ut vel minimus in Regno Dei queas

queas inveniri. Et si quispiam sciret, quis sanctior alio esset, vel major haberetur in Regno cœlorum, quid ei hæc notitia prodesset, nisi se ex hac cogitatione coram me humiliaret, & in maiorem mei nominis exurgeret laudem? Multò acceptius Deo facit, qui de peccatorum suorum magnitudine, & virtutum suarum parvitate cogitat, & quàm longè à Sanctorum perfectione distat, quàm is, qui de eorum majoritate, vel paucitate disputat. Melius est Sanctos devotis precibus, & lachrymis exorare, & eorum gloriosa suffragia humili mente implorare, quàm eorum secreta vana inquisitione perscrutari.

8. Illi benè, & optimè contentantur, si homines scirent contentari, & vaniloquia sua compefcere. Non gloriantur de propriis meritis, quippe qui sibi nil bonitatis adscribunt, sed totum mihi, quoniam ipsis cuncta ex infinita charitate mea donavi. Tanto amore divinitatis, & gaudio supereffluenti replentur, ut nihil eis desit gloriæ, nihilque deesse possit felicitatis. Omnes sancti quantò altiores in gloria, tantò humiliores in seipsis, & mihi viciniore, & dilectio-

res existunt. Ideoque habes scriptum, quia mittebant coronas suas ante Deum, & ceciderunt in facies suas coram Agno; & adoraverunt Viventem in sæcula sæculorum. Amen.

9. Multi quærunt, quis major sit in Regno cœlorum, qui ignorant, an cum minimis erunt digni computari. Magnum est, vel minimum esse in cœlo, ubi omnes magni sunt: quia omnes filii Dei vocabuntur, & erunt. Minimus erit in mille, & peccator centum annorum morietur. Cùm enim quærerent Discipuli: Quis major esset in Regno cœlorum? Tale audierunt responsum: Nisi conversi fueritis, & efficiamini sicut parvuli, non intrabitis in Regnum cœlorum. Quicumque ergo se humiliaverit sicut parvulus iste, hic major est in Regno cœlorum.

10. Væ eis, qui cum parvulis humiliare se sponte dedignantur: quoniam humilis janua cœlestis Regni, eos non admittet intrare, Væ etiam divitibus, qui habent hęc consolationes suas: quia pauperibus intrantibus in Regnum cœlorum, ipsi stabunt foris ejulantes. Gaudete humiles, & exultate pauperes, quia vestrum est
Re-

Regnum Dei , si tamen in veritate
ambulatis .

CAP. LIX. *Quod omnis spes, & fiducia
in solo Deo figenda est .*

1. **D**OMINE , quæ est fiducia
mea, quâ in hac vita ha-
beo? Aut quod majus so-
latium meum , ex omnibus apparen-
tibus sub cœlo? Nonne tu , Domine
Deus meus , cujus misericordiæ non
est numerus? Ubi mihi bene fuit , si-
ne te? Aut quando malè esse potuit,
præsentem te? Malo pauper esse propter
te , quàm dives sine te . Eligo potius
in terra tecum peregrinari , quàm si-
ne te cœlum possidere . Ubi tu , ibi
cœlum ; atque ibi mors , & inférnus,
ubi tu non es . Tu mihi in desiderio
es : & ideo post te gemere , & clama-
re , & exorare necesse est . In nullo
denique possum confidere plenè , qui
in necessitatibus auxilietur opportu-
nis , nisi in te solo Deo meo . Tu es
spes mea, & fiducia mea: tu consola-
tor meus , & fidelissimus in omni-
bus adjutor .

2. Omnes , quæ sua sunt , quæ-
runt: tu salutem meam, & profectum
meum solummodo prætendis, & om-
nia

nia in bonum mihi convertis . Etiam si variis tentationibus , & adversitatibus exponas , hoc totum ad utilitatem meam ordinas , qui mille modis dilectos tuos probare consuevisti . In qua probatione non minus diligi debes , & laudari , quàm si cœlestibus consolationibus me repleres .

3. In te ergo , Domine Deus meus, pono totam spem meam, & refugium : omnem tribulationem , & angustiam meam constituo , quia totum infirmum , & instabile invenio . quicquid extra te conspicio . Non enim proderunt multi amici , neque fortes auxiliarii adjuvare poterunt , neque prudentes consilarii responsum utile dare , neque libri Doctorum consolari , nec aliqua pretiosa substantia liberare , nec locus aliquis secretus contutari : si tu ipse non assistas, juves, confortes, consoleris, instruas, & custodias .

4. Omnia namque , quæ ad pacem videntur esse , & felicitatem habendam, te absente, nihil sunt, nihilque felicitatis conferunt . Finis ergo omnium bonorum , & altitudo vite, & profunditas eloquiorum tu es : & in te super omnia sperare fortissimum est solatium servorum Dei. Ad
te

te sunt oculi mei, in te confido, Deus meus, misericordiarum Pater. Benedic, & sanctifica animam meam benedictione cœlesti: ut fiat habitatio tua sancta, & sedes æternæ gloriæ tuæ, nihilque in templo tuæ dignitatis inveniatur, quod oculos tuæ majestatis offendat. Secundum magnitudinem bonitatis tuæ, & multitudinem miserationum tuarum respice in me, & exaudi orationem pauperis servi tui, longè exultantis in regione umbræ mortis. Protege, & conserva animam servuli tui inter tot discrimina vitæ corruptibilis, ac comitante gratia tua, dirige per viam pacis, ad patriam perpetuæ claritatis. Amen.

Explicet liber tertius.

JOANNIS GERSEN

Abbatis Ordinis
S. Benedicti,

DE IMITATIONE

CHRISTI,

LIBER QUARTUS.

De Sacramento Corporis Christi.

PROOEMIUM.



ENITE ad me omnes, qui laboratis, et onerati estis, et ego reficiam vos, dicit Dominus. Panis, quem ego dabo,

caro mea est pro mundi vita. Accipite & comedite, hoc est Corpus meum, quod pro vobis tradetur: hoc facite in meam commemorationem. Qui manducat meam carnem, et bibit meum sanguinem, in me manet, et ego in illo.

Ver-

Verba, quæ ego locutus sum vobis,
spiritus, & vita sunt.

*CAP. I. Cum quanta reverentia Christi
sit suscipiendus.*

1. **H**ÆC sūt verba tua, Chri-
ste, veritas æterna, quā-
vis non uno tēpore pro-
latā, nec uno in loco conscripta. Quia
ergo tua sunt verba, gratanter mihi,
& fideliter cuncta sunt accipienda.
Tua sunt, & tu ea protulisti: & mea
quoque sunt, quia pro salute mea edi-
disti. Libenter suscipio ea ex ore tuo,
ut aptius inferantur cordi meo. Ex-
citant me verba tantæ pietatis, plena
dulcedinis, & dilectionis. Sed terrent
me delicta propria: & ad capienda
tanta mysteria me reverberat impu-
ra conscientia. Provocat me dulcedo
verborum tuorum, sed onerat me
multitudo vitiorum meorum.

2. Jubes, ut fiducialiter ad te acce-
dam, si tecum velim habere partem:
ut immortalitatis accipiam alimo-
niam, si æternam cupiam obtinere
vitam, & gloriam. Venite, inquit, ad
me omnes, qui laboratis & onerati
estis, & ego reficiam vos. O dulce,
& amicabile verbum in aure pecca-
toris,

toris, quòd tu, Domine Deus meus,
egenum, & pauperem invitas ad con-
munionem tui sanctissimi corporis.
Sed quis ego sum, Domine, ut ad te
præsumam accedere? Ecce cæli cælo-
rum te non capiunt, & tu dicis: Ve-
nite ad me omnes.

3. Quid sibi vult ista piissima
dignatio, & tam amicabilis invita-
tio? Quomodo ausus ero venire, qui
nihil boni mihi conscius sum, unde
possim præsumere? Quomodo te in-
troducā in domum meam, qui sæ-
pius offendi benignissimam faciem
tuam? Reverentur Angeli, & Archan-
geli, metuunt Sancti, & Iusti, & tu
dicis: Venite ad me omnes? Nisi tu,
Domine, hoc diceres, quis verum
esse crederet? Et nisi tu juberes, quis
accedere attentaret? Ecce, Noe, vir
justus, in arcæ fabrica, centum annis
laboravit, ut cum paucis salvaretur:
& ego quomodo me potero una ho-
ra præparare, ut mundi Fabricatorem
cum reverentia sumam?

4. Moyse famulus tuus, magnus
& specialis amicus tuus, arcam ex
lignis imputribilibus fecit, quam &
mundissimo vestivit auro, ut tabulas
Legis in ea reponeret: & ego putri-
da creatura audebo te Conditorē
Legis,

Legis, ac vitæ datorem, tam facile suscipere? Salomon, sapientissimus Regum Israel, magnificum templum septem annis in laudem nominis tui ædificavit: & octo diebus festum dedicationis ejus celebravit: mille hostias pacificas obtulit: & arcam fœderis clangore buccinæ, & jubilo, in locum sibi præparatum solenniter collocavit. Et ego infelix, & pauperissimus hominum, quomodo te in domum meam introducam, qui vix mediam expendere devotè novi horam? Et utinam vel semel dignè ferè mediam.

5. O mi Deus, quantum illi ad placendum tibi agere studuerunt, heu, quàm pusillum est, quod ago: quàm breve expleo tempus, cùm me ad communicandum dispono! Rarè totus collectus, rarissimè ab omni distractione purgatus. Et certè in tuæ salutari deitatis præsentia, nulla deberet occurrere indecens cogitatio, nulla etiam occupare creatura: quia non Angelum, sed Angelorum Dominum suscepturus sum hospitio.

6. Est tamen magna distantia inter arcam fœderis cum suis reliquiis, & mundissimum corpus tuum cum suis ineffabilibus virtutibus: inter legalia

galia illa Sacrificia futurorum præfigurativa, & veram tui corporis Hostiam, omnium antiquorum Sacrificiorum completivam. Quare igitur non magis ad tuam venerabilem inardesco præsentiam? Cur non majori me præparo sollicitudine ad tua Sancta sumenda, quando illi antiqui sancti Patriarchæ, & Prophetæ, Reges quoque & Principes cum universo populo, tantum devotionis demonstrarunt affectum, erga cultum divinum.

7. Saltavit Rex devotissimus David coram arca Dei totis viribus, recolens beneficia olim indulta Patribus: fecit diversi generis organa, psalmos edidit, & cantari instituit cum lætitia, cecinit & ipse frequenter in cithara. Spiritus sancti afflatus gratia, docuit populum Israel toto corde Deum laudare, & ore confonso diebus singulis benedicere, & prædicare. Si tanta agebatur tunc devotio, ac divinæ laudis extitit recordatio coram arca testamenti, quanta nunc mihi, omni populo Christiano habenda est reverentia, & devotio, in præsentia Sacramenti, in sumptione excellentissimi corporis Christi?

8. Cur-

8. Currunt multi ad diversa loca pro visitandis reliquiis Sāctorum, & mirantur, auditis gestis eorum, alta ædificia templorum inspiciunt, & osculantur sericis & atro involuta sacra ossa ipsorum. Et ecce tu præfens es hīc apud me in altari, Deus meus, Sanctus Sāctorum, creator omnium, & Dominus Angelorum. Sæpe in talibus videndis est curiositas hominum, & novitas invisorum: & modicus reportatur emendationis fructus, maximè ubi est tam levis sine vera contritione discursus. Hīc autem in Sacramento altaris totus præfens es, Deus meus, homo Christus Jesus: ubi & copiosius percipitur æternæ salutis fructus, quotiescumque fueris dignè, ac devotè susceptus. Ad istud autem, non trahit levitas aliqua, nec curiositas, aut sensualitas: sed firma fides, devota spes, & sincera charitas.

9. O invisibilis cōditor mundi Deus, quā mirabiliter agis nobiscum: quā suaviter, & graviter, & gratiosè cum electis tuis disponis, quibus temetipsum in Sacramento sumendum proponis. Hoc namque omnem intellectum superat: hoc specialiter devotorum corda trahit, &

accendit affectum . Ipsi enim veri fideles tui , qui totam vitam suam ad emendationem disponunt, ex hoc dignissimo Sacramento magnam devotionis gratiam , & virtutis amorem frequenter recipiunt .

10. O admirabilis , & abscondita gratia Sacramenti , quam nōrunt tantum Christi fideles : infideles autem , & peccatis servientes experiri non possunt. In hoc Sacramento confertur spiritualis gratia, & reparatur in anima virtus amissa : & per peccatum deformata redit pulchritudo . Tanta est aliquando hæc gratia , ut ex plenitudine collatæ devotionis non tantum mens , sed & debile corpus vires sibi præstitas sentiat ampliores .

11. Dolendum tamen valde est, & miserandum super tepiditate, & negligentia nostra , quod non majori affectu trahimur ad Christum sumendum : in quo tota spes salvandorum consistit , & meritum . Ipse enim est sanctificatio nostra , & redemptio : ipse consolatio Viatorum , & Sanctorum æterna fruitio . Dolendum itaque valde, quod multi tam parum hoc salutare mysterium advertunt , quod cælum lætificat , & mundum

conservat univēsum. Heu cæcitas . & duritia cordis humani, tam ineffabile donum non magis attendere , & ex quotidiano usu etiam ad inadvertentiam defluere !

12. Si enim hoc sanctissimum Sacramentum in uno tantum celebraretur loco, & ab uno tantum consecraretur Sacerdote in mundo; quanto putas desiderio ad illum locum, & ad talem Dei Sacerdotem homines afficerentur , ut divina mysteria celebrari audirent ? Nunc autem multi facti sunt Sacerdotes , & in multis locis offertur Christus : ut tantò major appareat gratia , & dilectio Dei ad hominem; quantò latius est sacra Communio diffusa per orbem . Gratias tibi Jesu bone, pastor æternæ, qui nos pauperes , & exules dignatus es pretioso corpore , & sanguine tuo reficere ; & ad hæc mysteria percipienda , etiam proprii oris tui alloquio invitare dicendo : Venite ad me omnes qui laboratis, & onerati estis, & ego reficiam vos .

CAP. II. *Quòd magna bonitas , &
charitas Dei in hoc Sacramento
exhibetur homini ,*

SUPER bonitate tua, & magna
misericordia tua , Domi-
ne, confisus accedo ego mi-
ser et æger ad Salvatorem , esu-
riens , & sitiens ad fontem vitæ ,
pauper et egenus ad Regem cœli ,
servus ad Dominum , creatura ad
Creatorem, desolatus ad meum pium
Consolatorem . Sed unde hoc mihi ,
ut venias ad me ? Quis ego sum , ut
præstes mihi te ipsum ? Quomodo
audet peccator coram te apparere ?
Et quomodo tu dignaris ad peccato-
rem venire ? Tu nôsti servum tuum,
& scis, quia nil boni in se habet , un-
de hoc ipsi præstes . Confiteor igitur
vilitatem meam , agnosco tuam bo-
nitatem ; laudo pietatem , & gratias
ago propter nimiam charitatem .
Propter temetipsum enim hoc fa-
cis , non propter mea merita : ut
bonitas tua mihi magis innotescat ,
charitas amplior ingeratur , & hu-
militas perfectiùs commēdetur. Quia
ergo tibi hoc placet , & tu sic fieri
iussisti , placet & mihi dignatio tua .

& utinam iniquitas mea non obstat.

2. O dulcissime, & benignissime Jesu, quanta tibi reverentia, & gratiarum actio cum perpetua laude, pro susceptione sacri corporis tui debetur: cujus dignitatem nullus hominum explicare potens invenitur! Sed quid cogitabo in hac Communionem, in accessu ad Dominum meum, quem debite venerari nequeo, & tamen devotè suscipere desidero? Quid cogitabo melius, & salubrius, nisi meipsum totaliter humiliando coram te, & tuam infinitam bonitatem exaltando supra me? Laudo te, Deus meus, & exalto in æternum. Despicio me, & subjicio tibi, in profundum vilitatis meæ.

3. Ecce tu Sanctus Sanctorum & ego sordes peccatorum. Ecce tu inclinas te ad me, qui non sum dignus ad te respicere. Ecce tu venis ad me, tu vis esse mecum, tu me invitas ad convivium tuum. Tu mihi dare vis cælestem cibum, & panem Angelorum ad manducandum: non alium sanè, quàm te ipsum, panem vivum, qui de cælo descendisti, & das vitam mundo.

4. Ecce, unde dilectio procedit, qualis

qualis dignatio illucescit. O quā magnæ gratiarum actiones, & laudes tibi pro his debentur. O quā salutare, & utile consilium tuum, cum istud instituisti! Quā suave, & jucundum convivium, cum te ipsum in cibum donāsti! O quā admirabilis operatio tua, Domine, quā potens virtus, quā ineffabilis veritas tua! Dixisti enim, & facta sunt omnia: & hoc factum est, quod ipse jussisti.

5. Mira res, & fide digna, ac humanum vincens intellectum, quod tu Domine Deus meus, verus Deus & homo, sub modica specie panis & vini integer contineris, & sine consumptione à fumente manducaris. Tu Domine universorum, qui nullius habes indigentiam, voluisti per Sacramentum tuum habitare in nobis: conserva cor meum & corpus immaculatum: ut læta, & pura conscientia sæpius valeam tua celebrare mysteria, & ad meam perpetuam accipere salutem, quæ ad tuum præcipue honorem, & memoriale perenne sanxisti, & instituisti.

6. Lætare anima mea, & gratias age Deo pro tam nobili munere, & solatio singulari, in hac lachrymarum

valle tibi relicto . Nam quoties hoc mysterium recolis , & Christi corpus accipis , toties tuæ redemptionis opus agis , & particeps omnium meritorum Christi efficeris . Charitas etenim Christi nunquam minuitur , & magnitudo propitiationis ejus nunquam exhauritur. Ideo nova semper mentis renovatione ad hoc disponere te debes , & magnæ salutis mysterium attenta consideratione pensare. Ita magnum, novum, & jucundum tibi videri debet , cum celebras, aut Missam audis, ac si eodem die Christus primùm in uterum Virginis descendens , homo factus esset: aut in Cruce pendens , pro salute hominum pateretur, & moreretur ,

CAP. III. *Quòd utile sit sæpè communicare .*

ECCE, ego venio ad te, Domine , ut bene mihi sit ex munere tuo, & lætificer in convivio sancto tuo , quod parasti in dulcedine tua pauperi Deus. Ecce, in te est totum, quod desiderare possum, & debeo; tu salus mea, & redemptio, spes & fortitudo , decus & gloria . Lætifica ergo hodie animam servi tui,

tui , quoniam ad te , Domine Jesu , animam meam levavi . Desidero te nunc devotè ac reverenter suscipere , cupio te in domum meam introducere , quatenus cum Zachæo merear à te benedici , ac inter filios Abrahamæ computari . Anima mea corpus tuum concupiscit , cor meum tecum uniri desiderat .

2. Trade te mihi , & sufficit . Nam præter te , nulla consolatio valet : sine te esse nequeo , & sine visitatione tua vivere non valeo . Ideoque oportet me frequenter ad te accedere , & in remedium salutis meæ recipere ; ne fortè deficiam in via , si fuero cœlesti fraudatus alimonia . Sic enim tu misericordissime Jesu , prædicans populis , & varios curans languiores aliquando dixisti : Nolo eos jejunos dimittere in domum suam , ne deficiant in via . Age igitur hoc modo mecum , qui te pro fidelium consolatione in Sacramento reliquisti . Tu es enim suavis refectio animæ ; & qui te dignè manducaverit , particeps , & hæres erit æternæ gloriæ . Necessarium mihi quidem est , qui tam sæpè laboro , & pecco ; tam citò torpesco , & deficio ; ut per frequentes orationes , & confessio-

nes , ac sacram tui corporis perceptionem , me renovem , mundem , & accendam; ne fortè diutiùs abstinen- do, à sancto proposito defluam .

3. Proni enim sunt sensus hominis ad malum ab adolescentia sua, & nisi succurrat divina medicina , labitur homo mox ad pejora . Retrahit ergo sancta Communio à malo , & confortat in bono . Si enim modò tam sæpe negligens sum , & tepidus, quando communico , aut celebros, quid fieret, si medelam non sumerem, & tam grande juvamen non quærerem ? Et licèt omni die non sim aptus , aut ad celebrandum bene dispositus ; dabo tamen operam , congruis temporibus divina percipere mysteria , ac tantæ gratiæ participem me exhibere , vel præbere . Nam hæc est una principalis fidelis animæ consolatio , quamdiu peregrinatur à te in mortali corpore: ut sit sæpius memor Dei sui, & dilectum suum devota suscipiat mente .

4. O mira circa nos , tuæ pietatis dignatio , quòd tu Domine Deus, creator , & vivificator omnium spirituum, ad pauperculam digneris venire animam : & cum tota divinitate tua , ac humanitate , ejus impinguare

guare esuriem . O felix mens, & beata anima , quæ te Dominum Deum suum meretur devotè suscipere, & in tua susceptione, spirituali gaudio repleri ! O quàm magnum suscipit Dominum ; quàm dilectum inducit hospitem ! Quàm jucundum recipit socium ! Quàm fidelem acceptat amicum ! Quàm speciosum , & nobilem amplectitur sponsum præ omnibus dilectis , & super omnia desiderabilia amandum ! Sileant à facie tua, dulcissime dilecte mi , cælum & terra, & omnis ornatus eorum, quoniam quicquid laudis habent , ac decoris, ex dignatione tuæ est largitatis : nec ad decorem tui pervenient nominis , cujus sapientiæ non est numerus .

CAP. IV. Quòd multa bona præstentur devotè communicantibus .

I. **D**OMINE Deus meus, præveni servum tuum in benedictionibus dulcedinis tuæ , ut ad tuum magnificum Sacramentum dignè , ac devotè merear accedere . Excita cor meum in te , & à gravi torpore exue me . Visita me in salutari tuo , ad gustandum in spiritu tuam suavitatem , quæ in hoc

Sacramento, tanquam in fonte, plenariè latet. Illumina quoque oculos meos ad intuendum tantum mysterium: & ad credendum illud indubitata fide, me roborâ. Est enim operatio tua, non humana potentia, tua sacra institutio, non hominis adinventio. Non enim ad hæc capiendâ, & intelligendâ aliquis idoneus per se reperitur, quæ Angelicam etiam subtilitatem transcendunt. Quid ergo ego peccator indignus, terra, & cinis, de tam alto Sacramento poterò investigare, & capere?

2. Domine, in simplicitate cordis, in bona firma fide, & in tua iussione, ad te cum spe, ac reverentia accedo & verè credo, quia tu præsens es hîc in Sacramento, Deus, & homo. Vis ergo, ut te suscipiam, & me ipsum tibi in charitate uniam. Unde tuam precor clementiam, & specialem ad hoc imploro mihi donari gratiam; ut totus in te liquefiam, & amore pereffluam, atque de nulla aliena consolatione amplius me intror mittam. Est enim hoc altissimum, & dignissimum Sacramentum salus animæ & corporis, medicina omnis spiritualis languoris in quo vitia me curantur, passiones franguntur, tentatio-

tationes vincuntur, & minuuntur : gratia major infunditur, virtus incepta augetur, firmatur fides, spes roboratur, & charitas ignescit, & dilatatur.

3. Multa namque bona largitus es, & adhuc sæpius largiris in hoc Sacramento dilectis tuis devotè communicantibus, Deus meus, susceptor animæ meæ, reparator infirmitatis humanæ, & totius dator consolationis æternæ. Nam multā ipsi consolationem, adversus variam tribulationem infundis : & de imo dejectionis propriæ, ad spem tuæ protectionis erigis : atque nova quadam gratia eos intus recreas, & illustras : ut qui anxii primum, & sine affectione se ante Communionem senserant, postea resecti cibo, potuque cælesti in melius se mutatos inveniant. Quod iccirco cum electis tuis ita dispensanter agis : ut veraciter agnoscant, & patenter experiantur, quàm nihil ex semetipsis habeant, & quid bonitatis ac gratiæ ex te consequantur. Quia ex semetipsis frigidi, duri, ac indevoti, ex te autem ferventes, alacres, & devoti esse merentur. Quis enim ad fontem suavitatis humiliter accedens, non modicum suavitatis inde nō

reportat? aut quis juxta ignem copiosum stans, non parum caloris inde non percipit? Et tu fons es semper plenus, & superabundans, ignis jugiter ardens, & nunquam deficiens.

4. Unde si mihi non licet haurire de plenitudine fontis, nec usque ad satietatem potare, apponam tamen os meum ad foramen cœlestis fistulæ: ut saltem iade guttulam modicam capiam ad refocillandam sitim meam, ut non penitus exarescam. Et si necdum totus cœlestis, & tam ignitus (ut Cherubim, & Seraphim) esse possim: conabor tamen devotioni insistere, & cor meum præparare: ut vel modicam divini incendii flammam, ex humili sumptione vivifici Sacramenti conquiram. Quicquid autem mihi deest, bone Jesu, Salvator sanctissime, tu pro me supple benignè, ac gratosè, qui omnes ad te dignatus es vocare dicens: Venite ad me omnes, qui laboratis, & onerati estis, & ego reficiam vos.

5. Ego quidem laboro in sudore vultus mei, dolore cordis torqueor, peccatis oneror, tentationibus inquietor, multis malis passionibus implicor, & premor: & non est qui adjuvet, non est qui liberet, & sal-
vum

vum faciat , nisi tu Domine Deus ,
Salvator meus : cui committo me , &
omnia mea , ut me custodias & per-
ducas in vitam æternam. Suscipe me
in laudẽ , & gloriam nominis tui, qui
corpus tuum , & sanguinem , in ci-
bum , & potum mihi parãsti . Præsta
Domine Deus salutaris meus, ut cum
frequentatione mysterii tui , crescat
meæ salutis , & devotionis affectus .

*CAP. V. De dignitate Sacramenti,
& statu Sacerdotali .*

1. **S**I haberes Angelicam purita-
tem, & Sancti Joannis Bap-
tistæ sanctitatem; non esses
dignus hoc Sacramentum accipere,
nec tractare . Non enim hoc debetur
meritis hominum , quodd homo con-
secret & tractet Christi Sacramen-
tum : ut sumat in cibum panem An-
gelorum. Grande mysterium, & ma-
gna dignitas Sacerdotum, quibus da-
tum est , quod Angelis non est con-
cessum . Soli namque Sacerdotes in
Ecclesia ritè ordinati, potestatem ha-
bent celebrandi , & corpus Christi
consecrandi . Sacerdos quidem mi-
nister est Dei , utens verbo Dei per-
jussionem & institutionem Dei ;
Deus

Deus autem ibi principalis est auctor & invisibilis operator ; cui subest omne, quod voluerit, & paret omne, quod jusserit.

2. Plus ergo credere debes Deo omnipotenti in hoc excellentissimo Sacramento , quàm proprio sensui , aut alicui signo visibili. Ideoque cum timore , & reverentia ad hoc opus est accedendum . Attende igitur , & vide cujus ministerium tibi traditum est per impositionem manûs Episcopi . Ecce , Sacerdos factus es , & ad celebrandum consecratus : vide nunc ut fideliter , & devotè in suo tempore , Deo Sacrificium offeras , & te ipsum irreprehensibilem exhibeas . Non alleviasti onus tuum, sed arctiori jam alligatus es vinculo disciplinæ, & ad majorem teneris perfectionem sanctitatis . Sacerdos omnibus virtutibus debet esse ornatus, & aliis bonæ vitæ exemplum præbere . Ejus conversatio non cum popularibus, & communibus hominum viis, sed cum Angelis in cælo, aut cum perfectis viris in terra .

3. Sacerdos sacris vestibus indutus, Christi vices gerit; ut Deum pro se , & pro omni populo , suppliciter , & humiliter roget. Habet ante se, &
retro

retrò Dominicæ Crucis signum , ad memorandam jugiter Christi passionem . Ante se crucem in Casula portat , ut Christi vestigia diligenter inspiciat , & sequi fruenter studeat . Post se cruce signatus est , ut adversa quælibet illata ab aliis , clementer pro Deo toleret . Ante se crucem gerit , ut propria peccata lugeat : Post se , ut aliorum etiam commissa per compassionem defleat , & se medium inter Deum , & peccatorem , constitutum esse sciat . Nec ab oratione , nec ab oblatione sancta torpescat , donec gratiam , & misericordiam impetrare mereatur . Quando Sacerdos celebrat , Deum honorat , Angelos lætificat , Ecclesiam ædificat , vivos adjuvat , defunctis requiem præstat , & sese omnium bonorum participem efficit .

CAP. VI. *Interrogatio de exercitio ante Communienem.*

I. **C**UM tuam dignitatē , Domine ; & meam vilitatem penso , valde contremisco , & in me ipso confundor . Si enim non accedo , vitam fugio ; & si indignè me ingesserō , offensam incurro .

Quid

Quid ergo faciam, Deus meus, auxiliator meus, & consiliator in necessitatibus?

2. Tu doce me viam rectam, propone breve aliquod exercitium, sacræ Communioni congruum. Utile est enim scire, qualiter, scilicet devotè, ac reverenter, tibi præparare debeam cor meum, ad recipiendum salubriter tuum Sacramentum, seu etiam celebrandum tam magnum, & divinum Sacrificium.

CAP. VII. *De discussione propriæ conscientie, & emendationis proposito.*

1. **S**UPER omnia, cum summa humilitate cordis, & supplicii reverentia, cum plena fide, & pia intentione honoris Dei, ad hoc Sacramentum celebrandum, tractandum, & sumendum, oportet accedere Dei Sacerdotem. Diligenter examina conscientiam tuam, & pro posse tuo, vera contritione, & humili confessione eam munda, & clarifica: ita ut nil grave habeas, aut scias, quod te remordeat, & liberum accessum impediat. Habeas displicentiam omnium peccatorum tuorum

rum in generali , & pro quotidianis excessibus magis in speciali doleas , & gemas. Et, si tempus patitur, Deo, in secreto cordis , cunctas confitere passionum tuarum miseras .

2. Ingemisce , & dole , quòd adhuc ita carnalis sis , & mundanus ; tam immortificatus à passionibus , tam plenus concupiscentiarum motibus , tam incustoditus in sensibus exterioribus , tam sæpè multis vanis phantasiis implicatus , tam multum inclinatus ad exteriora , tam negligens ad interiora , tam levis ad risum , & dissolutionem , tam durus ad fletum , & compunctionem , tam promptus ad laxiora , & carnis comoda , tam segnis ad rigorem , & fervorem , tam curiosus ad nova audienda , & pulchra intuenda , tam remissus ad humilia , & vilia amplectenda , tam cupidus ad multa habenda , tam parcus ad dandum , tam tenax ad retinendum , tam inconsideratus in loquendo , tam incontinens ad tacendum , tam incompositus in moribus , tam importunus in actibus , tam effusus super cibum , tam surdus ad Dei verbum , tam velox ad quietem , tam tardus ad laborem , tam vigilans ad fabulas , tam somnolentus ad vigilias sacras ,

facras , tam festinus ad finem , tam vagus ad attendendum , tam negligens in Horis persolvendis , tam tepidus in celebrando , tam aridus in communicando ; tam citò distractus : tam rarò tibi bene collectus ; tam subito commotus ad iram ; tam facilis ad alterius displicentiam ; tam pronus ad judicandum ; tam rigidus ad arguendum ; tam lætus ad prospera , tam debilis in adversis , tam sæpè multa bona proponens , & modicum ad effectum perducens .

3. His , & aliis defectibus tuis , cum dolore , & magna displicentia propriæ infirmitatis , confessis , & deploratis , firmum statue propositum emendandi vitam tuam , & semper in melius proficiendi . Deinde cum plena resignatione , & integra voluntate , offer teipsum in honorem nominis mei , in ara cordis tui holocaustum perpetuum , corpus tuum scilicet , & animam mihi fideliter committendo , quatenus sic dignè merearis ad offerendum Deo sacrificium accedere , & Sacramentum corporis mei salubriter suscipere .

4. Non est enim oblatio dignior , & satisfactio major pro peccatis diluendis , quàm se ipsum purè , & integre ,

tegrè , cum oblatione corporis Christi in Missa , & in Communione Deo offerre . Si homo fecerit , quod in se est , & verè pœnituerit , quotiescumque pro venia , & gratia ad me accesserit , vivo ego , dicit Dominus (qui nolo mortem peccatoris , sed magis ut convertatur , & vivat) quoniam peccatorum suorum non recordabor ampliùs , sed cuncta ipsi indulta erunt .

*CAP. VIII. De oblatione Christi in
Cruce, & propria resignatione .*

1. **S**ICUT ego me ipsum , expansis in Cruce manibus , & nudo corpore , pro peccatis tuis Deo Patri spontè obtuli , ita ut nihil in me remaneret , quin totum in sacrificium divinæ placationis transferit : ita debes & tu temetipsum mihi voluntariè in oblationem puram , & sanctam , quotidie in Missa , cum omnibus viribus , & affectibus tuis , quantò intimiùs vales , offerre . Quid magis à te requiro , quàm ut te studeas mihi ex integro resignare ? Quid quid præter temetipsum das , nihil curo , quia non quero datum tuum , sed te .

2. Sicut

2. Sicut non sufficeret tibi omnibus habitis , præter me , ita nec mihi placere poterit , quicquid dederis , te non oblato . Offer te mihi , & da totum pro Deo , & erit accepta oblatio . Ecce ego me totum obtuli Patri pro te , dedi etiam totum corpus meum in cibum , & sanguinem in potum , ut totus tuus essem , & tu meus permaneres . Si autem in teipso steteris , nec sponte te ad voluntatem meam obtuleris , non est plena oblatio , nec integra erit inter nos unio . Ideo omnia opera tua præcedere debet spontanea tuum ipsius in manus Dei oblatio , si libertatem consequi vis , & gratiam . Idem enim tam pauci illuminati , & liberi intus efficiuntur , quia se ipsos ex toto abnegare nesciunt . Est firma sententia mea : Nisi quis renunciaverit omnibus , non potest meus esse discipulus . Tu ergo si optas meus esse discipulus , offer te ipsum mihi cum omnibus affectibus tuis .

CAP. IX. *Quòd nos , & omnia nostra
Deo debemus offerre , & pro
omnibus orare .*

1. **D**OMINE, omnia tua sunt,
quę in cęlo sunt, & in ter-
ra : Desidero me ipsum
tibi in spontaneam oblationem offer-
re, & tuis perpetuò permanere. Do-
mine , in simplicitate cordis mei of-
fero meipsum tibi hodie in servum
sempiternum, in obsequium, & in
sacrificium laudis perpetuę. Suscipe
me cum hac sancta oblatione tui pre-
tiosi corporis , quam tibi hodie in
pręsentia Angelorum , invisibiliter
assistentium , offero : ut sit pro me ,
& pro cuncto populo tuo in salutem .

2. Domine , offero tibi omnia
peccata, & delicta mea, quę commi-
si coram te , & sanctis Angelis tuis,
à die , quo primùm peccare potui us-
que ad diem hanc , super placabili
altari tuo: ut tu omnia pariter incen-
das, & comburas igne charitatis tuę,
& deleas universas maculas peccato-
rum meorum & conscientiam meam
ab omni delicto emundes , & resti-
tuas mihi gratiam tuam , quam pec-
cando amisi , omnia mihi plenè in-
dul-

dulcendo , & in osculum pacis me
misericorditer assumendo .

3. Quid possum agere pro peccatis meis , nisi humiliter ea confitendo , & lamentando , & tuam propitiationem incessanter deprecando ? Deprecor te , exaudi me propitijs , ubi aſto coram te , Deus meus . Omnia peccata mea mihi maximè displicent , nolo ea unquam ampliùs perpetrare : sed pro eis doleo , & dolebo , quamdiu vixero , paratus pœnitentiã agere , & pro posse satisfacere . Dimitte mihi Deus , dimitte mihi peccata mea , propter nomen sanctum tuum : salva animam meam , quam pretioso sanguine tuo redemisti . Ecce committo me misericordiæ tuæ , resigno me manibus tuis . Age mecum secundùm bonitatem tuam , non secundùm meam malitiam , & iniquitatem .

4. Offero etiam tibi omnia bona mea , quamvis valde pauca , & imperfecta ; ut tu ea emendes , & sanctifices ; ut ea grata habeas , & accepta tibi facias , & semper ad meliora trahas ; necnon ad beatum , ac laudabilem finem me pigrum , & inutilem homuncionem perducas .

5. Offero quoque tibi omnia pia
desi-

desideria devotorum, necessitates parentum, amicorum, fratrum, sororum, omniumque charorum meorum, & eorum qui mihi, vel aliis propter amorem tuum benefecerunt: & qui orationes, & Missas pro se, suisque omnibus, dici à me desideraverunt, & petierunt, sive in carne adhuc vivant, sive jam sæculo defuncti sint: ut omnes sibi auxilium gratiæ tuæ, opem consolationis, protectionem à periculis, liberationem à pœnis advenire sentiant, & ut ab omnibus malis erepti, gratias tibi magnificas læti persolvant.

6. Offero etiam tibi preces, & hostias placationis, pro illis specialiter, qui me in aliquo læserunt, contristaverunt, aut vituperaverunt, vel aliquod damnum, vel gravamen intulerunt, pro his quoque omnibus, quos aliquando contristavi, conturbavi, gravavi, & scandalizavi, verbis, factis, scienter, vel ignoranter: ut nobis omnibus pariter indulgeas peccata nostra, & mutuas offensiones. Aufer, Domine, à cordibus nostris omnem suspicionem, indignationem, iram, & disceptationem: & quicquid potest charitatem lædere, & fraternam dilectionem minuere.

Mise-

Miserere Domine , misericordiam tuam poscentibus , da gratiam indigentibus : & fac nos tales existere , ut simus digni gratia tua perfrui , & ad vitam proficiamus æternam. Amen .

CAP. X. *Quòd sacra Communio de facili non est relinquenda .*

1. **F**REQUENTER recurrendum est ad fontem gratiæ , & divinæ misericordiæ , ad fontem bonitatis , & totius puritatis : quatenus à passionibus tuis , & vitiis curari valeas , & contra universas tentationes , & fallacias diaboli fortior , atque vigilantior efficerearis. Inimicus sciens fructum & remedium maximum in sacra Communionem positum , omni modo , & occasione nititur fideles , & devotos , quantum prævaleat , retrahere , & impedire .

2. Cùm enim quidam sacrę Communioni se aptare disponunt , peiores Saternæ immissiones patiuntur. Ipse nequam spiritus (ut in Job scribitur) venit inter filios Dei : ut solita eos nequitia perturbet , aut timidos nimium reddat , & perplexos : quatenus affectum eorum minuat ,
vel

vel fidem impugnando auferat: si forte, aut omnino Communionem relinquunt, aut cum tempore accedant. Sed non est quicquam curandum de veris, & phantasiis illius, quantumlibet turpibus, & horridis, sed cuncta phantasmata in caput ejus sunt retorquenda. Contemnendus est miser, & deridendus, nec propter insultus ejus, & commotiones, quas suscitatur, sacra est omittenda Communio.

3. Sæpe etiam impedit nimia sollicitudo pro devotione habenda, & anxietas quædam de confessione facienda. Age secundum consilium Sapientum, & depone anxietatem, & scrupulum: quia gratiam Dei impedit, & devotionem mentis destruit. Propter aliquam parvam tribulationem, vel gravitatem, sacram ne dimittas Communionem; sed vade citius confiteri, & omnes offensiones aliis libenter indulge. Si vero tu aliquem offendisti, veniam humiliter precare, & Deus libenter indulgebis tibi.

4. Quid prodest diu tardare Confessionem, aut sacram differre Communionem? Expurga te cum primis, expue volociter venenum, festina.

accipere remedium, & senties melius quàm si diù distuleris. Si hodie propter istud dimittis, cras forsitan aliud majus eveniet: & sic diu posses à Cōmunionem impediri, & magis ineptus fieri. Quantò citius vales, à præsenti gravitate, & inertia te ipsū excutias: quia diù nihil prodest anxari, diu cū turbatione transire, & ob quotidiana obstacula se à divinis sequestrare. Immo plurimùm nocet diù Communionem protelare: nam & gravem torporem consuevit inducere. Proh dolor! quidam tepidi, & disoluti, moras confitendi libenter accipiunt, & Communionem sacram viccirò differri cupiunt, ne ad majorem suā custodiam se dare teneantur.

5. Heu, quàm modicam charitatem, & debilem devotionem habent, qui sacram Cōmunionem tam faciliter postponunt! Quàm felix ille, & Deo acceptus habetur, qui sic vivit, & tali puritate conscientiam suam custodit, ut etiam omni die communicare paratus, & bene affectus esset si ei liceret, & sine nota id agere posset. Si quis interdum abstinere humilitatis gratia, aut legitima impediēte causa, laudandus est de reverentia. Si autem torpor obrepserit,

rit, se ipsum excitare debet, & facere quod in se est, & Dominus aderit desiderio suo pro voluntate, quam specialiter respicit.

6. Cum verò legitimè præpeditus est, habebit semper bonam voluntatem, & piam intentionem communicandi, & sic non carebit fructu Sacramenti. Potest enim quilibet devotus omni die, & omni hora, ad spiritalem Christi Communionem salubriter, & sine prohibitione accedere, & tamen certis diebus, & statuto tempore, corpus sui Redemptoris, cum affectuosa reverentia sacramentaliter debet suscipere, & magis laudem Dei, & honorem prætere, quàm suam consolationem quærere. Nam toties mysticè communicat, & invisibiliter reficitur, quoties Incarnationis Christi mysterium, passionemque devotè recolit, & in amorem ejus accenditur.

7. Qui aliter se non præparat, nisi instante festo, vel consuetudine compellente, sæpius imparatus erit. Beatus, qui se Domino in holocaustū offert, quoties celebrat, aut communicat. Non sis in celebrando nimis prolixus, aut festinus, sed serva bonum & communem modum eorum, cum

quibus vivis. Non debes aliis generare molestiam, & tædium, sed communem servare viam, secundum Majorum institutionem: & potius aliorum servire utilitati, quam propriæ devotioni, vel affectui.

CAP. XI. *Quod corpus Christi, & sacra Scriptura maximè sunt anime fideli necessaria.*

1. **O** *DULCISIME* Domine Jesu, quanta est dulcedo devotæ animæ tecum epulantis in convivio tuo: ubi ei non alius cibus manducandus proponitur, nisi tu unicus dilectus ejus, super omnia desideria cordis ejus desiderabilis. Et mihi quidem dulce foret in præsentia tua, & intimo affectu lachrymas fundere, & cum pia Magdalena pedes tuos lachrymis irrigare. Sed ubi est hæc devotio? Ubi lachrymarum sanctarum copiosa effusio? Certè in conspectu tuo, & sanctorum Angelorum tuorum, totum cor meum ardere deberet, & ex gaudio flere. Habeo enim te in Sacramento, verè præsentem, quamvis aliena specie occultatum.

2. Nam in propria, & divina clari-

claritate te conspiciere oculi mei ferre non possunt, sed neque totus mundus in fulgore maiestatis tuæ subsisteret. In hoc ergo imbecillitati meæ consulis, quod te sub Sacramento abscondis. Habeo verè, & adoro, quem Angeli adorant in cœlo, sed ego adhuc interim in fide, illi autem in specie, & sine velamine. Me oportet contentum esse in lumine veræ fidei, & in ea ambulare, donec aspi-ret dies æternæ claritatis, & umbræ figurarum inclinentur. Cùm autem venerit quod perfectum est, cessabit usus Sacramentorum, quia Beati in gloria cœlesti non egent medicamine sacramentali, gaudent enim sine fine in præsentia Dei, facie ad faciem gloriam ejus speculantes: & de claritate in claritatem abyssalis Deitatis transformati, gustant Verbum Dei carnem factum, sicut fuit ab initio, & manet in æternum.

3. Memor cùm sim horū mirabiliū, grave mihi fit tædium, etiam quodlibet spirituale solatium, quia quamdiu Dominum meum apertè in sua gloria non video, pro nihilo duco omne, quod in mundo conspicio, & audio. Testis es tu mihi Deus, quia nulla res potest me consolari; nulla

creatura quietare, nisi tu Deus meus, quem desidero æternaliter contemplari. Sed non est hoc possibile, durante me in hac mortalitate. Ideo oportet, ut me ponam ad magnam patientiam, & me ipsum in omni desiderio tibi submittam. Nam & Sancti tui, Domine, qui tecum jam in Regno cœlorum exultant, in fide, & patientia magna, dum viverent, adventum gloriæ tuæ expectabant. Quod illi crediderunt, ego credo; quod illi speraverunt, ego spero; quod illi per venerunt, per gratiam tuam me venturum confido. Ambulabo interim in fide, exemplis confortatus Sanctorum. Habebo etiam libros sanctos pro solatio, & vitæ speculo, atque super hæc omnia sanctissimum Corpus tuum pro singulari remedio, & refugio.

4. Duo namque mihi necessaria permaximè sentio in hac vita, sine quibus importabilis mihi foret ista miserabilis vita. In carcere corporis huius detentus, duobus me egere fateor, cibo scilicet, & lumine. Dediti itaque mihi infirmo, sacrum corpus tuum ad refectiorem mentis, & corporis: & posuisti lucernam pedibus meis, verbum tuum. Sine his duobus benè vivere non possem: nam

verbum Dei lux animæ est: & Sacramentum tuum panis vitæ. Hæc possunt etiam dici mensæ duæ, hinc, & inde in gazophylacio sanctæ Ecclesiæ positæ. Una mensa est sacri altaris, habens panem sanctum, id est, corpus Christi pretiosum: altera est divinæ legis continens doctrinam sanctam, erudiens fidem rectam; & firmiter usque ad interiora velaminis, ubi sunt sancta sanctorum, perducingens. * *Gratias* tibi Domine Jesu, lux lucis æternæ, pro doctrinæ sacre mensa, quam nobis per servos tuos Prophetas, & Apostolos, aliosque Doctores ministrasti.

5. * *Gratias* tibi Creator, ac Redemptor hominum, qui ad declarandam toti mundo charitatem tuam, cœnam parasti magnam, in qua non agnum typicum, sed tuum sanctissimum corpus, & sanguinem proposuisti manducandum: lætificans omnes fideles convivio sacro, & calice inebrians salutari; in quo sunt omnes deliciæ Paradisi, & epulantur nobiscum Angeli sancti, sed suavitate feliciori.

6. O quàm magnum, & honorabile est officium Sacerdotum, quibus datum est Dominum majestatis

verbis sacris consecrare, labiis benedicere, manibus tenere, ore proprio fumere, & cæteris ministrare! O quàm mundæ debent esse manus illæ, quàm purum os, quàm sanctum corpus, quàm immaculatum cor Sacerdotis, ad quem toties ingreditur Auctor puritatis. Ex ore Sacerdotis nihil nisi sanctum, nihil nisi honestum, & utile procedere debet verbum, qui tam sæpe Christi accipit Sacramentum.

7. Oculi ejus simplices, & pulchri, qui Christi corpus solent intueri. Manus puræ, & in cælum elevatæ, quæ Creatorem cœli, & terræ solent contrectare. Sacerdotibus specialiter in Lege dicitur: Sancti estote, quoniam ego sanctus sum, Dominus Deus vester.

8. * *Adjuvet* nos gratia tua omnipotens Deus, ut qui officium Sacerdotale suscepimus, dignè, ac devotè in omni puritate, & conscientia bona tibi famulari valeamus. Et si non possumus in tanta innocentia vitæ conversari, ut debemus; concede nobis tamen dignè flere mala, quæ gessimus, & in humilitatis ac bonæ voluntatis proposito, tibi ferventiùs de cætero deservire.

CAP.

CAP. XII. *Quòd magna negligentia
se debeat comunicaturus Chri-
sto, præparare.*

1. **E**GO sum puritatis amator,
& dator sanctitatis. Ego
cor purum quæro, & ibi
locus requietionis meæ. Para mihi
cœnaculum grande stratum, & fa-
ciam apud te pascha cum Discipulis
meis. Si vis veniam ad te, & apud te
maneam; expurga vetus fermentum,
& munda cordis tui habitaculum.
Exclude totum sæculum, & omnem
vitiatorum tumultum: sede tanquam
passer solitarius in tecto, & cogita ex-
cessus tuos amaritudine animæ tuæ.
Omnis namque amans, suo dilecto
amatori optimum, & pulcherrimum
præparat locum, quia in hoc cognos-
citur affectus suscipientis dilectum.

2. Scito tamen te non posse sa-
tisfacere huic præparationi ex méri-
to tuæ actionis, etiamsi per integrum
annum te præparares, & nihil aliud
in mente haberes. Sed ex sola pieta-
te, & gratia mea permitteris ad men-
sam meam accedere, ac si mendicus
ac prandium vocaretur divitis, & ille
nihil aliud habeat ad retribuendum

beneficiis ejus, nisi se humiliando, & regratiando. Fac, quod in te est, & diligenter facito: non ex consuetudine, non ex necessitate, sed cum timore, & reverentia, & affectu; accipe corpus dilecti Domini Dei tui, dignantis ad te venire. Ego sum qui te vocavi, ego jussi fieri; ego supplebo quod tibi deest: veni, & suscipe me.

3. Cum gratiā devotionis tribuo, gratias age Deo tuo: non quia dignus es, sed quia tui misertus sum. Si non habes fervorem, sed magis aridum te sentis, insiste orationi, ingemisce, & pulsa: ne desistas donec merearis micam, aut guttam gratiæ salutaris accipere. Tu mei indiges, non ego tui indigeo. Nec tu me sanctificare venis, sed ego te sanctificare, & meliorare venio. Tu venis, ut ex me sanctificeris, & mihi uniaris; ut novam gratiam recipias, & de novo ad emendationem accendaris. Noli negligere hanc gratiam; semper præpara cum omni diligentia cor tuum, & introduce ad te dilectum tuum.

4. Oportet autem, ut non solum præpares te ad devotionem ante Communionem, sed ut etiam te sollicitè conserves in ea post Sacramenti perceptionem. Nec minor custodia post

exigitur, quàm devota præparatio ante. Nam bona postmodum custodia, optima interdum est præparatio, ad majorem gratiam consequendam. Ex eo quippe valde indispositus quis redditur, si statim fuerit nimis effusus ad exteriora solatia. Cave à multiloquio, mane in secreto, & fruire Deo tuo. Ipsum enim habes, quem totus mundus tibi auferre non potest. Ego sum, cui te totum dare debes, ita ut jam ultra non in te, sed in me absque omni sollicitudine vivas.

CAP. XIII. *Quòd toto corde anima devota, Christi unionem in Sacramento affectare debet.*

1. **Q**UIS mihi det, Domine ut inveniam te solum, & aperiam tibi totum cor meum, & fruam te sicut desiderat anima mea: & jam me nemo despiciat, nec ulla creatura me moveat, vel respiciat, sed tu solus mihi loquaris, & ego tibi, sicut solet dilectus ad dilectum loqui, & amicus cum amico convivari? Hoc oro, hoc desidero, ut tibi totus uniar, & cor meum ab omnibus creatis rebus ab-

straham, magisque per sacram Communionem, ac frequentem celebrationem, cœlestia, & æterna sperare discam. Ah Domine Deus, quando ero tecum totus unitus, & absorptus, meique totaliter oblitus: Tu in me, & ego in te? & sic nos pariter in unum manere concede.

2. Verè tu es dilectus meus, electus ex millibus, in quo complacuit animæ meæ habitare omnibus diebus vitæ suæ. Verè tu pacificus meus, in quo pax summa, & requies vera, extra quem labor, & dolor, & infinita miseria. Verè tu es Deus absconditus, & consilium tuum non est cum impiis, sed cum humilibus, & simplicibus sermo tuus. O quàm suavis est spiritus tuus, Domine, qui ut dulcedinem tuam in filios demonstrares, pane suavissimo, de cœlo descendente, illos reficere dignaris! Verè non est alia natio tam grandis quæ habeat Deos appropinquantes sibi, sicut tu Deus noster ades universis fidelibus tuis: quibus ad quotidianum solatium, & cor erigendum in cœlum, te tribuis ad edendum, & fruendum.

3. Quæ est enim alia Gens tam inclyta, sicut plebs Christiana? Aut
quæ

quæ creatura sub cœlo tam dilecta ,
ut anima devota ad quam ingreditur
Deus , ut pascat eam carne sua glo-
riosa ? O ineffabilis gratia ! ô admi-
rabilis dignatio ! ô amor immensus
homini singulariter impensus ! Sed
quid retribuam Domino pro gratia
istâ , pro charitate tam eximia ? Non
est aliud , quod gratius donare queam ,
quàm ut cor meum Deo meo totali-
ter tribuam , & intimè jungam .
Tunc exultabunt omnia interiora
mea , cùm perfectè fuerit unita Deo
anima mea . Tunc dicet mihi : Si tu
vis esse mecum , ego volo esse tecum .
Et ego respondebo illi : Dignare
Domine manere mecum , ego volo
libenter esse tecum . Hoc est totum
desiderium meum , ut cor meum tibi
sit unitum .

*CAP. XIV. De quorundam devoto-
rum ardenti desiderio ad corpus
Christi .*

I. **Q**uàm magna multitudo
dulcedinis tuæ Domine,
quàm abscondisti timen-
tibus te ! Quando recorder devoto-
rum aliquorum , ad Sacramentum
tuum Domine cùm maxima devo-
tione,

tionem, & affectu accedentium; tunc sæpius in me ipso confundor, & erubesco, quod ad altare tuum, & sacræ Communionis mensam, tam tepidè, & frigidè accedo: quod ita aridus, & sine affectione cordis maneo: quod non sum totaliter accensus coram te Deo meo, nec ita vehementer attractus & affectus, sicut multi devoti fuerunt, qui præ nimio desiderio Communionis, & sensibili cordis amore, à fletu se non potuerunt abstinere: sed ore cordis, & corporis pariter ad te Deum fontem vivum medullitus inhiabant, suam esuriem non valentes aliter temperare, nec satiare, nisi corpus tuum cum somni jucunditate, & spiritali aviditate, accepissent.

2. O vera ardens fides eorum, probabile existens argumentum sacræ præsentie tuæ. Isti enim veraciter cognoscunt Dominum suum in fractione panis, quorum cor tam vividè ardet in eis, de Jesu ambulante cum eis. Longè est à me sæpè talis affectus, & devotio, tam vehemens amor, & ardor: *Esto mihi propitius, Jesu bone, dulcis, & benigne: & concede pauperi mendico tuo, vel interdum modicum de cordiali affectu amoris tui in sacra Communionem*

ne sentire ; ut fides mea magis convalescat ; spes in bonitate tua proficiat : & charitas semel perfectè accensa , & cœleste manna experta nunquam deficiat .

3. Potens est autem misericordia tua etiam gratiam desideratam mihi præstare , & in spiritu ardoris , cùm dies beneplaciti tui advenerit , me clementissimè visitare . Etenim licèt tanto desiderio tam specialium devotorum tuorum non ardeo , tamen de gratia tua illius magis inflammari desiderii desiderium habeo ; orans , & desiderans , omnium talium fervidorum amatorum tuorum participem me fieri , ac eorum sancto confortio annumerari .

CAP. XV. *Quòd gratia devotionis , humilitate , & sui ipsius abnegatione acquiritur .*

1. **O**PORTET te devotionis gratiam instanter quærere , desideratè petere , patienter , & fiducialiter expectare , gratanter recipere , humiliter conservare , studiosè cum ea operari , ac Deo tempus , & modum supernæ visitationis , donec veniat , committere .
Humi-

Humiliare præcipuè te debes, cum parum, aut nihil devotionis interius sentis, sed non nimium dejici, nec inordinatè cōtristari. Dat sèpè Deus in uno brevi memento, quod longo negavit tempore. Dat quandoque in fine, quod in principio orationis distulit dare.

2. Si semper citò gratia daretur & pro voto adesset, non esset infirmò homini bene portabile. Propterea in bona spe & humili patientia expectanda est devotionis gratia. Tibi tamen, & peccatis tuis imputa, cum non datur, vel etiam occultè tollitur. Modicum quandoque est, quod gratiam impedit, & abscondit: si tamen modicum, & non potius grande dici debeat, quod tantum bonum prohibet. Et si hoc ipsum grande, vel modicum amoveris, & perfectè viceris, erit quod petisti.

3. Statim namque, ut te Deo ex toto corde tradideris, nec hoc, vel illud pro tuo libito, seu velle quæseris, sed integrè te in ipso posueris, unitum te invenies, & pacatum; quia nil ita bene sapiet, & placebit, sicut beneplacitum divinæ voluntatis. Quisquis ergo intentionem suam simplici corde sursum ad Deum levaverit; seque ab omni inordinato amore

amore seu displicentia cujuslibet rei creatæ evacua verit, aptissimus gratiæ percipiendæ, ac dignus devotionis munere erit. Dat enim Dominus ibi benedictionem suam, ubi vasa vacua invenerit. Et quantò perfectiùs infimis quis renuntiaverit, & magis sibiipfi per contemptum suū moritur, tantò gratia celerius venit, copiosius intrat, & altiùs liberum cor elevat.

4. Tunc videbit, & affluet, & mirabitur, & dilatabitur cor ejus in ipso; quia manus Domini cum eo, & ipse se posuit totaliter in manu ejus usque in sæculum. Ecce sic benedicitur homo, qui quærit Deum in toto corde suo, nec in vanum accipit animam suam. Hic in vanum accipiendo sacram Eucharistiam, magnā promeretur divinæ unionis gratiam; quia non respicit ad propriam devotionem, & consolationem, sed ad Dei gloriam, & honorem.

CAP. XVI. Quòd necessitates nostras Christo aperire, & ejus gratiam postulare debemus.

I. **O** *Dulcissime, atque amantissime Domine, quem nunc devotè desidero suscipere,*

cipere , tu scis infirmitatem meam & necessitatem meam, quam patior; in quantis malis, & vitiis jaceo; quàm sæpè sum gravatus, tentatus, turbatus, & inquinatus. Pro remedio ad te venio, pro consolatione, & levamine te deprecor. Ad omnia scientem loquor, cui manifesta sunt omnia interiora mea, & qui solus potes me perfectè consolari, & adjuvare. Tu scis, quibus bonis indigeo præ omnibus, & quàm pauper sum in virtutibus.

2. Ecce, sto ante te pauper, & nudus, gratiam postulans, & misericordiam implorans. Refice esurientem, mendicum tuum; accende frigiditatem meam igne amoris tui; illumina cæcitatem meam claritate præsentiae tuæ. Verte mihi omnia terrena in amaritudinem, omnia gravia, & contraria in patientiam, omnia infirma & creata in contemptum, & oblivionem. Erige cor meum ad te in cælum, & ne dimittas me vagari super terram. Tu solus mihi ex hoc jam dulcescas usque in sæculum, quia tu solus cibus, & potus meus, & gaudium meum, dulcedo mea, & totum bonum meum.

3. Utinam me totaliter ex tua
præ-

præsentia accendas, comburas, & in te transmutes, ut unus tecum efficiar spiritus, per gratiam internæ unionis, & liquefactionem ardentis amoris. Ne patiaris me jejunum, & aridum à te recedere: sed operare mecum misericorditer, sicut sæpius operatus es cum Sanctis tuis mirabiliter. Quid mirum, si totus ex te ignescerem, & in me ipso deficerem; cum tu sis ignis semper ardens, & nunquam deficiens amor corda purificans, & intellectum illuminans?

CAP. XVII. *De ardenti amore, & vehementi affectu suscipiendi Christum.*

1. **C**UM summa devotione, & ardenti amore, cum toto cordis affectu, & fervore, desidero te Domine suscipere, quemadmodum multi Sancti, & devotæ personæ, in communicando te desideraverunt, qui tibi maximè in sanctitate vitæ placuerunt, & in ardentissima devotione fuerunt. O Deus meus, amor æternus, totum bonum meum, felicitas interminabilis! cupio te suscipere cum vehementissimo desiderio, & dignissima reverentia,

tia, quàm aliquis Sanctorum unquam habuit, & sentire potuit.

2. Et licet indignus sim omnia illa sentimenta devotionis habere, tamen offero tibi totum cordis mei affectum, ac si omnia illa gratissimè inflammata desideria solus haberem. Sed & quæcumque potest pia mens concipere, & desiderare, hæc omnia tibi cum summa veneratione, & intimo fervore præbeo, & offero. Nihil opto mihi reservare, sed me & omnia mea, tibi spontè, & libentissimè immolare. Domine Deus meus, & redemptor meus, cum tali affectu, reverentia, laude, & honore; cum tali gratitudine, dignitate & amore; cum tali fide, spe, & puritate, te affecto hodie suscipere, sicut te suscepit, & desideravit Sanctissima Mater tua gloriosa virgo Maria, quando Angelo evangelizanti sibi incarnationis mysterium, humiliter, ac devotè respondit: Ecce ancilla Domini fiat mihi secundum verbum tuum.

3. Et sicut beatus Præcursor tuus excellentissimus Sanctorum, Joannes Baptista, in præsentia tua lætabundus exultavit in gaudio Spiritus sancti, dum adhuc maternis clauderetur visceribus: Et postmodum cernens
inter

inter homines Jesum ambulante ,
valdè se humilians, devoto cum affe-
ctu dicebat: Amicus autem sponsi, qui
stat & audit eum, gaudio gaudet pro-
pter vocem sponsi: Sic & ego magnis,
& sacris desideriis opto inflammiari,
& tibi ex toto corde me ipsum præ-
sentare. Unde & omnium devotorum
cordium jubilatione , ardentis affe-
ctus, mentales excessus, ac supernales
illuminationes, & cœlicas visiones ti-
bi offero , & exhibeo cum omnibus
virtutibus , & laudibus ab omni cre-
atura in cœlo , & in terra celebratis,
& celebrandis , pro me , & omnibus
mihi in oratione commendatis, qua-
tenus ab omnibus dignè lauderis , &
in perpetuum glorificeris .

4. Accipe vota mea , Domine
Deus meus, & desideria infinitæ lau-
dationis , & immensæ benedictionis:
quæ tibi , secundum multitudinem
ineffabilis magnitudinis tuæ , jure
debentur . Hæc tibi reddo , & redde-
re desidero per singulos dies , & mo-
menta temporum , atque ad reddend-
um tecum tibi gratias , & laudes,
omnes cœlestes Spiritus , & cunctos
fideles tuos , precibus , & affectibus
invito & exoro .

5. Laudent te universi populi,
tribus

tribus & linguæ, & sanctum, ac mel-
 lissimum nomen tuum, cum summa
 jubilatione, & ardenti devotione
 magnificent. Et quicumque reveren-
 ter, ac devotè altissimum Sacramen-
 tum tuum celebrant, & plena fide
 recipiunt, gratiam, & misericordiam
 apud te invenire mereantur, & pro
 me peccatore suppliciter exorent.
 Cumque optata devotione, ac frui-
 tiva unione potiti fuerint, & bene
 consolati ac mirificè refecti, de sa-
 cra mensa cœlesti abscesserint, mei
 pauperis recordari dignentur.

CAP. XVIII. *Quòd homo non sit cu-
 riosus scrutator Sacramenti sed
 humilis imitator Christi sub-
 dendo sensum sacræ fidei.*

1. **C**AVENDUM est à curio-
 sa, & inutili perscrutatio-
 ne hujus profundissimi Sa-
 cramenti: si non vis in dubitationis
 profundum submergi. Qui scrutator
 est Majestatis, opprimetur à gloria.
 Plus valet Deus operari, quàm homo
 intelligere possit. Tolerabilis, pia
 & humilis inquisitio veritatis, para-
 ta semper doceri, & per sanas Pa-
 trum sententias studens ambulare.

2. Beata

2. Beata simplicitas, quæ difficiles quæstionum relinquit vias, & plena, ac firma pergit semita mandatorum Dei. Multi devotionem perderunt, dum altiora scrutari voluerunt. Fides à te exigitur, & sincera vita, non altitudo intellectûs, neque profunditas mysteriorum Dei. Si non intelligis, nec capis, quæ infra te sunt, quomodo comprehendes quæ supra te sunt? Subdere Deo, & humilia sensum tuum fidei, & dabitur tibi scientiæ lumen, prout tibi fuerit utile, ac necessarium.

3. Quidam graviter tentantur de fide, & Sacramento, sed non est hoc ipsis imputandum, sed inimico. Noli curare, noli disputare cum cogitationibus tuis, nec ad inimicissas à diabolo dubitationes responde; sed crede verbis Dei, crede Sanctis ejus, & prophetis, & fugiet à te nequâ inimicus. Sæpe multū prodest, quòd talia sustinet Dei servus. Nam infideles, & peccatores non tentat, quos securè jam possidet: fideles autem devotos variis modis tentat, & vexat.

4. Perge ergo cum simplici, & indubitata fide, & cum simplici reverentia ad Sacramentum accede. Et quicquid intelligere non vales, Deo
om-

omnipotenti securè committe . Non fallit te Deus , fallitur qui sibi nimium credit . Graditur Deus cum simplicibus, revelat se humilibus, dat intellectum parvulis ; aperit sensum puris mentibus, & abscondit gratiam curiosis & superbis . Ratio humana debilis est ; & falli potest , fides autem vera falli non potest .

4. Omnis ratio , & naturalis investigatio fidem sequi debet , non præcedere , nec infringere . Nam fides ; & amor ibi maximè præcellunt , & occultis modis in hoc sanctissimo , & superexcellentissimo Sacramento operantur . Deus æternus, immensus, infinitæque potentiaë facit magna, & inscrutabilia in cœlo, & in terra, nec est investigatio mirabilium operum ejus . Si talia essent opera Dei, ut facile ab humana ratione caperentur, nec essent mirabilia , nec ineffabilia dicenda .

*Explicit liber IV. & ultimus Joannis
Gersen Abatis, de Sacra-
mento Altaris.*

ANT
1462666





5567

211
A29